

**С. Р. МУТАЕВА**

**МУКЬИЛЧИНМУР КЛАССРАВУ ЛАККУ МАЗ ЛАХЪХАВУ**

**МАХІАЧКЪАЛА, 2021**

**Дагъусттан Республикалул күлшиву дулаврил ва элмуул  
министрство**

**Аль. Аль. Тахо- Годил цэнийссэ Дагъусттаннын педагогикалул  
элму ахттар дуллалисса институт**

**С. Р. Мутаева**

**Мукилчинмур классраву лакку маз лахъяву**

**Махачкала, 2021**

УДК 80/81

ББК 81.603– 922

М– 91

*Издается по решению Ученого совета Дагестанского научно-исследовательского института педагогики им. А.А. Тахо-Годи(протокол № 7 от 27 ноября 2020 года)*

*Ответственный редактор:*

Шурпаева М. И., профессор, доктор педагогических наук,  
врио директора ГБУ «Дагестанский научно-исследовательский  
институт педагогики им. А.А. Тахо-Годи»

*Рецензенты:*

Магдиева П. М., старший научный сотрудник сектора родной  
и дагестанской литературы ГБУ «Дагестанский научно-  
исследовательский институт педагогики им. А. А. Тахо-Годи».

Саадулаева Р. Щ., кандидат филологических наук, старший  
преподаватель кафедры дагестанских языков ФГБОУ ВО «ДГПУ».

Мутаева С. Р.

Мукилчинмур классраву лакку маз лахъяву = Обучение  
родному(лакскому) языку в 4 классе общеобразовательной школы:  
методическое пособие, Махачкала: 2021.– 190 с.

В пособии излагаются вопросы методики преподавания родного (лакского)  
языка в 4 классе, рассматриваются методы и приёмы подачи нового материала,  
закрепления и обобщения изученного. Большое внимание уделяется работе по  
формированию и развитию коммуникативной компетенции учащихся.

Методическое пособие составлено в соответствии с Примерной образовательной программой учебного предмета «Родной (лакский) язык» для 1–4 классов начального общего образования(ФГОС НОО).

Пособие предназначено для учителей начальных классов, преподающих лакский язык и студентов филологических факультетов по специальности «Родной (лакский) язык».

© Дагестанский НИИ педагогики им. А.А. Тахо-Годи

© С.Р.Мутаева, 2021

## **Вив бүмур**

ХъьичІмахъ-----	
<b>I. Глава. 4-мур классраву «Лакку маз» тІисса предмет лахъхъаврил элмийсса ва методикийсса гъанурду</b>	
I. 1. «Лакку маз» тІисса предмет лахъхъаврил элмийсса ва методикийсса гъанурду -----	
I. 2. Федерал пачхАлугърал стандартиртайн бувну, сакин дурсса лакку мазрал программалул тІалавшиннарду -----	
I. 3. Лакку мазрал учебный пособиялул сакиншинна-----	
I.4. «Лакку мазрал» дарсирал сакиншинна ва хасшиннарду -----	
I.5. Мукилчинмур класс къуртал буллаисса дуклаки оърчАл ккаккан дан аркинсса резултатру -----	
--	
<b>II. Глава. 4-мур классраву лакку маз лахъхъаврил методика</b>	
II.1. Тематикийсса планирование-----	
II. 2. Программуву дуллусса материал лахъхъаву -----	
II. 3. Мукилчинмур классравусса дуклаки оърчАл гъалгъа баврил компетенция хъун баву -----	
II. 4. Лакку мазрал дарсирдал махъ дуллан ккаккан дурсса даву-----	
II.5. Мисалдарансса дарсирдал планну-----	
Хъиривмахъ -----	
Ишла дурсса литература -----	

## **ХъхьичІмахъ**

Федерал паччахІлугърал байbihъулул классирттансса стандартирттал хъунмур мурад оърчІру гъарца чулуха итххяххан бансса гъану бизаву, цІанасса чІумул тІалавшиннардацІун бавх1уну ялун нанисса ник тарбия даву, личІи-личІисса миллатирттал оърчІру куннащал кув бавкъуну, куннал хІурмат кув буллай, ялапар хъун лахъхъин баву хъанахъискар. Гиву хъуннасса къулагъас дурну дур оърчІан цала ниттил маз ва ниттил мазрайсса литература лахъхъин даврих.

Ва пособие муқыилчинмур классраву зузисса учительтуран кумагран сакин бувну буссар. Ванил мурад учительнал даву бигъа даву хъанахъискар. Пособиялову 4-мур классраву зузисса учительтурансса методикалул маслихІатру буллуну буссар. Хъуннасса къулагъас дурну дуссар дакІних ва чичрулийну дуклаки оърчІан лакку мазрай тІайллану, кІанийн бувтун, гъалгъа буллан лахъхъин баврих. Мукунма хІисавравун ларсун дуссар лакку маз ишла баврил сферагу.

Шиву мисалдарансса дарсирдал планнугу дуллуну дуссар. Учительнаща вай щаллуну цала давтиву ишла дуллан ягу вайннул цуми-бунугу бутІри цала дарсирдал планнавун бичин бюхъантІискар.

Вай 4-мур классрансса дарсирдал планну, Федерал паччахІлугърал аымсса байbihъулул классирттансса стандартирттал тІалавшиннардайн бувну, сакин дурну дуссар. Шиву муқыилчинмур класс къуртал буллалисса дуклаки оърчІаву щаллу хъунсса резултатру ккаккан дурну дуссар.

## **I- мур глава. 4-мур классраву «Лакку маз» тІисса предмет лахъхъаврил элмийсса гъанурду**

### **I.1. «Лакку маз» тІисса предмет лахъхъаврил элмийсса ва методикийсса гъанурду**

Лакрал школарттай байбихъулул классирттаву оърчілан кіулшиву дулаврил ишираву ца агъамсса кіану лакку мазрал бугълагъиссар. Оърчіал хъхьичІра-хъхьичІсса кіулшиву лакку мазрайри ласайсса, мунихтуну лакку маз миннан ххуйну кіулну бикілан айкинссар.

Оърчіал байбихъулул классирттаву грамматикалуя ласайссар лавайми классирттаву лахълахъисса содержаниялуцІун ціакыну дархІусса ца балжисса кіулшиву. Грамматика ва чичруул къядарду лахълахъисса байбихъулул курсиравун лавайми классирттаву грамматикалул ва чичруул къядардал курс ххуйну лахъхъиншиврул чара бакъа айкинсса материал дирчуны дуссар.

Байбихъулул школалий лахълахъисса предметирттаву «Лакку мазрал» кіива агъамсса мурад щаллу буллалиссар:

1. Дуклаки оърчіру мазрал элмулущал кіул баву ва гайннаву пикри баврил бюхъу щаллу баву;
2. Дуклаки оърчіал гъалгъа баврил компетенция щаллу баву: дакІнихсса ва чичрулийнусса гъалгъа магъир баву, монолограл ва диалограл формалийсса гъалгъа магъир баву ва мукунма инсаннал аымсса культуралул ккаккияну хъанахъисса грамотныйсса, гъалатІру бакъасса чичруул вардишру щаллу даву.

Цанасса чIумал лакку маз лахъхаву – му дуклаки оърчIру мазрал системалуштал ва ганивусса правиларттащал кIул баврийну, гъалгъалул бюхъурду ва вардишру шаврийну щаллу къашайссар. Ва предметрал хъинну хъуннасса агъамшиву дуссар дуклаки оърчIал мировоззрения хъун давриву, гайннан дуклан лахъхин баврил гъану бизавриву, аькълу-кIулши хъун давриву ва оърчIру адав-инсапрал чулуха тарбия бавриву.

Ва предметрал ляличIишиву хъанахъиссар ганил цIакъину литературийсса буккаврищалсса дахIаву, вай кIиннилагу «Ниттил маз ва ниттил мазрайсса литературийсса буккаву» тIисса предметный областъравун бухлахисса агъанми масъалартту щаллу бавриву.

## **4 классраву лахъхайсса лакку мазрал курсирал аымсса характеристика**

Лакку мазрал курсирал ляличишишууну хъанахъискар аымсса литературийсса буккаврищал архIал гъалгъа баврил ва за кIул баврил гъану бушиву. Гивун лакку маз лахъхаврил шанна аспект духлахискар: мазрал система, гъалгъа баву ва литературийсса текст.

Курсирал программалул байбихъулул школалий аымну лакку маз лахъхаву шанна принципайн чул бившуну дайссар:

- 1) гъалгъа магьир баврил;
- 2) цусса зат кIул баврил;
- 3) дуклаки оърчIал дарсирахсса гъира багъан баврил ва гъарца оърчIайн хъарсса дуккаврил.

Гъалгъа магьир баврил принципал бувчин буллалиссар мазрал яла агъанмур функция гъалгъа баврил ярагъну бикIаву хъанахъишишуу:

гъалгъалул тагъар хIисавравун ларсун, гъалгъа буллан лахъхаву щаллу дан (гъалгъалул мурад бувчин, гъалгъалул тагъарданух урувгун, цала гъалгъа баххана бувну бакынан, ганил ялув къулагъас дан);

гъалгъа баврил личIи-личIисса системарттащал кIул баву (дакIинисса ва чичрулийнусса);

текст – му гъалгъа буллай хъумур, ганил дузрайн дуркесса ахир душивруштал кIул баву;

дуклаки оърчIан цанма личIи-личIисса журагул текстту (магьир литературалувун дүххайсса назмурду, хаварду, магьри

ляхъан буллан, научно - популярныйсса текстру) сакин дуллансса гъира багъан баву;

учительнал дуклаки оърчашал ягу дуклаки оърчал куннал куннашал диалограл формалий, гъалгъалуву ишла байсса махъругу ишла бувну, куннашал кув хIурмат буну, куннан кув бувчIай, адав-инсапрай гъалгъа баву ва куннашал кув архIал зунсса, гъалгъа тIунсса гъира бикIаву.

Щусса зат кIул баврил принципрал ккаккан байссар мазрайхчIин, мукъуйхчIин инсаннал дуллалимур, дуниял кIул дайшиву.

Дуклаки оърчал дарсирахсса гъира лавай баврил ва гъарца оърчIайн хъарсса дуккаврил принципрал оърчIан дуккаврихсса ва за лахъхъаврихсса гъира багъан байссар. Гайннан кIулшиву ласун лахъхъин байссар.

Жула культуралул аьдатирттайн чул бивщуну, дуклаки оърчIаву адав - инсапрайсса тIул-тIабиасть щаллу даву ва чIунархIал оърчашал ва бугъарасса инсантуращал гъалгъа буллан лахъхъаву.

4- мур классрал дуклаки оърчиру дус шайссар: гъалгъалул бутIращал ва гъануми формардащал; предложениялул жуардащал; предложениялул члентращал. Ца агъамсса кIану оърчиру мукъул лексикийсса мяъналуштал, чIяру мяънарду ду мукъуртищал ва синонимикалуштал иширайну дус баврил бугълагъиссар.

Байбихъулул классирттал грамматикалул ва чичруул къядардал курсирал гъанусса раздельнууну хъанахъиссар: «Чурду ва хIарпру», «Махъ», «Предложение», «Махъру кунницIун кув бавхIусса гъалгъа», «МарцIну чичаву».

«Махъ». Программалий махъ лексикалул ва грамматикалул чулуха бувчин буллай буссар. Ганил хъуннасса къулагъас мукъуртищалсса давурттах дуллалиссар. Грамматика ва чичруул къядарду лахълахъийни, произведенияртту ккалаккийни, орчан хисав шайссар мукъуртил затру ягу хъанахъисса ишру ккаккан байшиву, гайннул мяъна душиву. Личи-личисса предложениярттаву, гъалгъалуву, мукъуртил мяънарду даххана шайшиву, махъру мяъналул чулуха гъансса ягу къаршилса бикайшиву.

Мукъул грамматикийсса мяъна кул шайссар мукъул бутри (мархха, суффикс, дайлити) лахълахъийни. «Мукъул бутри» тисса тема 3 классраву лахъхъайссар. Мукъул бутри лахъхъаврил гъанулий, гъансса (ца мархлуя хъусса) махъру личи буллалиссадаврил мадарасса клану бугълагъиссер. Микку дуклаки орчан кул шайссар мукъуртил дяниву дахиаву душиву, гай кунния кув сакин шайшиву, гъалгъалул бутрил дянивсса лашаву ва личишигу дурчин кумаг байшиву. Мархха, суффикс, дайлити личи даврил, мархри цачи бишаврил гай чичайссакуц дакиний личиан кумаг бантиссер.

4 классраву дуклаки орчиру мадара гъартану баҳхана шайми гъалгъалул бутрил формардал цаппара хасиятиртташал дус байссар.

Существительнирал затру ккаккан дайссар, айдадирттайх, падежирттайх баҳхана шайссар; прилагательнирал затрал хасият ккаккан дайссар, существительнирашал бусса чумал айдадирттайх

ва падежирттайх баххана къашайссар; глаголданул даву ккаккан дайссар ва чүннайх баххана шайссар ва м.ц.

Гъалгъалул бутри лахълахьийни 4-мур классраву мукъуртищалсса давуртту дайссар (мяньна дурчин даврил, махъ тайлану ишла баврил чулухуннай).

Байбихъулул школа къуртал буллалисса орчлан синтаксисраясса күлшиву дулиссар «Предложение» тисса раздел лахълахьийни мукъвагу классраву, му күлшиву дуссар:

1) предложениярттал жуарарду (бусай, цүххай, буюр бай ва ойвчай), мукунна простойсса предложение;

2) предложениялул члентру (цалчинмур даражалул – подлежащее, сказуемое; килчинмур даражалул – ца къакуну);

3) предложениялувусса мукъуртил дянивсса дахиаву, предложениялувусса бавхумукъуртия.

4) сложный предложениялия аымсса күлшиву дулиссар. Укунсса күлшиву дуклаки орчлан чан-чанну тий, мукърагу шинал мутталий ласайссар.

4 классраву 3 классраву лавхъхумур курти бувну, гъарта байссар. Му бакъассагу, дуклаки орчлан күлну биклан айкинссар подлежащее, сказуемое, предложениялул цалчинмур даражалул члентру, предложениялул килчинмур даражалул члентру (гайнун царду къакуну).

Байбихъулул классирттаву лахъхайсса цинярдагу морфологиялул темарду лахъхайссар синтаксисрал гъанулий, яни синтаксис ва морфология цанициун ца дархуну, цаниил-ца

дурчIин дуллай, цанчирча жула гъалгъа предложениярттай ва бавхIумукъурттия сакин хъусса буну тIий.

4-мур классраву предложениялувусса мукъурттил дахIаву ххал дуллалисса давурту дачин дайссар. ОьрчIан синтаксисраясса кIулшиву гъартану ва ххуйну лахъхъаврил иширан хъунмасса кумаг байссар махъру кунницIун кув бавхIусса гъалгъа ишла буллалийни, цала пикри дакIнихгу, чичрулийгу бусан лахъхъин булларча.

Дарсирдал гъанусса принципирдал цану гъалгъа магъир баву хъанахъиссар. Грамматика кIулшиврун, мазрал ва орфографиялул вардишру душиврун ккалли дан бюхъайссар, так дуклаки оьрчIаша гай кIулшивуртту мукъурттиву, предложениярттаву, цала бусласимуниву дакъассагу, цала сакин дуллалисса текстирдаву, хавардаву, изложениярттаву ва сочинениярттаву ккаккан дан бюхъарча.

Программалуву хъунмурчIин изложенияртту ва сочиненияртту дан ккаккан дуллалисса. ДакIихсса ва чичруул давурту кунницIун кув дархIуну дуссар.

Чичрулийнусса гъалгъалул чулухунмайсса бюхъурду дакIихсса гъалгъа магъир баврил гъанулий щаллу шайссар. Чичруул давурту даннин хъхъичI, учитель ялув авцIуну, дакIихсса давурту дайссар. Чичру дулланнин хъхъичI, дакIихсса давурту дуллалийни, учительнаща бюхъайссар мазрал, стильданул, мурадрал чулухуннайсса замечанияртту дан, дуклаки оьрчIашагу цала гъалатIру бигъану бакъин бан бюхъайссар.

*МарцІну чичаву.* МарцІну чичаврил дарсру грамматикалул материал ва чичруулул къайдарду лахъхин дуллалисса дарсирдацІун дархІуну дишайссар.

МарцІну чичаврил дарсирдай чичлансса махъру, предложенияртту ва текстру личІи дуллалийни, чичруулул къайдардугу дакІний дикІан аркинссар. Масала, хъуни хІарпру чичин лахълахъийни инсантурал, хІайвантрал, шагъурдал, неххардил цАрду чичлан аркинссар, личІи-личІисса хІарпру чичин лахълахъийни программалий цала-циала классирттан лахъхин ккаккан бувсса махъру ласун аркинссар.

МарцІну чичаврил дарсирдай дуллалисса тІалавшиннарду цинярдагу чичруулул дарсирдайгу даван аркинссар.

4 классраву лахъхайсса фонетикалул, грамматикалул, чичруулул къайдардал, гъалгъа магъир баврил программалул курсирал щаллу бан аркинссар оърчІан кІулшиву дулаврил, гай тарбия баврил ва гайннал аъкълу-кІулши ларай даврил цасса масъала.

## **I.2. Федерал паччахІлугърал стандартирттайн бувну, сакин дурсса лакку мазрал программалул тІалавшиннарду**

### **IV класс**

**Тикрал баву. ХъхьичІми классиртаву лавхъхъумур тикрал бувну, жям баву.**

Махъ, предложение, текст гъалгъалул единицарду хІисаврай.

**Чурду ва хIарпру.** I– III классиртаву лавхъхъумур тикрал баву. Чурдал ва хIарпирдал анализ даву хъиннурा магъир дан. Аслийсса лакку чурду ва хIарпру тикрал даву. КIилийнусса хIарпру ва гайннул ккаккан байсса гуж бу чурду.

**Гъалгъа.** **Текст.** Текстрай лавхъхъумур тикрал бувну, жям баву. Текстру сакин даву.

### **Синтаксис. Предложение.**

Ялавайми классиртаву предложениялую лавхъхъумур тикрал баву.

Предложениялул цалчинмур ва кIилчинмур даражалул члентру. Предложениялул гъану.

Предложениялул ца журасса члентру.

Ца журасса члентрашалсса предложенияртту, ва, - гу союзу бусса ва союзу бакъасса. Ца журасса члентрача запятой дишаву. Обращениялущалсса предложенияртту. Ца журасса члентру бусса предложенияртту сакин дан кIулшиву.

Кутла предложенийяртту. Лахъи предложенияртту.

Цалчинмур даражалул члентрая хъусса кутла предложенияртту кIилчинмур даражалул чентрал кумаграйну лахъи даву.

**Сложный предложение.** Сложный предложениялуюсса аымсса бусаву.

Сложный предложение простой предложениялую личИи дан буюхъаву.

**БавхIумахъру.** БавхIумукъуртия лавхъхъумур тикрал ва жям баву. БавхIумукъуртил ва предложениялувусса мукъуртил дянивусса дахIаву.

**Мукъул бутIри.** III классраву лавхъхъумур тикрал баву ва магъир баву. Ца мархлуя хъусса махъру личIи бан бюхъаву.

ЦачIун був махъру(кIул баву). ЧIявуну ишла байсса цачIун був махъру чичин кIулшиву.

**Гъалгъалул бутIри.** Гъалгъалул бутIрая лавхъхъумур тикрал баву.

**Существительное.** III классраву лавхъхъумур тикрал баву. Существительнирдал группартту (ур группа, дур группа, бур группа). Существительнирал падежру. Существительнирду ца аьдадрай падежирттайх баххана шаву (склонение). Существительнирду чIяру аьдадрай падежирттайх баххана шаву. Существительнирдал падежирттал аьмсса дайлитIурту (кIирагу аьдадрай) гъаншиврул - л, дулаврил - н, бусаврил - хъ, шаврил - ща, цачIушиврул - щал.

Клантул падежру (кIул даву). Клантул падежирттайсса существительнирду текстраву лякъин бюхъаву ва гай гъалгъалуву ишла баву.

Существительнирду жуардайх бачIаву (затиртал, ххяххиярттал, хIайвантрал, инсантурал, тIабиальтраву, обществалуву хъанахъисса иширттал цIарду).

Существительнирду гъалгъалуву ишла бан бюхъаву.

**Прилагательное.** Прилагательное существительниращал бакъасса чIумал существительное кунма падежирттайх баххана

шаву. Прилагательнирал суффиксру - сса, - ма, - мур, -ми ( - сса – аымса, - ма, - мур – ца айдад, - ми – чIяру айдад).

**ЦанинкIанаймур.**                    ЦанинкIанаймур.                    Хасъсса  
цанинкIанайми. Гай падежирттайх баххана шаву. Хасъсса  
цанинкIанайминул лицорду: 1- мур, 2- мур ва 3 - мур.  
ЦанинкIанайми текстраву лякъин бюхъаву ва гай гъалгъалуву  
ишла баву.

**Глагол.** Шамилчинмур классраву лавхъхъумур тикрал баву.  
Глаголданул мяълум дақъа формалуя аымса кIулшиву дулаву.  
Глаголданул чIунну. Глаголлу лицордайх ва айдадирттайх баххана  
шаву. Глаголлу группарттайх баххана шаву (цивува группартту  
какканбуулт буими). Глаголлу существительниращал бахIин  
кIулшиву. ЛичIи-личIисса давуртту каккан дуллалисса глаголлу  
личIи бан кIулшиву.

**Наречие, мяъна, суаллу.** (иширайну кIул баву). Наречияртту  
текстраву лякъин бюхъаву ва гай гъалгъалуву ишла баву.

**Лавхъхъумур тикрал баву.** Байбихъулул школалий  
лавхъхъумур тикрал баву.

**Махъру кунницIун кув бавхIусса гъалгъа (Саргъунсса  
гъалгъа)**

**Мукъуртищалсса даву.** Предложение сакин дуллалийни ца  
лархъхъусса ва цаннин ца къаршилла мяъна дусса махъру –  
существительнирду, прилагательнирду, глаголлу язи бугъаву. Ца  
пикри бусласийни айкинми, кIанин багъми махъру язи бугъаву.  
Гъалгъалуву гайва-гай махъру чIявуна ишла баву духлаган даву.

Гъалгъа. Инсаннал ойрмуулувусса гъалгъалул агъамшиву.

Текст. Текстрал тема ва гъанусса пикри. Текстрал сакиншинна Бувккумунил план даву. Классраву циняннал щачIу дурсса пландалийн бувну, текстрайн бувсса изложение даву (диялсса ягу кутIа дурсса ).

### **МарцIну чичаву**

Ца ща бусса ххуттайх чичаву. Чичру анавар даврил чулухуннайсса давуртту: а) ка вардиш даву мурадрай, къасса авшру дихълахьи баву; б) бартканил ва кIиссурттал зузаву бигъа ва саргъун хъун даву мурадрай, мюрщи xIарпру личIи- личIисса авшурдицIун лачIун дурну, чичлачи баву; в) мюрщи xIарпру кунницIун кув ва личIи -личIисса авшурдицIун лачIун дурну, чичаву; г) хъуни xIарпру мюрщи xIарпирдацIун лачIун дурну, алфавитрал низамрай чичаву; д) мукурттиву хъуними ва мюрщими xIарпру кунницIун кув лачIун дурну, чичаву.

Цаппара махъру, предложенияртту анаварну чичаву, диктовкалий чичаву.

### **Чичин захIмат хъанахъисса махъру чичин кIулну бикIаву.**

АрхIал, аылтта чIалай, барапбалну, багъIатI хъун, байчу щун, гъаен дан, кIурадаен, дакI оъзан, костюм, театр, хозяйство, шифер, бювкъу-ай, самолет, автобус, портфель, линейка, кино, шкаф, пюрун, шичча-тичча, гичча, хъхъичIва-хъхъичI, кунцIа, кIияма, кIихъра, ненттабакI, няй-няй тIий, нину-ппу, кунначIа кув, цаннащал ца, тIуршилухсса, орден, председатель, радио, район, сочинение, изложение, телеграмма, стакан, паччахIлугъ, хIукумат, бухгалтер, телефон, съезд.

### **I.3. 4-мур классрансса «Лакку мазрал» учебный пособиялул сакиншинна**

Лакку мазрал учебный пособие, Федерал паччахIлугърал цусса аымса байбихъулул классирттаннса стандартирттайн бувну, сакин дурсса программалийн бувну, сакин бувну бур. Га ишла буллан ккаккан бувну бур щала дуккаврил шинай. Гивун духлай дур лув ккаккан дурсса разделлу:

3-чинмур классраву лавхъхъумур тикрал баву.

Гъалгъя. Текст.

Предложение.

Махъру сакин шаву.

Гъалгъалул бутIри.

Существительное.

Прилагательное.

ЦанинкIанаймур.

Глагол.

Наречие.

Шинай лавхъхъумур тикрал баву.

Цусса 4-мур классрансса лакку мазрал луттирай гъарца раздел лахълахъийни дуклаки оърчIал хъхьичI бивхъусса масъалартту ккаккан бувсса шмуцтитуллу дуллуну дуссар. Шмуцтитуллал дуклаки оърчIан лахъхъин айкинмур бувчIин кумаг байссар. Гайннушалсса даврил мурад ниттил маз лахъхъаврихсса гъира лавай баву хъанахъиссар, дуклаки оърчIан ккаккан дурсса

тема лахълахъийни дуллалисса давурттал агъамшиву дурчIин дайссар.

«З-чинмур классраву лавхъхъумур тикрал баву» тIисса раздел лахълахъийни, «Текст, предложение, махъ», «Чурду ва харпру» тIисса темарду тикрал дан ккаккан дурну дур.

«Гъалгъа. Текст» тIисса раздел лахълахъийни, «Текстрай лавхъхъумур тикрал ва жям баву» тIисса тема лахъхъин ккаккан дурну дур.

«Предложение» тIисса раздел лахълахъийни, «Предложениялужа лавхъхъумур тикрал баву», «Цалчинмур даражалул члентру. Предложениялужа грамматикийсса гъану», «Килчинмур даражалул члентру», «КутIа предложениярту ва лахъи предложениярту», «Ца журалул члентиртташалсса предложениярту», «Союзру бакъасса ца журалул члентиртташалсса предложениярту», «Союзру бусса ца журалул члентиртташалсса предложениярту». «Обращениялужалсса предложениярту», «Сложный предложение», «БавхIумахъру» тIисса темарду лахъхъин ккаккан дурну дур.

«Мукъул бутIри» тIисса раздел лахълахъийни, мукъул бутIрая лавхъхъумур жям бан ва «ЦачIун був махъру» тIисса темарду лахъхъин ккаккан дурну дур.

«Гъалгъалул бутIри. Существительное» тIисса раздел лахълахъийни,

«Существительнирдая лавхъхъумур тикрал ва жям баву», «Существительнирдал группартту», «Существительнирду ца аьдадрай падежирттайх баххана шаву», «Существительнирду чIяру

аьдадрай падежирттайх баххана шаву», «Существительнирдал жураду. Къаршиssa мяънарду дусса существительнирду» тIисса темарду лахъхин ккаккан дурну дур.

«Прилагательное» тIисса раздел лахълахъийни, «Прилагательнирая лавхъхъумур тикрал баву», «Гъаншиврул падежирттайсса существительнирдая сакин хъусса прилагательнирду», «Прилагательнирду падежирттайх баххана шаву» тIисса темарду лахъхин ккаккан дурну дур.

«ЦанинкIанаймур» тIисса раздел лахълахъийни, «Хасъесса цIанинкIанайми», «ЦанинкIанайми падежирттайх ва аьдадирттайх баххана шаву» тIисса темарду лахъхин ккаккан дурну дур.

«Глагол» тIисса раздел лахълахъийни, «Глаголдануя лавхъхъумур тикрал баву», «Глаголданул мяълум дакъа форма», «Глаголлал чIунну: цIанасса чIун», «Ларгсса чIун», «ДучIантIисса чIун», «Глаголлу группарттайх баххана шаву», «Глаголлу лицордайх баххана шаву», «Глаголлу аьдадирттайх баххана шаву», «Глаголданул инкар бай бутIри» тIисса темарду лахъхин ккаккан дурну дур.

Мукъилчинмур классраву хъхичIва-хъхичI дуклаки оърчIру наречиялущал кIул хъанай бур. Дуклаки оърчIан наречие дакIнихсса ва чичрулийнусса гъалгъалува личIи буллан ва га ишла буллан лахъхин байссар.

«Шинай лавхъхъумур тикрал баву» тIисса разделдануву шинай лархъхъусса материал тикрал дансса давуртту дуллуну дуссар.

4-мур классрансса лакку мазрал луттираву «Инава лавхъхъумур ххал ба» тИисса рубрика дуллуну дур. Ганил дуклаки оyrчIал раздел лархъхъуну махъ, миннаву щаллу хъун аyrкинсса результатру ч1алаch1и дуллай дур. «Инава лавхъхъумур ххал ба» тИисса рубрикалуву журо-журасса чичрулийнусса давурттугу дуллуну дур.

Учебный пособиялову мукунна ххуйну дуклакисса оyrчIансса, захIматсса давурттугу дуллуну дуссар.

Учебный пособиялову хъуннасса къулагъас дурну дур текстрашталсса даврин. Лахълахъисса грамматикалул материал текстраву лахъхъин ккаккан дурну дур. Учебный пособиялову программалуву лахъхъин ккаккан дурсса грамматикалул материал личIи-личIисса саргъунсса текстирдаву лахъхъин ккаккан дурну дур. Ганивун лакрал, дагъусттанныл ва оyруснал чичултрал хаварду, магъри ва назмурду дирчуны дур. Учебный пособиялову хъуннасса къулагъас лакку маз лакрал миллатрал маз бушиву ккаккан буллалисса лакрал тарихраясса, культуралиясса ва м. ц. текстру дуллуну дур. Дуклаки оyrчIан лакку маз лахъхъинсса гъира бутаву мурадрай учалартту, ссигъри буллуну бур. Учебный пособиялову тамансса текстру оyрус мазрая лакку мазрайн таржума дурссагу дуллуну дур, гайннул оyrчIру кIул буллай бур оyруснал ва цаймигу миллатирттал литературашулацалгу.

Дуклаки оyrчIал аькълу-кIулши ларай даву мурадрай учебный пособиялову дуллуну дур журо-журасса давуртту: цайнура цала дансса, кIия ягу цаппара оyrчIал цачIу дансса, щала классрал архIал дансса.

Учебный пособиялуу чыяруssa давуртту дур дуклаки оърчIал чичрулийнусса ва дакIихсса гъалгъа магыир бан кумагрансса .

Дуклаки оърчIан дуллусса темалун хасъсса материал лякъин, гай цачIун ва жям дан лахъхиншиврул учебный пособиялуу проектрал давурттугу дуллуну дур.

#### **I.4. «Лакку мазрал» дарсирал сакиншинна ва хасшиннарду**

Дарс дуклаки оърчIан кIулшиву дулаврил яла агъанмур журал хъанахъискар. Мунияту Федерал паччахIлугърал кIулшиву дулаврил стандартирттай хъуннасса къулагъас дарсру дишаврил даажа лавай баврин дурну дур. Щусса Федерал паччахIлугърал стандартирттай ккаккан бувну бур дуклаки оърчIан цайнурал цала кIулшиву ласун лахъхин бан аъркиншиву. Учительнал бурж дуклаки оърчIал щусса материал лахъхин, къакIулмур кIул буллан лахъхин баву хъанахъискар.

Лакку мазрал дарсирдал, цайми предметирттал кунна, чыяруssa жуарарду дуссар.

Дарсирал сакиншинаравун буссар чара бакъа буххан аъркинсса бутIри:

1. Дарсирал тема
2. Дарсирал мурад
3. Дарсиран аъркинмур
4. Дарсирал журал (Щусса материал лахъхин дуллалисса дарс, лавхъхьумур жям буллалисса дарс, лавхъхьумур тикрал

буллалисса дарс, дуклаки оърчIал кIулшиву ххал дуллалисса дарс ва м.ц.)

Дарс нанаву тIисса бутIуву дарсиral план диялну ккаккан дурну дикIан айкинссар. Гиву бикIан бюхъайссар лув ккаккан бувсса бутIри:

1.Дуклаки оърчIру дарсирайн хIадур даву.

2.Дуклаки оърчIру цIусса материал лахъхъаврийн хIадур даву.

Шикку дуклаки оърчIру хIадур байссар цIусса материал лахъхъаврийн. Гай, хъхьичI лархъхъусса материалдануйн чул бившуну, цивппа дарсирай ци лахълан тIий буссарив, дарсиral тема бусан байссар.

3.Учебный пособиялущалсса даву.

4.Физкультминутка.

5.Рефлексия

1.Дарсирай лавхъхъумунил жям даву:

– Цуманал бусанну хIакыину жува ци лавхъхъуссарив?

– дуклаки оърчIал бусан айкинссар дарсирай лавхъхъумур, кIул хъумур.

2. – Дарсирай зура дурсса даврин кымат бишара. Бусияра зунна ци ххуй дирзссарив дарсирай, цукунсса захIматшивуртту хъунадаркъуссарив.

6.Дарсиral жям даву (дарсиral жям даву, кыматру бишаву).

7.Шардайнсса даву (шардайнсса даву дурчIин даву).

**I.5.IV класс къуртал буллалисса дуклаки оърчIаву щаллу хъун айкинсса резульятатру:**

ФГОС -айн бувну, мукъилчинмур класс къуртал буллалисса дуклаки оърчIан кIулну бикIан айкинссар:

**Гъарца дуклаки оърчIан хасъесса (личностьныйсса) результатру**

1.Цува Айрасат хIукуматрал инсан ушиву кIулну бикIан, цала Ватандалухлюя, айрасатнал халкъунная, тарихрахрая пахру бан бюхъаву щаллу даву. Дуклаки оърчIру чIяву миллатру бусса айрасатнал обществалул яла ххуймунийн чул бивщуну, инсантал ххирану ва демократикийну тарбия даву.

2. Цува дуклаки оърчI ушиву бувчIуну икIаву, дуккаврихсса гъира багъаву, ганил агъамшиву бувчIаву.

3.Цама инсаннал пикрилух, чил миллатрал тарихрах ва маданиятрах хIурмат буну ургаву хIасул даву.

4.Цала дуллалисса даврил, цала тIуллал жаваб дулун бюхъаву.

5.Анаварну баххана хъанахъисса ва оърму хъхьичIунмай нанисса дуниялий ялапар хъун лахъхъин бюхъаву.

6.Цайминнан хъинбала хъуну чисса, мяърипат, инсаншиву дусса, куннан кув бувчIайсса, цайми инсантурал дакIиймур бувчIин бюхъайсса инсантал шаву.

7.Цаярва хъуниминнащал ва чIунархIал оърчIаштал чIумух, тагъарданух ва кIанттух бурувгун, ихтилат бан, маз лякъин кIулну бикIан; бяс-ччаллу къабуллай, оърмулул личIи-личIисса тагъарданух бурувгун, ххуллурду ляхълан кIулну бикIаву.

8.Чурххан зарал бакъа, дуллалисса давриву цукунсса-дунугу ккаккияртту хъунну зузаву.

**Метапредметныйсса результатру**

1. Цайнура цала гихуннайсса кIулшиву ласун бюхъаву, дуккаврихсса, за кIул баврихсса гъира бикIаву.

2. ЛичIи-личIисса источнирттаву информация лякъин бюхъаву: жура-журасса пособиярттаву, Интернетраву. Аyrкинсса информация лякъин, батIин, ганил анализ дан ва га аyrкинсса куццуй ишла баву.

3.ЛичIи-личIисса стильлайн дагълагъисса текстру мяньна бувчIинсса куццуй дуккин бюхъаврил вардишру щаллу хъун дан. Буллалисса гъалгъалул мурадрах бурувгун, дакIних ва чичрулийну текстру сакин дан бюхъаву.

4.Лув ккаккан дурсса давуртту дан лахъхъаву: лашан баву, ( цач1у бивхъуну ххал бигъаву?) анализ, синтез, жуардайх бачIаву ва жям баву, лавхъхъусса кIантту личIи баву ва м.ц.

5.ГъалгъатIиманах вичIи дишин кIулну бикIан, щищал-бунугу гъалгъа бан кIулну бикIан. Гъарца инсаннал ссал-бунугу ялув цала-циала пикри бикIайшиву кIулну бикIан. Цала пикри бусан, га бувчIин бан бюхъан. Щищал-бунугу гъалгъа тIисса чумал диалограл ва монолограл журалийсса гъалгъа ишла бан бюхъан.

6. Бяс бусса кIанттурдаву, циняннал мурадирттах бурувгун, тIайласса сант, ххуллу лякъин хIадурну икIаву.

7. Предметирттал дахIаву ккаккан дуллалисса агъанми дурчIалартту лахъхъаву.

### **Предмет кIулшиврул резульятатру**

1. Лархъхъусса орфограммарду ва чичрулул лишанну дусса 75-80 махъ бусса текст диктовкалий чичаву.

2. Мукъувусса чIурдал разбор дан, мукъурттиву чIурдал ва хIарпирдал ккал қкаккан дан; мукъул бутIрал (мархха, суффикс, дайлитIу) ва гъалгъалул бутIрал разбор дан (существительнирдал – аьдад, падеж; прилагательнирдал – падеж, аьдад; глаголданул – аьдад, чIун; синтаксисрал – предложениялуу мукъурттил дахIаву қкаккан дан, подлежащее, сказуемое ва кIилчинмур даражалул ( ца къакуну) қкаккан баву.

3. Гъалгъалул бутIран цIарду (существительное, прилагательное, глагол, числительное, цIанинкIанаймур) ва гайннул хасиятру.

4.Предложениялул члентран цIарду – цалчинмур даражалулми (подлежащее ва сказуемое), кIилчинмур даражалулми (жуардан цIарду къакуну).

5.Мукъул бутIран цIарду: мархха, дайлитIу, суффикс.

6. (80-90 маxъ) бусса текстрал изложение чичаву.

7.Цала оyrмулуву хъусса иширая хавар сакин баву, га чичаву.

## **II-мур глава. 4-мур классраву лакку маз лахъхъаврил методика**

### **2. Тематикийсса планирование ( 68 ссят)**

<b>Тематикийсса планирование</b>	<b>Дүклаки оърчIал дуллалимур</b>
<b>ХъхичIими классирттаву лавхъхъумур тикрал баву (5 ссят)</b>	
Гъалгъа ва инсаннал оърмулуву ганил бугълагъисса кIану. Махъ, предложение, текст гъалгъалул единицарду хIисаврай.	Махъ, предложение ва текст гъалгъалул единицарду бушиву кIулну бикIан. Текстрал ва предложениярттал личIишиву кIул дан бюхъан.
Предложение, ганил журагарду.	
Предложениялул ахирданий чичрулул лишанну дишаву.	ДакIихисса ва чичрулийнусса гъалгъалуву личIи-личIисса
Текст, ганил журагарду. Текст бутIрайх дачIаву.	журагардал предложенияртту ишла дуллан. Предложениялул ахирданий чичрулул лишанну
Текстрал заголовок. Абзац.	дишин бюхъан.
Текстрал тема ва гъанусса пикри.	ЛичIи-личIисса текстирдал журагарду кIул дуллан. Текст
Текстрал сакиншинна.	бутIрайх дачIин. Текстрал тема ва гъанусса пикри кIул буллан.
<b>Чурду ва xIарпру. I- III классирттаву лавхъхъумур тикрал ва жям баву.</b>	Чурдал ва xIарпирдал анализ дуллан. Аслийсса лакку чурду ва
Чурдал ва xIарпирдал анализ	

даву хъиннурат магьир даву. Аслийсса лакку чIурду ва хIарпру тикрал даву. Килийнусса хIарпру ва гайннул каккан байсса гуж бу чIурду. ТииртIу хIарпру ва гайннул каккан байсса чIурду. ХIарпру я, ю, э ва гайннул каккан байсса чIурду. Ь ва ъ, гайннул мяньна. Ларкъу хIарпру хI ва гъ, гайннучIа тIииртIу хIарпру чичаву.	хIарпру тикрал дуллан. Килийнусса хIарпру ва гайннул каккан байсса гуж бу чIурду кIулну бикIан. ТииртIу хIарпру ва гайннул каккан байсса чIурду кIулну бикIан. ХIарпру я, ю, э ва гайннул каккан байсса чIурду кIулну бикIан. Мукъурттиву ь ва ъ ишла дуллан кIулну бикIан. Ларкъу хIарпру хI ва гъ дусса махъру чичин кIулну бикIан
--	---

### Гъалгъа. Текст. (3 ссят)

Гъалгъа. Текст.	Текст гъалгъалул яла хъунмур единица бушиву кIулну бикIан.
Текстрая лавхъхъумур тикрал ва жям баву. Текстру сакин даву. Дуллусса темалийн бувну, дакIних ва чичрулий текстру сакин даву.	Текстрал журагдурд личи дан кIулну дикIан. Текстрал тема ва гъанусса пикри кIул бан бюхъян. Текстрал план дан. Текст сакин даврил къайдарду дуручлан. Дуллусса темалийн бувну, текстру сакин дан бюхъян
Гъалгъа <b>магьир</b>	

**Предложение. БавхIумахъру(16 ссят)**

<p>Предложение.</p> <p>Ялавайми классиртаву предложениялия лавхъхъумур тикрал баву.</p> <p>Предложениялул цалчинмур ва кIилчинмур даражалул члентру.</p> <p>Предложениялул гъану.</p> <p>Предложениялул журасса члентру.</p> <p>Ца журасса члентращалсса предложенияртту, ва, - гу союзру бусса ва союзру бакъасса. Ца журасса члентрачIа запятой дишаву. КутIа предложенияртту.</p> <p>Цалчинмур даражалул члентрая хъусса кутIа предложенияртту кIилчинмур даражалул члентрал кумаграйну лахъи даву.</p> <p>Сложный предложение.</p>	<p>Предложениялия ялавайми классиртаву лавхъхъумур кIулну бикIан.</p> <p>Предложениялуву цалчинмур ва кIилчинмур даражалул члентру личIи бан бюхъан. Гай личIи баву бувчIин бан. Предложениялул гъану кIул бан бюхъан.</p> <p>Ца журалул члентращалсса предложенияртту сакин дуллан ва гъалгъалуву ишла дуллан. Ца журасса члентрачIа чичруул лишанну дишин кIулну дикIан.КутIа предложенияртту ва лахъи предложенияртту ишла дуллан кIулну дикIан.</p> <p>Цалчинмур даражалул члентрая хъусса кутIа предложенияртту кIилчинмур даражалул члентрал кумаграйну лахъи дуллан.</p> <p>Сложный предложенияртту</p>
--	--

<sup>1</sup> Гъарца четвертьрай чара бакъа 2-3 чичруул даву дурну дикIан айкинссар.

Сложный предложениялужасса аымсса бусаву.	простой предложениярттай личИи дуллан. Сложный предложенияртту дакИнихсса ва чичрулийнусса гъалгъалуву ишла дуллан.
<b>БавхIумахъру.</b>	
БавхIумукъуртия лавхъхъумур тикрал ва жям баву.	
БавхIумукъуртил ва предложениялувусса мукъуртил дянивусса дахиаву.	Предложениярттава бавхIумахъру личИи буллан.
Контрольный диктант.	Суаллал кумаграйну бавхIумукъуртивисса
<b>Гъалгъа магъир баву.</b>	мукъуртил дянивусса дахиаву
Изложение чичаву.	кIул дуллан.

### Мукъул бутIри (2 ссяят)

Мукъул бутIри. III классраву лавхъхъумур тикрал ва магъир баву. Ца мархлуя хъусса махъру личИи бан бюхъаву.  ЦачIун був махъру (кIул баву). ЧIявуну ишла байсса цачIун був махъру чичин кIулшиву.	Махъру бутIрайх бачIин кIулну бикIан.  Ца мархлуя хъусса махъру личИи бан бюхъан.  ЦачIун був махъру дакИнихсса ва чичрулийнусса гъалгъалуву личИи бан бюхъан. ЧIявуну ишла байсса цачIун був махъру чичин кIулну бикIан.
--	---

### Гъалгъалул бутIри(1 ссяят)

Гъалгъалул бутIрая (существительнирая, прилагательнирая, глаголдания, числительнирая,	Гъалгъалул бутIри: существительнирду, прилагательнирду, глаголлу, числительнирду,
--	--

цIанинкIанаймуния) аымсса кIулшиву дулаву.	цIанинкIанаймирду дакIнихсса чичурийнусса личIи бан кIулну бикIан, гайннул хасиятру ккаккан дан бюхъан.
---	--

### Существительное (16 ссят)

<b>Существительное.</b>	III	<b>Существительнирая</b>
классраву лавхъхъумур тикрал баву. Существительнирдал	лавхъхъумур тикрал бан.	Существительнирду
группартту (ур группа, дур группа, бур группа).	группарттайх бачин бюхъан.	ДакIнихсса ва чичрулийнусса гъалгъалуву существительнирду
Существительнирал падежру.	личIи-личIисса падежирттай	личIи-личIисса падежирттай ишла буллан бюхъан.
Существительнирду ца аьдадрай падежирттайх баххана шаву (склонение). Существительнирду	ЧIяру аьдадрайсса существительнирду	ЧIяру аьдадрайсса существительнирду
ЧIяру аьдадрай падежирттайх баххана шаву.	падежирттайх баххана бан ва гай	падежирттайх баххана бан ва гай гъалгъалуву ишла буллан.
Существительнирдал падежирттал аымсса	гъалгъалуву ишла буллан.	ДакIнихсса ва
дайлитIуртту (кIирагу аьдадрай) гъаншиврул - л, дулаврил - н, бусаврил - хъ, шаврил - ща, цачIушиврул - щал.	чичурийнусса кIанттул падежру ишла буллан. Текстраву падежирттайсса	чичурийнусса гъалгъалуву кIанттул падежру ишла буллан. Текстраву падежирттайсса
КIанттул падежру (кIул баву). КIанттул падежирттайсса	существительнирду лякъин бюхъан.	существительнирду лякъин Текстраву

<p>существительнирду текстраву лякъин бюхъаву ва гай гъалгъалуву ишла баву.</p>	<p>существительнирду лякъин ва гайннул лишанну ккаккан дан.</p>
<p>Существительнирду жуардайх бачлаву (затирттал, ххяххиярттал, хЛайвантрал, инсантурал, тЛабиальтраву, обществалуву хъанахъисса иширттал цАрду).</p>	<p>ДакIнихсса ва иччрулийнусса гъалгъалувусса существительнирдал падеж кIул дан.</p>
<p>Существительнирду гъалгъалуву ишла бан бюхъаву.</p>	<p>Существительнирду жуардайх бачлин бюхъан.</p>
<p><b>Гъалгъа магъир баву.</b> Сочинение чичаву. Контрольный диктант.</p>	

### Прилагательное(З ссят)

Прилагательное.	ДакIнихсса ва
<p>Прилагательное существительнирашал бакъасса чIумал существительное кунма падежирттайх баххана шаву. Прилагательнирал суффиксру - сса, - ма, - мур, -ми ( - сса - аьмсса, - ма, - мур – ца аьдад, - ми – чIяру аьдад).</p>	<p>иччрулийнусса гъалгъалуву прилагательнирду ишла буллан. Текстравусса прилагательнирду лякъин бюхъан. Прилагательное существительнирашал бакъасса чIумал существительное кунма падежирттайх баххана бан.</p>
<p>Существительнирду гъаншиврул падежрай бивхъуну</p>	

хъун бувсса прилагательнирду.

### ЦанинкIанаймур(4 ссят)

ЦанинкIанаймур. Хасъсса цIанинкIанайми. Гай падежирттайх баххана шаву. Хасъсса цIанинкIанайминул лицорду: I- мур, 2- мур ва 3 - мур. ЦанинкIанайми текстрраву лякъин бюхъаву ва гай гъалгъалуву ишла баву.  Контрольный диктант.	ДакIнихсса чичрулийнусса цIанинкIанайми буллан. Текстрраву цIанинкIанайми бюхъан. Хасъсса цIанинкIанайминул лицорду кIул дан бюхъан. Хасъсса цIанинкIанайминул падежкру кIул дан бюхъан.	ва
---	--	----

### Глагол (12 ссят)

Глагол. Шамилчинмур классраву лавхъхъумур тикрал баву. Глаголданул мяълум дакъа формалуя аымсса кIулшиву дулаву. Глаголданул чIунну. Глаголлу лицордайх ва аьдадирттайх баххана шаву. Глаголлу группарттайх баххана шаву (цивува группартту ккаккан бувулт буми).  Глаголлу существительниращал бахIин	Глаголдания шамилчинмур классраву лавхъхъумур тикрал бан. ДакIнихсса чичрулийнусса глаголданул мяълум дакъа форма лично дан, га гъалгъалуву ишла дан. Цайми глаголлал формардая мяълум дакъа форма лично дан бюхъан.  Глаголлу лицордайх ва аьдадирттайх баххана бан ва гай гъалгъалуву ишла бан. Цивува
--	--

<p>кIулшиву. ЛичIи - личIисса давуртту ккаккан дуллалисса глаголлу личIи бан кIулшиву.</p> <p>Контрольный диктант.</p>	<p>группартту ккаккан бувулт буми глаголлу группарттайх баххана бан.</p> <p>ЛичIи-личIисса давуртту ккаккан дуллалисса глаголлу личIи бан бюхъан.</p>
--	---

### Наречие (1 ссят)

<p><b>Наречие, мяъна, суаллу.</b>          (иширайну кIул баву). Наречияртту текстраву лякъин бюхъаву ва гай гъалгъалуву ишла баву.</p>	<p>Наречиялул мяъна ва суаллу кIулну бикIан. ДакIихисса ва чичрулийнусса гъалгъалуву наречияртту лякъин бюхъан ва гай гъалгъалуву ишла бан бюхъан.</p>
---	--

### Лавхъхъумур тикрал баву (5 ссят)

<p>Байбихъулул школалий лавхъхъумур тикрал баву.</p> <p>Гъалгъа. Текст. Текстрал журагарду.</p> <p>Предложение.</p> <p>Гъалгъалул бутIри.</p> <p>Существительное.</p> <p>Прилагательное.</p> <p>ЩанинкIанаймур.</p> <p>Глагол.</p> <p>Наречие.</p> <p><b>Гъалгъа магъир баву.</b></p>	<p>Текст гъалгъалул яла хъунмур единица хIисаврай кIулну дикIан. Текстрал журагарду: текст - бусаву, текст-ссал-дунугу сурат даву, текст-ссал-бунугу ялув цала пикри бусаву кIулну дикIан. Текст бутIрайх дачIин бюхъан. Ганил тема ва гъанусса пикри кIул бан бюхъан. Текстрал сакиншинна кIулну дикIан.</p> <p>Предложение гъалгъалул</p>
---	---

<p>Изложение чичаву.</p> <p>Контрольный диктант.</p>	<p>единица хIисаврай кIулну дикIан.</p> <p>Предложениялул жуарарду кIулну дикIан.</p> <p>Гъалгъалул бутIри ва гайннул хасиятру кIулну дикIан.</p>
--	---

## **2.2.Программалуву дуллусса материал лахъхъаву**

### **Лакку мазрал дарсирдай текстращалсса даву**

Махъсса чIумал текстращалсса даврин хъуннасса агъамшиву дуллалиссар. Текстрал лингвистика лахъхъаву хъинну аnavарсса бушилий хъхьичIуннай хъунни, мугу мазрал ахтар буллалисса чуллу гъарза шаврищал дархIуну дур.

Текст тIисса понятие лингвистикалуvu хъхьичIрагу диркIссар, амма ганихсса бургаву личIи-личIисса мазрал единицарду ишла баврих ва гай ишла байсса формалух куннасса диркIссар. Щанасса чIумал текст маз лахъхъаврил объект хIисаврай ххал дигълагъиссер, га лахъхъаврих, личIи-личIисса жуralул текстирдал аымсса кIантту личIи баврих, сакин шайсса куц ва ц. ххал бигъаврих къулагъас дайссар.

ЛичIи-личIисса автортурал текстран журар-журасса определенияртту дуллуну дур.

Л. Г.Саяхова чичлай бур «текст – му пикри гъарта, магъир буллалисса, куннищал кув дархIусса предложениярттур»[17,л.2].

Ганил агъанми лишанну темалул цашиву, логикалул ва мазрал чулуха дахIаву, ссая-бунугу бусаву, сакиншиннарал чулуха дахIаву ва ахир дучIан даву (къуртал шаву) хъанахъискар.

Языкоznаниялуу текст учин ккаккан бувну бур лексикалул, грамматикалул, логикалул чулуха куннищал кув дархIусса, цил кумаграйну ссая-бунугу бусласисса предложениярттайн. Текст мазрал ва мукунма гъалгъалул единица хъанахъискар, текстрраву маз лахъхъаву – му маз лахъхъаврил яла лахъмур даражада хъанахъискар. Текстрал характеристика дуллалисса яла агъанми лишанну хъанахъискар:

- аымсса темалийн бувну, кунницIун кув дархIусса цаппара предложениярттая сакин шаву;
- текстравусса предложенияртту сакиншиннарал чулуха кунницIун кув дахIаву (махъру кунницIун кув бахIаву ишла дуллай);
- текстрраву яла агъанмур бутIа личIи бан бюхъаву (текст бутIрайх дарчIун).

Текст мяъналул, сакиншиннарал ва мазрал чулухасса цашиву хъанахъискар. Ганил цашиву авторнал пикрилия, къастрая ва темалия хъар шайссар ва мукъурттил кумаграйну щаллу дайссар.

Цанасса лингвистикалуву текст гъалгъалул яла хъунмур единицану ххал дигълагъискар.

Текст аымсса мяъна ва сакиншинна дусса предложениярттайн учайссар. Ганил кIива кунницIун кув бавхIусса чул буссар: темалул цашиву ва сакиншиннарал чулуха дахIаву.

Текст мукунна балжисса мазрал материал хIисаврайгу ххал дигълагъиссар. Текст цукунсса-дунугу дарсирай ишла дайсса дидактикийсса материалданийнгу учайссар, масала, мукъурттил диктандрал текст, лархъхъусса грамматикалул материал цIакъ дуллалисса текст.

Текстрал лишанну хъанахъиссар: га бутIрайх дачIин бюхъаву, текстрал темалул цашиву, сакиншиннарал чулуха дахIаву.

### **Текст темалул (мяньналул) чулуха цашиву**

Текстравусса циняв предложенияртту куннищал кув, аымсса темалийн бувну, дархIуну дикIан аыркинссар. Тема— му текстрал мяньнар. Ххал данну лув ккаккан дурсса текст.

#### ***Бюрххул оърчI***

*Цал на хъув ниттичIан лавгссияв. Марщаих най уна, урттуву цирив сукку хъусса хIисав хъуна. На къяна бивицессия. Къяна тIайланма ца затрайн багъуна. Ххал барча – бюрххул оърчI. Га бюрххул оърчI на шаптай лавсъссия. Яла школалий ящикравун бавкъуссия. Гиву ябуллай буссияв. Ганил махъми чанну лахъисса дия. Цуппа лап нигъабусайсса бия. Цаппара хIаллава га сивсунा.*

*Интту бюрххул оърчI бизар хъанан бивкIуна. Жу га къуруппай итабавкъуссия.*

Ва текстравусса циняв махъру бусласимунищал бавхIусса бур. Текстраву 60 махъ бур, шиву бюрххул оърчI тIисса махъ 3 тикрал хъуну бур, га тIисса цIанинкIанаймур 5 тикрал хъанай бур. Гайми махъругу текстрал темалуштал бавхIусса бур. Предложенияртту кунницIун кув дархIуну дур, агар гайннул низам зия дарча,

текстрал мяъналийнусса цашиву зия хъанай дур. Темалул цашиву заголовокралгу ккаккан дурну дур. Ганил авторнал бусласимур ккаккан бувну бур. Щадурксса лингвист И. Р. Гальпериннул ккаккан дурну дур текстрал цІа – му текстрал ца яла агъанмур лишан душиву[5, л. 25]. Ва лишандалущал текстрал цамур лишангу – текстрал ахир дучІан даву дархІуну дур. Гай куннищал кув дархІуну душиву текстрал заголовокрайн, ахирданийн ва ганил мурадрайн бувну, чІалан дикІайссар. Текстрал мурад ганил цІанищал бавхІуну бикІайссар. Махъра-махъмур предложениялул къуртал хьушиву ккаккан байссар. Цалчинмур предложениялуву ягу хъхьичІми предложениярттаву текстрал тема ккаккан дурну дикІайссар. Га гайми предложениярттащал дархІуну къадикІайссар, хъиривми предложениярттавусса махъру язи бугъаву цалчинмур предложениялую хъар шайссар ва гивусса пикри бусаву магъир байссар. Хъиривсса предложениярттаву пикри бусаву, ссая-бунугу бусаву гихунмай къуртал байссар.

Текст – му цаппара цукун-дунугу дархІусса предложенияртту дакъарча, мяъналул ва сакиншиндарал чулуха цасса, къуртал хъусса пикри бусласисса гъалгъалул бутІар.

Хъуннасса лагру дусса текстраву тема подтемардайх, гайгу микротемардайх дарчІуну дикІайссар.

Микротема гъалгъалул мяъналул яла чІивимур бутІа хъанахъиссар. Текстраву чІявуну ганин абзац багъайссар. Абзац мяъналул чулуха гихунмай къабачІайссар.

Текстрал мяъналул цашиврущал мукунна бусласимур къуртал баву тИисса дурчІалагу дархІуну дуссар. И. Р. Гальпериннул

чичлачаврийн бувну, бусласимур къуртал баву тIисса дурчIала так хъуннасса лагру дусса текстрашал, хъунмасса гъалгъалул произведениялул чулухуннай ишла дан бюхъайссар. Агар текстраву авторнан бусан чимур биялну ккаккан бувну бухъурча, гиву бусласимур къуртал бувсса хъанахъиссар. Агар укунсса текст дагъайкун хIадур дурну духъурча, гиву дайдихьу ва ахир дикIайссар. Щаллусса текстрал ца бутIоя, масала, абзацрая гъалгъа тIий бухъурча, гиву так микротема аьч шайссар ва ганил къуртал хъусса мяньна ккаккан дайссар.

Агар абзац цаппара предложениярттая сакин хъуну бухъурча, ганилгу дайдихьу ва ахир дикIайссар. Дайдихьу – му тематикийсса предложенияр ягу абзацрал фразар, ахир тIурча мяньналийну ва сакиншиннарай куннищал кув дархIусса предложениярту кунния кув дуцан давур. Ахир дакIнихсса гъалгъалуву къуртал хъусса такъвалийну(интонациялийну) ва цахъий лахъину бацIаву даврийну ккаккан дайссар.

Текст къуртал хъушиву ккаккан дайссар, агар ганил мурад ккаккан буллалисса цIа дизан бюхълай бухъурча. Заголовокраву (текстрал цIаниву) бусласимунил тема ва гъанусса мурад ккаккан бувну бикIайссар.

Мяньналул цашиву ххал дигълагийни, текстрал лув ккаккан дурсса лишанну личIи дан бюхъайссар:

- текст – му цумур-дунугу ца балжисса темалийн бувну, бусавур;
- текстраву бусласиманал пикри ккаккан бан бюхъайссар;

— цукунса-дунугу текст — му къуртал хъусса, ахир дучан дурсса бусавур;

- текстрал тема ва гъанумур пикри қкаккан буллалисса ңа дизан бюхълай бур;
- тайллану сакин дурсса текстрал дайдихъу ва ахир дикайссар.

Саргъунса гъалгъа бан лахъхын буллалийни, хъунумур къулагъас ганил темалух ва гъанумур пикрилух дан айкинссар. Дуклаки ойрчан текстрал тема ва гъанумур пикри личи бин, темалуву подтемарду ва микротемарду личи дуллан, план дуллан, ганин ңа дизлан лахъхын бин айкинссар. Текстрал дайдихъу чичин, ахир дучан дан лахъхын сочинениярту чичин лахъхын буллалийнигу байссар.

### **Текстраву бутари личи баву**

Текст цаппара предложениярттая сакин хъуну дикайссар. Лагруул хъуннасса текстраву личи дан бюхъайссар: бакири, разделлу, бутари, аймасса мяъна дусса бутари, абзацу. Чичрулий текстрал бутари личи бувну бикайссар. Дақиныхса гъалгъалуву текстрал бутари паузалийну личи байссар. Текстрал циняв бутирал дуссар так га бутирин хасъсса тема ва гиву контекстрава личи бувну махъгу «мяъналул хъар дақъашиву ва къуртал хъусса пикри қкаккан баву» яхъуну дуссар.

Чириssa цаппара предложениярттая сакин хъусса текст хъанахъиссар гъалгъалул яла чишимур бута. Гиву чијавуну шанма сакиншиннарал ва мяъналул чулуха личи хъанахъиссар бутари личи бин бюхъайссар: дайдихъу, дянивсса бута (даврил гъанумур

мурад ккаккан байсса) ва ахир. Текстрал циняв бутІри куннищал кув бавхIуну бикIайссар, гайннуву темалул ца бутІа, подтема ягу микротема аль дурну дикIайссар. Ганил бутІри куннил хъирив кув ккаккан баврил цила низам дуссар. Гайннул кIантту баххана бан къабюхъайссар. Текстрал бутІраву мукунма кIану ккаккан буллаисса махъругу бикIайссар. Гайннул ва цаймигу текстрал бутІул лишаннайну ганил кIану бигъану кIул бан бюхъайссар.

Хъуннасса агъамшиву текстрал дайдихъулул дуссар.

Текст бутІрайх дачIаву бусласимунил ягу чичлачимунил хасиятрай хъар шайссар, масала, кказитрайн макъала ягу доклад чичлачийни. Гай бутІрайх, чичаврил хасиятрах, ляличIишившрух бурувгун, дачIайссар. Шикку композициялул ва жанрданул ляличIишившуртту хIисавравун ласун айкинссар.

### **Текст сакиншиннарал чулуха дахIаву**

Текстрал ца хасшиннану га сакиншиннарал чулуха дахIаву хъанахъиссар. Текст сакиншиннарал чулуха дахIаву га бутІрайх дачIаврищал дархIуну дуссар.

Текст мяниалийну куннищал кув дархIусса предложениярттая сакин шайссар. Гай предложенияртту хасъесса группарттавун дууххайссар. Текст сакиншиннарал чулуха дахIаврил гъану предложениярттаву «пикрирду цанил хъирив ца бусаву» хъанахъиссар. Гъарца хъиривсса предложениялул гъану хъхьичIумур предложениялуга ганил ца бутІа лавсун, бизлазиссар. Предложениялуву кIива бутІа личIи бан бюхъайссар: журна кIулмур бутІа – тема ва цIумур бутІа – рема.

Темалуву хъхьичІсса предложениялуву бумур тикрал хънай буссар ва ганил кумаграйну предложениялул бутІри кунницІун кув бахІайссар. Ремалуву цІусса информация бикІайссар, ганил кумаграйну бусласимунил мяньна авадан, магъир ва хъхьичІуннай дайссар. Тема ва рема дахІаврих бурувгун, текстру журо-журасса дикІайссар.

1. Яла чІяруну хъунадакъайсса журо – предложенияртту кунницІун кув куннил хъирив кув дархІусса текст хънай дур. Укунсса журагул текстирдаву цалчинмур предложениялул рема кІилчинмур предложениялул теману дикІайссар, кІилчинмур предложениялул рема – шамилчинмур предложениялул теману ва м.ц.

2. КІилчинмур текстирдал журо – цалчинмур предложениялущал хъиривми предложенияртту архІал дачин дурну дархІусса текстру хъанахъиссар.

3. Шамилчинмур текстирдал журо – предложенияртту аымсса темалий куннищал кув дархІусса текст хъанахъиссар. Укунсса журагул текстирдаву, предложенияртту кунницІун кув аымсса темалийн бувну, дархІуну дикІайссар. ЧІяруну укунсса текстру тІабиаьтрал сурат ккаккан дан ишла дайссар. Гивун духлахисса предложениярттаву тема ва рема личІи къадайссар.

Сакиншиннарал чулуха текстрал гъану бизаву бусласимур цанил хъирив ца бусаву хъанахъиссар. Текстрал дахІаву ккаккан даншиврул предложенияртту бусласимур логикалул чулуха авадан, магъир ва хъхьичІунмай хъунсса низамрай дишайссар. Текстравусса предложенияртту куннищал кув дахІин мукунма

Цанниканайминул, синонимру, антонимру ва ц. ишла баврил кумаг байссар. Хъуннасса агъамшиву мукъурттил низамралгу дуссар.

Хъуннасса текст ягу произведение параграфирттайх, абзацирттайх бачайссар. Ганил бутIри куннил хъирив кув бишаву бусласимуил темалия ва га авадан, магьир ва хъхьичIуннай шаврия хъар шайссар.

Хал данну шанна журалул текстру.

### ***Къари ва душ***

*Аминат щинату най бия. Ганил хъачIрай чIивисса исвагъисса варакъи бавкыну бия. Аминатлун щинав най дугъарасса щарсса хъунадаркъуна. Ганил цила варакъи къарил варакъувун бачIва бувна. Къари ганиха зукълай дия. Къарил арснал душ Аминатлуущал дуклай бия. Га чунчIав сукку бан къашайсса танмал бия. «На кIанихъ гъунтти барчаллагъ учинна, – тIий пикри буллай бия Аминат. – Барчаллагъ, ттул ссу ПатIимат, дугъара хъусса буттал нину щинав гъан риртун тIий».*

Ва текстравусса предложенияртту кунницIун кув ссинжирданий кунна дархIуну дур, цалчинмур предложениялул рема кIилчинмур предложениялул тема хъанай дур.

### ***ЧитIу***

*ЧитIу аъжаивсса лелуххи бур .Га арулва-мяйва зуруй гъелисса билаятирттайгу бивкIун, га дукIу цила къабивтсса кюрттаравун бучIайссар. ЧитIун цила оърчIру хъинну ххирассар. Ганил оърчIру хъуни бувну маҳъ, гайннун леххан, ав бан лахъхин байссар. ЧитIул инсаннан заралсса, азарду диян дайсса ущу-щулгъигу букайссар.*

*Халкъуннан ганил чIу хъинну ххуй бизай. Га чIу ганил ххаллилсса тIуллацIун ххуй бивзхъунссар.*

*A.Xlusайнаевлул хаварданува.*

Ва текстравусса предложенияртту цалчинмур предложениялущал хъиривми дачин дурну дархIуну дур.

### ***Гъинттул***

*Баргъ кIири буллай бия. Уртту щюлли хъуна. ТIутIив хъякуна. Инсантал къюнукъи бан занай бия. Ардарав гъаттарал газурду канай дия. ОърчIру щинавун бучIлай бия. Челмулт макъанну дуцлай бия.*

Ва текстраву предложенияртту кунницIун кув, так аымсса темалийн бувну, дархIуну дур.

Хъуннасса къулагъас дуклаки оърчIан мяъналийну текст бутIрайх дачIин лахъхын даврих дан айкинссар. Агар оърчIан текст бутIрайх дачIин лахъхырча, гайннан текстру сакин дуллангу лахъхайссар. Предложение мяъналийну дачIаврил текстраву пикри магъир булланssa бюхъурду хъун баврил ялувсса даврил гъану бизайссар. Дуклаки оърчIан текстраву бусласимур магъир хъанан айкиншиву ва гъарца предложениялуву ци-бунугу цIусса зат бувсуну бикIайшиву бувчIин бан айкинссар.

Байбихъулул классиртавусса оърчIан предложенияртту тIайлану сакин дуллан, гай тIайласса интонациялущал(такъвалущал), гиву гъанумур пикри бусласисса кIану личIи буллай, зумух ласун лахъхын дан айкинссар.

Дуклаки оърчIан гъарца предложениялуву цIусса информация бикIан айкиншиву, предложение дикIу, текст дикIу сакин хъанай

душиву күлмунияту күл бакъамунийн, цүумунийн бүкілай, гиву күлмургу ябувну бушиву бувчин бан аркинссар.

Текстрашалсса давриву шанна журалул давуртту личи дайссар: текст дуккин хъхьичі дайssa, текстрашалсса ва га дурккуну махъ дайssa.

Байбихъулул классиртаву текстрал гъанулий материал лахъхъаврил хъуннасса агъамшиву дуссар.

Текстрашалсса давриву личи-личисса бутіри ккаккан бан бюхъанссар:

- 1) текст дуккаврийн хәдур баву;
- 2) га учительнал дуккаву;
- 3) текст бутірайх дарчіун дуккаву ва ганил мяньна ххал дигъаву;
- 4) га, ца-цаних тіий, дуклаки оырчіл дуккаву;
- 5) жям буллалисса ихтилат баву;
- 6) текстрал кутіасса мурад бусаву.

### **Текст дуккаврийн хәдур баву**

Дуклаки оырчіран текстрал ва ганил бутірал мяньна бувчиншиврул, гай текст дуккаврийн хәдур байссар. Оырчілан ккалаккимуних гыра бутансса ихтилат байссар.

Учительнал оырчілан циняв цүсса, калимартау бувчин захіматсса махъру личи бувну, гай бувчин банса күц язи бувгъуну, доскалий чичайссар. Доскалий мукунма зумух ласун захіматсса махъругу чичайссар.

Оырчіру текст дуккаврийн хәдур буллалийни байssa ихтилат ва темалуя байссар, цүсса махъру бувчин байссар.

## **Учительнал мисалдараңсса бүккаву**

Дуклаки оърчлан учительнал бүккаврил кумаграйну тайлану, пасихину ккалан лахъхын айкинссар. Учительнал бүккаврил оърчлан текстрал мурад бувчин, лаласун кумаг байссар, гайннан бувлакимуних гыра багъан байссар. Учительнал цалчин текст дуклакийни, оърчал ганал бүккаврих вичи дишайссар. Текст дуклаки оърчал дуккин байссар.

### **Текст бутрайх дарчуну дүккаву ва ганил разбор даву**

Щала текст дурккуну махъ, текст бутрайх дарчуну, дуккайссар. Дуклаки оърчиру ца-цанал ца-ца бутла бүккин байссар, гайннал бүккавривусса гъалатири бакын байссар. Шикку ялагу мукъуртищалсса даву дайссар: захиматсса мукъуртил мянарду айч дайссар. Гъарца бутла бувккуну махъ, ганил мурад бувчлаву ххал дайссар, суаллан жавабру дулайссар.

Текст бутрайх дарчуну дурккун, разбор дурну махъ, текст ккалакки байссар. Агар га хъуннасса духьурча, бутрайх дарчуну дуккайссар. Га шайссаксса чиявусса дуклаки оърчири дуккин бандар айкинссар. Агар гъалатири итабакълай бухьурча, гайннушталсса даву дайссар. Текст дурккуну махъ, ганил мурад бувчлаву ххал дайссар, бувккумуния гъалгъа байссар.

Жям буллалисса ихтилат оърчлан дурккусса текстрал мурад, ганил гъанумур пикри бувчлаву ххал дан байссар. Ганил дуклаки оърчал даклихсса гъалгъа магъир бандар кумаг байссар. Ихтилат чиявуну, учебникрай текстрал махъ буллусса суаллайн бувну, байссар.

Дуклаки оърчIал гъалгъа магъир башиврул, суаллан жавабру дуллали байссар.

Текстрал мурад бусан лавхъхъуну махъ, текст гивусса чIун, лицо даххана дурнугу, бусан байссар.

Яларай ккаккан данну цаппара текстрашал дархIусса давуртту:

- 1) щала текст дуккаву;
- 2) текстрал план даву;
- 3) текстрал тема аьч дан лахъхыин баву;
- 4) пландалийн бувну, текст дуккаву;
- 5) текстрон цIа дизаву;
- 6) суаллан жавабру дулаву;
- 7) ххуй бивзсса бутIа буккаву;
- 8) текстрраву учительнал ккаккан бувсса бутIри лякъаву;
- 9) текстрал бутIри куннищал кув бахIаву ккаккан буллалисса махъру лякъаву;
- 10) текст цепочкий дуккаву;
- 11) цIусса махъру бусса предложенияртту лякъаву ва гай дуккаву;
- 12) текст бутIрайх дачIаву: дайдихъу, гъанумур бутIа, ахир личIи даву ва гайннун цIарду дизаву;
- 13) текстрал журга кIул даву (хавар бусласисса, ссал-дунугу сурат дуллалисса ва цаламур пикри бусласисса);
- 14) текст, рольтайх дарчIуну, дуккаву;
- 15) текст цавура цала дуккаву;
- 16) текстрал мурад бусаву ва ц.

Учительнан дуклаки оърчIан текст сакин дуллан лахъхин бан айкинссар. Дуклаки оърчIан текстрал ва цаппара предложениярттал личIишиву, гивусса предложенияртту аймсса темалийн бувну, куннищал кув дархIуну дикIайшиву бувчIин бан айкинссар. Гай текст цаппара предложениярттай личIи дан лахъхин буллаисса давуртту дуллали байссар. Учительнал текстравусса предложениярттал низам зия дан къабучIишиву, гиву синонимру, антонимру ишла буллалийни, ганил мурад ххуйну, биялну ккаккан бан шайшиву бувчIин бан айкинссар.

Текстращалсса даврил хъунмасса кIану бугъан айкинссар лакку мазрал дарсирдай, гания хъунмасса мюнпат дуклаки оърчIан ниттил маз лахъхъавриву ва га магъир бавриву буссар.

### **Предложение лахъхъаву**

Мукилчинмур классраву «Предложение» тIисса раздел лахъхъаврил даву лархъхъумунил гъанулий дачин дайссар ва хъхьичIра лархъхъумур материал цАкъ ва куртI дайссар. Дуклаки оърчIан хавар буссар: предложениялул къуртал хъусса пикри бусайшивруя, бусай, цIуххай ва овчай предложениярттай, предложениялул ахирданий чичруул лишанну дишаврия ва бакIрай хъунмур хIарп чичаврия.

«Предложение» тIисса тема лахълай байбишайссар мунил аймсса тема кIул даврия: Предложениялул къуртал хъусса пикри бувчIин байссар. Предложение – му гъалгъалул ца агъамсса бутIар.

Мунияр махъ предложениярттал жуардаятусса кIулшиву куртI дайссар ва миннул чичруул лишанну дишаву ххуйну тикрал дайссар.

Дуклаки оърчIал личIи-личIисса журагул предложенияртту тIайлану зумух ласаврил бюхъурду магьир башиврул, гай интонациялийну предложениярттал журагуду личIи дуллали байссар.

Учительнал хъуннасса къулагъас дуклаки оърчIал цала пикри тIайлану ва бувчинну бусаврих дайссар, мунияту предложенияртту цил багъайкун тIайлану сакин дурну дикIан айкинссар.

Предложение сакин даврил хах, гъануми махъру, подлежащее ва сказуемое хъанахъиссер. Миннийн цалчинмур даражалул члентру учайссар. Ми бакъасса предложение къадикIайссар. Предложение ххал дигълагийни хъхьичIва-хъхьичI подлежащее ва сказуемое лякъин айкинссар. Вай махъру кунницIун кув бавхIуну буссер: сказуемирайа подлежащилухъхъун ва подлежащилия сказуемирахъхъун суаллу булун айкинссар. Суаллу кIива журасса бикIайссар: а) мяъналул чулухасса ва б) грамматикалул чулухасса.

«Подлежащее ва сказуемое» тIисса тема лахълахъийни хъхьичI кутIа предложенияртту ласун бучIиссер. Гай предложенияртту мяъналул ва формалул чулуха ххал дигъайссар. БакIрай цалчинмур даражалул члентрахъхъун: подлежащилухъхъун ва сказуемирахъхъун мяъналул чулухасса суал булайссар .Ми суаллал предложениялуу щияту/ссаяту/ ва ци буслай буссарив ккаккан байссар. Мунияр махъ грамматикалул формалул чулухасса суаллу булайссар: цу? ци? – подлежащилухъхъун ва ци дуллай ур? – сказуемирахъхъун. Предложенияртту кIукун ххал диргъукун, аымсса жямгу дан бюхъантIиссер: подлежащилул предложениялуу щия ягу ссая гъалгъа тIий буссарив ккаккан байссар ва цу? ци?

тIисса суаллахъун жаваб дурайссар, сказуемирал подлежащилул дуллалимур ккаккан дайссар ва ци дуллай ур? тIисса суалданун жаваб дурайссар

Лакку мазраву подлежащилул мукира падежрал суаллахъун жаваб дурайссар: цIанил, гъаншиврул, дулаврил ва шаврил. Дуклаки оърчиру цал цу? ци? тIисса суаллахъун жаваб дуллайми подлежащирдащал кIул байссар. Мунияр махъ дуклакими гъаншиврул падежрай ккаккан бувми подлежащирдащал кIул байссар.

Предложениярту так цавай цалчинмур даражалул члентрая дакъассагу, вайннущала архIал вайннун хъарсса цайми мукъуртиягу сакин хъуну дикIан бюхъайссар. Ми кIилчинмур даражалул члентру хъанахъискар. Дуклаки оърчиру кIилчинмур даражалул члентращал кIул байссар, амма минул журардал цIарду къабусайссар. Ми лахълахъийни предложениялуу минул бувгъусса кIану ккаккан байссар. Мунияту кутIа предложениярту лахъи дурну, ми кIираирагу цанниха-ца лашан дуллай ххал дигъайссар. КIай предложениярту ххал дигълагъийни, дуклаки оърчиан цалчинмур предложение подлежащилуя ва сказуеминая сакин хъусса душиву бувчин байссар. КIилчинмур предложениялуу, лахъи дурсса предложениялуу, цалчинмур предложениялуу бувсмур куртI байссар ва, личIи-личIисса чулухаллурду хIисавравун лавсун, бувчин бувну бушиву ккаккан байссар. КIилчинмур даражалул члентрал цалчинмур даражалул члентру бувчин бувну бушиву ккаккан байссар.

Күкунса предложенияртту, цачIу дирхъуну, ххал дуллалисса чIумал ххибувсса махъру, яни кIилчинмур даражалул члентру, цалчинмур даражалул члентру бувчIин байсса махъруну бушиву ккаккан бан айкинссар. Дуклаки ойрчIан предложениялуву мяньналул чулуха кунницIун кув бавхIуми махъру, цумур махъ цумунийн хъарну буссарив лякъин лахъхыин байссар. Предложениялуву кунницIун кув бавхIусса мукъурттиву ца мукъуя гамухъхъун суал булун бюхъаву предложение ххал дигълагъисса даврил гъанури. Суаллу булаврийхIин дуклаки ойрчIаша мукъурттил дянивсса дахиаву ккаккан дан бюхъантIиссар, предложениялуву лях къабивтсса махъру биял бан. ОйрчIан предложениялуву махъру низамрай ва къайдардай кунницIун кув бавхIуну бушиву ва мукун бусса чIумал бакъа гивусса мукъурттил мяньна дурчIай къадикIайшиву бувчIин бан айкинссар.

Дуклаки ойрчIан кутIа ва лахъи предложенияртту дурчIин дайссар. Гайннан кутIа предложенияртту лахъи дуллан лахъхыин байссар. Мукунма ойрчIан так кIилчинмур даражалул члентрая сакин хъусса предложенияртту къадикIайшиву бувчIин байссар, гиву чара бакъа цания-ца цалчинмур даражалул член бикIан айкинссар.

4-мур классраву мукунна лахъхыин ккаккан дурну дур «Ца журагул члентращалсса предложенияртту» тIисса темагу. Дуклаки ойрчIан бувчIин бан айкинссар , агар цара-ца предложениялуву ца сказуемиращал цаппара подлежащирду бухъурча, гай ца журагул члентру хъанай бушиву ва мукунма цара-ца предложениялуву ца подлежащилущал цаппара сказуемиртту бухъурча, гай ца журагул

члентру бушиву. Дуклаки оърчIан ца журагул члентрашалсса предложениярту союзру бусса ва союзру бакъасса дикIайшиву бувчиин байссар. Предложениялул ца журагул члентру кунницIун кув чIунийну ягу союзирттайну бахIайссар. Агар ца журасса члентру чIунийну кунницIун кув бавхIуну бухъурча, минул дянив запятой дишайссар. Дуклаки оърчIан предложениялул ца журасса члентру кунницIун кув чIунийну ягу **ва**, **гу** союзирттайну бахIайшиву бувчиин байссар. Предложениялул ца журасса члентру **ва** союзрайну цаницIун-ца бавхIуну бухъурча, минул дянив запятой къадишайссар. Агар ца журасса члентру -**гу** союзрайну кунницIун кув бавхIуну бухъурча, минул дянив запятой дишайссар. Союз -**гу** хъхьичIсса цуппа хъар хъанахъисса мукъуцIун лавчIун чичайссар.

Обращениялущалсса предложенияртташал дуклаки оърчIру 4 классраву цалчин кIул байссар. Гай лахълахъийни бувчиин бан айкинссар циван ишла дайссарив обращение предложениялуву. Дуклаки оърчIан обращение предложениялул хъхьичIра-хъхьичI, дянив ва ахирданий ишла дайшиву бувчиин байссар. Хъуннасса къулагъас дан айкинссар обращениялущалсса предложениярттаву чичрулул лишанну дишаврих.

4-мур        классраву        дуклаки        оърчIан        сложный  
предложениялуюсса    кIулшиву    дулайссар,    гайннан    сложный  
предложение простоймуния личIи дуллан лахъхыин байссар.

ОърчIан кIулну бикIан айкинссар:

– предложениялуву цалчинмур ва кIилчинмур даражалул члентру личIи буллан;

- предложениялул гъану кIул буллан;
- ца журалул члентращалсса предложенияртту сакин дуллан;
- ца журасса члентрачIа чичруулул лишанну дихълан;
- сложный предложениялуву чичруулул лишанну дихълан;
- бавхIумукъурттиву гъанулулми ва гъанулул бакъами махъру личIи буллан;
- предложениялуга бавхIумахъру личIи буллан;
- предложение бавхIумукъуртия личIи дуллан;
- предложениялул цалчинмур даражалул члентру;
- подлежащее, ганил ккаккан даймур ва суаллу;
- сказуемое, ганил мяньна ва суаллу;
- подлежащее ва сказуемое предложениялул гъану бушиву;
- предложениялул кIилчинмур даражалул члентру (цIарду къакуну) ва гайнул предложениялувусса бияла;
- кутIа ва лахъи предложенияртту;
- кутIа предложенияртту лахъи предложениярттайн кIурадаен дуллан;
- обращениялущалсса предложенияртту сакин дуллан;
- обращениялущалсса предложенияртту дакIнихсса ва чичрулийнусса гъалгъалуву ишла дуллан;
- обращениялущалсса предложениярттаву чичруулул лишанну дихълан;
- личIи-личIисса журалул предложенияртту дакIнихсса ва чичрулийнусса гъалгъалуву ишла дуллан;
- предложениялул разбор дуллалийни, цалчинмур ва кIилчинмур даражалул члентру личIи буллан: подлежащилул

луртту ца авш, сказуемилул луртту кІира авш ва кІилчинмур даражалул члентирттал луртту – щатІари авш дурккун;

– предложение – гъалгъалул ца агъамсса бутІа бушиву.

«Предложение» тІисса раздел хъанахъискар ца яла захІматсса ва дуклаки оърчІал гъалгъа баврил компетенция хүн ва магъир бавриву хъуннасса агъамшиву думурну. Агар дуклаки оърчІаша предложенияртту дакІихсса ва чичрулийнусса гъалгъалуву ишла дуллан буюхълай бухъурча, гайннаща цала пикри мукъурттийну бусан, гъалгъалуву предложенияртту личІи дуллан, мукъурттия предложенияртту сакин дуллан буюхъайссар.

### **БавхІумахъру**

БавхІумахъру – ми синтаксисрал яла мюрщими бутІри хъанахъискар. БавхІумахъру – цанищал-ца мяъналийну бавхІусса кІива ягу цаппара махъур. Дуклаки оърчІан бавхІумахъру цукунсса махъру буссарив, гай куннищал кув цукун бавхІуну бикІайссарив бувчІин байссар. Гайннан предложениялува бавхІумахъру личІи буллан лахъхын байссар. ОърчІан подлежащее ва сказуемое бавхІумахъру бакъашиву бувчІин байссар.

Дуклаки оърчІан кІулну бикІан айркинссар:

- бавхІумахъ – му синтаксисрал яла чІивимур бутІа бушиву;
- подлежащее ва сказуемое бавхІумахъру бакъашиву;
- бавхІумукъурттиву гъанулулми ва гъанулул бакъами махъру личІи буллан;
- предложениялува бавхІумахъру личІи буллан.

### **«Махъру сакин шаву» тІисса раздел лахъхаву**

«Махъру сакин шаву» тIисса раздел ца яла агъамсса ва дуклаки оърчIан маз лахъхъавриву хъуннасса агъамшиву дусса разделну хъанахъискар. Ва масъала бавхIуну буссар орфография ва гъалгъалул бутIри лахъхъаврицIун, ванил хъуннасса агъамшиву оърчIал мукъурттил луртан авадан давриву ва гъалгъа баврил компетенция магъир бавrivугу дуссар.

З-мур классраву дуклаки оърчIру мукъул бутIращал кIул хъуссар. Гайннан мукъул бутIрал цIарду лахъхъайссар. Дуклаки оърчIан кIулну бикIан аъркинссар:

- мукъурттивусса бутIри: мархха, суффикс, дайлитIу, гъану личIи буллан;
- мукъул бутIрал цIарду;
- мукъул бутIрайхсса разбор дуллан;
- ца мархлюя хъусса махъру ва мукъурттил формарду кунния кув личIи дуллан.

З-мур классрансса лакку мазрал луттираву ккаккан бувну бур мукъул бутIрайхсса разбор дуллалийни личIи бан аъркинssa бутIри: мархха, гъану, дайлитIу, махъру сакин байсса ва мукъурттил формарду сакин дайсса суффиксру. Гиву хъхьичIра-хъхьичI «мукъурттил формарду сакин дайсса суффиксру» тIисса термин ккаккан дурну дур. Мукъурттивусса дайлитIулул хъхьичIсса бутIри лавайми классирттал учебниирттай лях бутIри тIий ккаккан бувну бур, байбихъулул классирттал луттирдай гай дайлитIулуву ккаккан бувну бур. Мукъурттил формарду сакин дай суффиксру тIисса термин цайми дагъусттаннал мазурдил луттирдавугу ккаккан дурну дур. Мунияту ва термин жула луттирдавугу ишла бувну буссар,

ванилгу «Мукъул бутIри» тIисса раздел лахъхъаврил масъала ца системалуйн бутлай бур.

4-мур классраву махъру хIасул баврия лавхъхъумур жям бан ккаккан бувну бур. Дуклаки оърчIан цIусса материалну хънай дур «ЦачIун був махъру» тIисса тема. ОърчIан цачIун був махъру ялавайми классирттавугу хъунабавкъуссар, амма гай сакин шаврищал дуклаки оърчIру хъхьичIва-хъхьичI кIул хънай бур. ОърчIан бувчIин бан айкинссар цачIун був махъру кIива мукъуя сакин шайшиву, гай чичайсса куц. ЦачIун був махъру жура-журану чичайсса буссар:

лавчIун чичайсса цачIун був махъру: *бюрхттукку, ниттиуссу, ххалабакIу* ва ц.;

дянив чIири аыш дирхъуну чичайссар мархри тикрал хъанахъисса цачIун був махъру: *ранг-рангсса, личIи-личIисса, шаншанма* ва ц.;

личIину чичайссар гъаншиврул ва цIанил падежрайсса существительниридая сакин хъусса цачIун був махъру: *ттуккул үIу, ттуккул нис, аynакIул оърчI, ниттил нину* ва ц.

Дуклаки оърчIал дакIний битан айкинссар чIявуну хъунабакъайсса цачIун був махъру чичайсса куц. ЦачIун був махъру, гай чичайсса куц оърчIан куртIину лавайми классирттаву лахъхъайссар.

4-мур класс къуртал буллалисса оърчIан «Махъру сакин шаву» тIисса раздел лархъхъуну махъ кIулну бикIан айкинссар:

—махъру бутIрайх бачIин, мукъул бутIрал цIарду;

—ца мархлюя хъусса махъру личIи буллан;

– ца мархлюя хъусса(гъансса) махъру ва цава-ца мукъул формарду кунния кув личИи дуллан;

–цачIун був махъру дакIихсса ва чичрулийнусса гъалгъалуву личИи буллан;

–чIявуну ишла байсса цачIун був махъру чичлан.

Байбихъулул классирттаву мукъул бутIрайхсса разбор даврил гъану бизайссар. Дуклаки оърчIан мукъуву мархха, дайлитIу, суффикс ва гъану личИи буллан лахъхыин байссар. Гай мукунма суффиксирттал жуардашталгу кIул байссар. Махъру сакин байсса суффиксирттал кумаграйну цIусса махъру сакин буллали байссар. Мукъуртил формарду сакин дайми суффиксирттал кумаграйну мукъуртил личИи-личИисса формарду сакин даврищал кIул байссар.

Дуклаки оърчIан махъру бутIрайх бачIин лахъхыирча, гайннал маз кIулшиврул ва гъалгъа магъир баврил даву ларай хъанахъиссар.

Суффиксру лахъхъаврил даву жям дуллалийни, дуклаки оърчIру цаппара чIявуну хъунабакъайсса суффиксирттал мяъналух къулагъас дан байссар, гайннул кумаграйну сакин хъусса мукъуртил мяънарду ххал дайссар. Масала: *-чи, -кар, -алу(валу), -ия* ва цаймигу суффиксру.

*аърава- аъравачи*

*бакI- бакIчи*

*балай- балайчи ва ц.*

Дуклаки оърчIру *-чи* суффиксрал кумаграйну инсаннал санят, пиша, дуллалисса даву ккаккан дуллалисса махъру сакин шайшиврух къулагъас дан байссар.

«Махъру сакин шаву» тІисса тема ххуйну лахъхыншиврүл дуклаки оърчIру чIярусса иширайнусса давуртту дуллали байссар. ОърчIру ккаккан бувсса мукъурттия суффиксиртал кумаграйну цIусса махъру сакин буллали байссар. Гай мукъурттищал предложенияртту сакин дайссар. Вай давурттал дуклаки оърчIру лавайми классиртаву «Махъру сакин шаву» тІисса тема лахъхъаврийн хIадур байссар ва гайннул дуклаки оърчIал мукъурттил луртан авадан дайссар. Укунssa давурттал оърчIан логикалул чулуха тIайлану пикри буллан лахъхъин байссар. Гайннул дуклаки оърчIру мукъурттил бутIрах ва гайннул мяньнардах къулагъас дуллали бан кумаг байссар.

### **Гъалгъалул бутIри лахъхъаву**

Мукъилчинмур классраву гъалгъалул бутIри лахъхъаврил мадарасса кIану бугълай бур. Ва тема лахъхъинсса хIадуршинна, цалчинмур классрава байбивхъуну, дуллан ккаккан дурну дур. Га чIумал дуклаки оърчIан кIул хъуссар цу? ци? цукунсса? ци дуллай ур? тIисса суаллахъхъун жаваб дуллайсса махъру ва миннул мяньналуясса аымсса дурчIала, яни цалчинмур классраву дуклаки оърчIан лахъхъин бан айкинссар существительнирду, прилагательнирду, глаголлу кунния кув личIи буллан, гай дакIихсса ва чичрулийнусса гъалгъалуву ишла буллан. Гъалгъалул бутIри кIилчинмур ва шамилчинмур классиртавугу лахъхъин ккаккан бувну бур.

Мукилчинмур классраву, цусса программалийн бувну, лахъхын ккаккан бувну бур: гъалгъалул бутІрая аымса кІулшиву дулаву, существительное, прилагательное, цАанинкІанаймур, глагол, наречие. Мукилчинмур классраву, цусса программалийн бувну, лахъхын ккаккан бувну бур:

Гъалгъалул бутІрая лавхъхъумур тикрал баву.

**Существительное.** III классраву лавхъхъумур тикрал баву. Существительнирдал группартту (ур группа, дур группа, бур группа). Существительнирал падежру. Существительнирду ца аьдадрай падежирттайх баххана шаву (склонение). Существительнирду чІяру аьдадрай падежирттайх баххана шаву. Существительнирдал падежирттал аымса дайлитІуртту (кІирагу аьдадрай) гъаншиврул - л, дулаврил - н, бусаврил - хъ, шаврил - ща, цачІушиврул - щал.

КІанттул падежру (кІул баву). КІанттул падежирттайсса существительнирду текстраву лякъин бюхъаву ва гай гъалгъалуву ишла баву.

Существительнирду жуардайх бачІаву (затирттал, ххяххиярттал, хІайвантрал, инсантурал, тІабиаьтраву, обществалуву хъанахъисса иширттал цАрду).

Существительнирду гъалгъалуву ишла бан бюхъаву.

**Прилагательное.** Прилагательное существительниращал бакъасса чІумал существительное кунма падежирттайх баххана шаву. Прилагательнирал суффиксру - сса, - ма, - мур, -ми (- сса – аымса, - ма, - мур – ца аьдад, - ми – чІяру аьдад).

**ЦанинкIанаймур.**

**ЦанинкIанаймур.**

**Хасъсса**

ЦанинкIанайми. Гай падежирттайх баххана шаву. Хасъсса цанинкIанайминнул лицорду: 1-мур, 2-мур ва 3-мур. ЦанинкIанайми текстраву лякъин бюхъаву ва гай гъалгъалуву ишла баву.

**Глагол.** Шамилчинмур классраву лавхъхъумур тикрал баву. Глаголданул мяълум дақъа формалуя аымсса кIулшиву дулаву. Глаголданул чIунну. Глаголлу лицордайх ва айдадирттайх баххана шаву. Глаголлу группарттайх баххана шаву (цивува группарду ккакканбуулт буими). Глаголлу существительнирашал баxин кIулшиву. ЛичIи - личIисса давуртту ккаккан дуллалисса глаголлу личIи бан кIулшиву.

**Наречие, мяъна, суаллу.** (иширайну кIул баву). Наречияртту текстраву лякъин бюхъаву ва гай гъалгъалуву ишла баву.

### **Существительное лахъхъаву**

Жунма кIулли существительное ца яла агъанмур гъалгъалул бутIа бушиву.

Мукъилчинмур классраву лахъхъин ккаккан бувну бур: III классраву лавхъхъумур тикрал баву, существительнирдал группартту (ур группа, дур группа, бур группа), существительнирдал падежру, существительнирду ца айдадрай ва чIяру айдадрай падежирттайх баххана шаву, существительнирдал падежирттал аымсса дайлитIуртту (кIирагу айдадрай) гъаншиврул - л, дулаврил - н, бусаврил - хъ, шаврил - ща, цачIушиврул - щал.

Дуклаки оърчIру кIанттул падежирттащал ва существительнирдал жуардащал (затирттал, ххяххиярттал, хIайвантрал, инсантурал, тIабиальтраву, обществалуву хъанахъисса иширттал цIардащал) кIул байссар.

Мукыилчинмур классраву существительное лахъхъаву шамилчинмур классраву дуклаки оърчIан гания лавхъхъумунийн чул бившуну дан айкинссар. Дуклаки оърчIан кIулссар существительнирдал аймса мяньна, суаллу, существительнирдал жуарарду ва м.ц.

Лакку мазрал грамматикалул ца яргса хасшинна существительнирдал группартту (классру) бушиву хъанахъиссер. Лакку мазрал щала низам вай группарттащал дархIуну дуссар. Мунияту вай группарттайтусса дурчIала дулаврил ниттил маз лахъхъавризу ца агъамса кIану бугълагъиссер. Дуклаки оърчIан бувчIин бан айкинссар: лакку мазраву махъру группарттайх бачIачIийни, гъануну ларсун душиву мукъул мяньна. Ва тема лахълахъийни учительнал бувчIин бан айкинссар оърус мазравусса родрал ва лакку мазравусса группарттал личIишиву, гай куннищал кув хIала дакълан къабучIишиву.

Существительнирдал группартту лахълахъийни яла къамулсса давуну хъанахъиссер существительнирду цацIунма «ур», «дур», «бур» бакъайсса бикIайшиву. «ур» бакъайми существительнирду адиминал группалувун, «дур» бакъайми существительнирду щарссанил группалувун ва «бур» бакъайми – душнил группалувун багъайссар. Мукунма дуклаки оърчIан бувчIин байссар адиминал группалувун арамтуннал цIарду ккаккан дуллалисса

существительнирду, щарссанил группалувун хъаннил цАрду ва цаппара затру ккаккан дуллалисса существительнирду, душнил группалувун душварал цАрду ва затирттал цАрду ккаккан дуллалисса существительнирду багъайшиву.

Мукилчинмур классраву существительнирдал падежру, гайца айдадрай ва чЯру айдадрай падежирттайх баххана шаву лахъхин бан ккаккан бувну бур. Дуклаки оърчАл существительнирду падежирттайх баххана шаврия аймса кIулшиву, падежру, миннул цАрду ва суаллу шамилчинмур классраву лавхъхъуссар. Ва тема лахъхаву дуклаки оърчАл хъхьичIра лархъхъусса материалданийн чул бившуну дайссар. Дуклаки оърчАн кIулссар существительное цирив, мунил цукунсса суаллахъхун жаваб дуляссарив, существительнирду айдадирттайх баххана шайшиву, ми шанма группалийх бавчIуну бушиву. Мукунна ва тема лахъхавринсса хIадуршинна мукъул дайлитIурту лархъхуну душаврил ва миннуйну махъру предложениялувуу цаницIун-ца бахIайшиву дуклаки оърчАн кIулну бушиврул бугълагъиссар. ОърчАн лахъхин бан айкинссар существительнирду цайми мукъурттийн хъарну буний баххана хъанахъаву ва ми падежирттайх баххана шаву.

Существительнирал падежрал ккаккан дурну дуссар му мукъул предложениялувусса гайми мукъурттищалсса дахIаву. Мукун бухъувкун, падежру лахъхаву чул бившуну дуссар предложениялувусса мукъурттил цаницIун- ца бахIаву оърчАн дурчIуну ва кIулну душиврийн.

Мукилчинмур классраву дуклаки оърчиру кIанттул падежиртташал кIул байссар. Лакку мазраву кIанттул падежирттал ряхва серия хю-хюра падеж дусса ва арулчинмур серия кIира падеж дусса буссар. Мукилчинмур классраву падежирттал серияртту лахълан айкиншиву дакъассар. Дуклаки оърчIан кIанттул падежирттайсса существительнирду текстрраву ляхълан ва гай дакIихсса ва чичрулийнусса гъалгъалуву ишла буллан лахъхин байссар.

Ца яла агъанмур тIалавшиннану журा-журасса существительнирду дуклаки оърчIал дакIихсса ва чичрулийнусса гъалгъалуву ишла бан лахъхаву хъанахъиссар.

Жунма чIалачиисса куццуй, гъалгъалул бутIри ххуйну лахъхин баврил, гайннуя цАкъисса кIулшиву дулаврил, мукунма существительнирал категорияртту кIулшиврул лавайми классирттаву лакку маз лахъхаврил гъану бизлай бур.

### **Прилагательное лахъхаву**

Гъалгъалул бутIраисса дурчIала дуклаки оърчIачIа xIасул шайссар махъ личIи-личIисса чулуха ххал бигълай бухъурча: мянаул чулуха, грамматикаул лишаннал чулуха ва м.ц. Вайва кIанттурду xIисавравун ласун айкинссар прилагательное лахълахъийнигу. Тема лахълан байбишайни предложениялуву прилагательнирдал мянаул агъамшиву ва миннул жула гъалгъа авадан ва пасихI буллалаву ккаккан буллисса мисаллу буцин айкинссар. Учительнаща дуклакиминначIа укунсса бюхъурду xIасул бан бюхъантIиссар, агарда оърчIал мисаллан буцлацисса прилагательнирду затирттал лишанну личIи-личIисса чулуха

каккан дуллалисса бухъурча. Дуклаки оърчIан мукунсса махъру лякъин ва ми тIайлану цала гъалгъалуву ишла буллан лахъхин баврил ялов учитель мудан авцIуну икIан айкинссар.

Прилагательнирду лахълахъийни ми существительнирдацIун бахIаврил чулухунмайсса бюхъурду ва вардишру оърчIачIа хIасул хъун айкинссар. Миннан существительнирая прилагательнирахъхъун суал тIайлану булун лахъхин бан айкинссар.

Прилагательнираясса кIулшиву куртI дан къулайсса давуну хъунтIискар мяъналул чулуха къаршилла прилагательнирду цащаласса существительнирдащал архIал дуклаки оърчIру лякъин булларча. Прилагательнирду мисаллан буцлацийни мудан миккун хасъсса суалгу /цукунсса?/ буцайссар.

Лакку мазрал прилагательнирдал - *ssa* дақъассагу, цайми дайлитIуртугу дуссар: - *ma*, - *mур*, - *mi*, укунсса прилагательнирдал цанмасса суаллугу буссар: цукунма? цукунмур? цукунми? Ва журалул прилагательнирду оърчIан бувчин байссар – *ssa* бусса прилагательнирдая аымсса кIулшиву ларсун махъ. Укунсса прилагательнирдащал оърчIру кIул буллалийни вай группарттайх баххана хъанахъишивугу бувчин байссар.

### **ЦанинкIанаймур лахъхъаву**

Мукилчинмур классраву цанинкIанаймур лахъхин каккан бувну бур кIилчинмур классраву лавхъхъумунийн чул бившуну. КIилчинмур классраву дуклаки оърчIал цанинкIанайми иширайну лахъхъайссар, гай дақIихсса ва чичрулийнусса гъалгъалуву ишла байссар. Мукилчинмур классраву Лакку

мазрал программалуву лахъхын ккаккан бувну бур лув  
ккаккан бувсса

масъалартту:

ЦанинкIанаймур. Хасъесса цIанинкIанайми. Гай падежирттайх баххана шаву. Хасъесса цIанинкIанайминул лицорду: 1- мур, 2- мур ва 3 - мур. ЦанинкIанайми текстрраву лякъин бюхъаву ва гай гъалгъалуву ишла баву.

Мукъилчинмур классраву дуклаки орчIан цIанинкIанаймуниясса аымсса кIулшиву дулайссар, хасъесса цIанинкIанайми ва гай падежирттайх баххана шаву лахъхайссар. Хасъесса цIанинкIанайми ѳа аьдадрай ва чIяру аьдадрай лицордайх баххана шаву, гай шаннагу лицорай ишла баву лахъхайссар. Яла агъанмур масъалану хъанахъискар цIанинкIанайми дакIнихсса ва чичрулийнусса гъалгъалуву ишла бан лахъхаву. Дуклаки орчIан кIулну бикIан аьркинссар цIанинкIанайми цуми гъалгъалул бутIран кIанай ишла байссарив, гайннул гъалгъа магъир бавриву бугълагъисса кIану.

Мукъилчинмур классраву цIанинкIанайми лахъхаврин ккаккан дурну дур шанна ссят. Мукъилчинмур классрансса учебный пособиялуу гай ссятирттансса материал ккаккан дурну дуссар.

ЦанинкIанаймур лахълахъийни лахъхын ккаккан бувну бур:

- дакIнихсса ва чичрулийнусса гъалгъалуву цIанинкIанайми личIи буллан;
- цIанинкIанайми гъалгъалуву ишла буллан;

– предложениярттава цIанинкIанайминнущалсса бавхIумахъру  
личIи буллан;

– цIанинкIанайми тIайлану чичлан.

ЦIанинкIанайми лахъхаву хасъсса цIанинкIанайми лахъхаврия байбивхъуну дайссар. Гай лахълахъийни дуклаки оърчIахъхъун дулун бучIиссар личIи-личIисса давуртту, масала назмулува личIи бувсса махъру чичин, гайннул ци ккаккан дуллалиссарив бусан. Ласунну М.Давыдовлул чирчусса «Ниттихъ» тIисса назму:

Чалай бурив някI ссавний  
Пперха тIий чаннацIуку,  
Ттул нину, **кIа** ттул дакIри  
Пар тIисса **вил** ххуллуву.

**Инара ттул** балайгу,  
**Инара ттул** ччавугу,  
**Инара ттул** оърмуул  
Лякъагъай мусил ттарцIгу.

Ссурулккуртграй ххуллурду  
**Вил** дакIивун бишинна.

**Ина** янил дургъуну,  
ТалихIрачIан лехханна.

Назмуулул текстращалсса даву дурну махъ, дуклаки оърчIал назмулува личIи бувсса махъру чичайссар ва гайннул лицо кIул дайссар. Ва даву дурну махъ, дуклаки оърчIру дан байссар вывод:

На, ина, га, жу, зу, гай – цIанинкIанаймири. ЦIанинкIанаймур гъалгъалул бутIар. На, жу – 1-мур лицорал цIанинкIанаймири. Ина, зу – 2-мур лицорал цIанинкIанаймири. Ва, вай, та, тай, кIа, кIай, га, гай, му, ми – 3-мур лицорал цIанинкIанаймири. На, ина, га, жу, зу, гай хасъсса цIанинкIанаймири.

Дуклаки оърчIаштал цIанинкIанайми лахълахъийни жураржурасса давуртту дайссар, масала, учаларттаву цIанинкIанайми лякъин, гайннул луртту аьшру дуккан, цIанинкIанайминнущал предложенияртту сакин дан ва м.ц.

Хъиривмур дарсирай дуклаки оърчIаштал «ЦIанинкIанайми падежирттайх ва аьдадирттайх баххана шаву» тIисса тема лахъхъайссар. Дуклаки оърчIаштал чIярусса давуртту дайссар, масала, текстрава хасъсса цIанинкIанайми бусса предложенияртту личIи дурну, чичин, гайннул луртту аьшру дуккан. Дуклаки оърчIру цIанинкIанайми, существительнирду кунма, падежирттайх ва аьдадирттайх баххана шайшиву бусан байссар.

### **Глагол лахъхъаву**

Лакку мазраву глагол грамматикалул формардал ва мяньардал хъинну авадансса ва лахъхъингу захIматсса гъалгъалул бутIа хъанахъиссар.

Программалийн бувну, мукилчинмур классраву лахъхъин ккаккан бувну бур: глаголдануя шамилчинмур классраву лавхъхъумур тикрал баву, глаголданул мяълум дакъа формалуя аымсса кIулшиву дулаву, глаголданул чIунну, глаголлу лицордайх

ва айдадирттайх баххана шаву, ва цивува группартту ккаккан бувулт буми глаголлу группарттайх баххана шаву.

Мукъилчинмур классраву глагол лахъхъаву шамилчинмур классраву лавхъхъумунийн чул бившуну дан айкинссар. Шамилчинмур классраву дуклаки оърчал глаголданул аймса мяъна, суаллу, глаголданул чуунну: цанасса, ларгса, дучантисса, га чуунайх баххана шаву лахъхъайссар.

Лакку мазрал грамматикалул ца яргса хасшинна группартту (классру) бушиву хъанай дур. Дуклаки оърчан глаголлу существительнирдащал ва цаймигу мукъуртищал баҳин лахъхъин айкинссар. Глаголлу группартту хисавну существительнирдащал бавхуну бикайссар. Масала:

*Оърчи чагъар чичлай ур. Нину чагъар чичлай дур. Душ чагъар чичлай бур.*

Глаголлу дақинихса ва чичрулийнусса гъалгъалуву группа хисаврай тайллану ишла буллан лахъхъиншиврул чиарусса давуртту дуллан айкинссар. Дуклаки оърчан бувчин бан айкинссар цанасса чумул глаголлу цукун баххана хъанай буссарив.

Ларгса чумул глаголлащал существительнирду группартту хисавну бавхуну бикайссар. Масала: *Мямма даврия увкунни.*

*Дада даврия дуркунни.*

*Ссу даврия бувкунни.*

Дучантиси чумул глаголлащалгу существительнирду группартту хисавну бавхуну бикайссар. Масала:

*Гъунттий уссу шагърулия учантиссан.*

*Гъунттий амудада шагърулия дучIантIиссар.*

*Гъунттий ссу шагърулия бучIантIиссар.*

Глагол захIаттаса гъалгъалул бутIа бухъувкун, му лахъхаву вайми классиртавугу дантIиссар. Глаголданул ца яргса лишанну му мудан цумур-бунугу чIумуцIун бавхIуну бушиву хъанахъиссар. Шамилчинмур классраву дуклаки оърчIан «Глаголданул чIунну» тIисса тема лархъхъуссар.

Мукъилчинмур классраву глагол лахъхаву дайдихълай дур «Гъалгъалуву глаголданул бугълагъисса кIану» тIисса темалийн бувну. Дуклаки оърчIаштал глаголдануя хъхъичIми классиртаву лавхъхъумур: глагол ссайн учайссарив, ганил суаллу ва предложениялуви бугълагъисса кIану тикрал байссар, бувчIин бувну, жям байссар.

Мукъилчинмур классраву цIусса теману хъанахъиссар «Глаголданул мяълум дақъа форма» тIисса тема. Дуклаки оърчIан глаголданул мяълум дақъа формалул ци бан? ци хъун? ци буллан? ци баван? тIисса суаллан жаваб дулайшиву бувчIин байссар ва тема лахълахъийни дуклаки оърчIаштал жура-журасса давуртту дан ккаккан дайссар: текстрава глаголлу личIи бувну, гайннул мяълум дақъа форма ккаккан дан, мяълум дақъа формалул глаголлаштал предложенияртту сакин дан, глаголлу, гайннул жаваб дулайсса суаллу буллуну (ци бан?, ци буллан?, ци баван?), шанна ттурцIай чичин.

Дуклаки оърчIал глаголлал чIунну тIисса тема жям дурну, тикрал дуллалиссар.

Цивпа бавхIусса мукъуртих бурувгун, глаголлу группарттайх баххана шайссар. Мукунса глаголлаву группа ккакканбуулт в, б, д, р бикIайссар. Масала: *ОърчI увкIунни. Душ бувкIунни. Нину дуркIунни.* Группарттайх баххана къашайми глаголлаву группа ккакканбуулт къабикIайссар. Масала: *Уссу хъин хъунни. Ссу хъин хъунни. Нину хъин хъунни.*

Мукъилчинмур классраву мукунма лахъхын ккаккан дурну дур глаголлу лицордайх баххана шаву тIисса тема. Лакку мазраву глаголлу лицордайх баххана шайссар. Гайннул З лицо дуссар: на, жу – цалчинмур лицори, ина, зу – кIилчинмур лицори, та, тайшамилчинмур лицори.

Лицорал ца аьдад ва чIяру аьдад дуссар: на, ина, та – ца аьдадри, жу, зу, тай – чIяру аьдадри.

Мукъилчинмур классраву мукунма лахъхын ккаккан дурну дур глаголлу аьдадирттайх баххана шаву тIисса тема. Глаголлу аьдадирттайх баххана шайссар. Ца аьдадрайssa глаголданул ца затрал даву ккаккан дайссар. ЧIяру аьдадрайssa глаголданул кIира ягу ххишаласса затирттал даву ккаккан дайссар. Масала: *Багъманчи мурхъ бугълай ур. Жу мурхъру бугълай буру.*

Глаголданул инкар бай бутIри лахълахъийни, инкар буллай, «къаданна - къахъунна» тIисса глаголлаву къа тIисса бутла бикIайшиву дуклаки оърчIан бувчIин байссар. Масала: *ласав - къаласав, чичара – къачичара.*

Инкар буллай, къадагъа дуллалиssa глаголлаву ма тIисса бутла бишайссар. Масала: *чича - мачичара, ласи- маласара.* Инкар бай, къадагъа дай бутIри къа, ма глаголданул бакIрай ягу вив

бикІайссар. Масала: *На къачичара - На чикъачара*. Дуклаки оърчІан бувчІин байссар хъун тІисса глаголдануцІун бахІайнни къа тІисса бутІул хъирив группа ккаккан бай лишан **р** ягу **в** бикІайшиву. Масала: *къархъунни, къавхъунни*.

Муқылчинмур классраву глагол лахъхъаврил мурад дуклаки оърчІал глаголлу дакІнихсса ва чичрулийнусса гъалгъалуву тІайлану ишла буллан лахъхъин баву хъанахъиссар. «Глагол» тІисса раздел лархъхъуну махъ, дуклаки оърчІан кІулну бикІан айкинссар:

- Суаллайн бувну, глагол цайми гъалгъалул бутІрая личІи буллан.
- Глаголлу группарттайх баххана буллан.
- Глаголлу чуннайх баххана буллан бюхъан.
- Глаголлу лицордайх баххана буллан бюхъан.
- Глаголлу айдадирттайх баххана буллан бюхъан.
- Глаголданул мяълум дакъа форма кІул дуллан бюхъан.
- Глаголлу дакІнихсса ва чичрулийнусса гъалгъалуву ишла буллан.

## **Наречие лахъхъаву**

Наречиярту дуклаки оърчІал гъалгъалуву хъунабакъайссар хъхъичІми классиртавугу. Муқылчинмур классраву хъхъичІва-хъхъичІ дуклаки оърчІру наречиялущал кІул хъанай бур. ХъхъичІва наречие байбихъулул классиртансса лакку мазрал программалуву ва учебникраву лахъхъин ккаккан бувну къабивкІссар. Дуклаки

оърчIал гъалгъалух къулагъас дурсса чIумал, жунма чIалай бур гайннал гъалгъалуву наречияртту хъинну ишлану бушиву ва гайннул оърчIал гъалгъагу магъир буллай бушиву. Лакку мазрал программалуву наречие лахъхъаврин 2 ссят ккаккан дурну дур.

Шикку

дуклаки оърчIру наречиялул аымса мяъналущал ва суаллащал иширайну кIул хъанай бур, гай дакIнихсса ва чичрулийнусса гъалгъалуву лякъин лахълай бур, наречияртту гъалгъалуву ишла буллан лахъхъин бангу ккаккан бувну бур.

Дуклаки оърчIан наречие лахълахъийни лахъхъин ккаккан бувну бур:

– дакIнихсса ва чичрулийнусса гъалгъалуву наречияртту личIи буллан,

– наречияртту гъалгъалуву ишла буллан.

Наречие – гъалгъалул бутIар. Ганил цукун? та? ци чIумал? чув? тIисса суаллахъхъун жавабру дулайссар. Дуклаки оърчIан наречие лахъхъин айкинссар иширайну, га дакIнихсса ва чичрулийнусса гъалгъалуву ишла буллан. Га ххуйну лахъхъиншиврул, дуклаки оърчIаштал чIяруssa иширайнусса давуртту дуллан айкинссар: текстрава наречияртту личIи буллан, гайннул мяънарду дурчIин дуллан, гай цумур гъалгъалул бутIуцIун бавхIуну буссарив кIул буллан, наречиярттахъхъун суаллу буллан, наречияртту ишла буллай, хаварду, текстру сакин дуллан, ссигъраву наречияртту лякъин, гайннул цукунсса суаллан жавабру дуллай буссарив бусан, текстраву кIунтIан кIанай наречияртту ишла буллан ва цаймигу.

Наречие лахълахъийни дуклаки оърчIан хъунадакъайссар тамансса захIматшивуртту: текстраву наречие лякъин къабюхъаву, наречие дакIихсса ва чичрулийнусса гъалгъалуву ишла бан къакIулшиву, наречие цайми гъалгъалул бутIращал бяйкин баву ва м.ц. Мукунма дуклаки оърчIал наречие чичавриву гъалатI итабакъин бюхъай.

Наречие лахълахъийни дуклаки оърчIан бувчIин бан айкинссар наречиялул аймса мяньна ва га чIявуну глаголданущал бавхIуну бикIайшиву. Наречиялул глаголданул дуллалисса даврил хасият ккаккан дайссар. Дуклаки оърчIан глаголданущал ва наречиярттащал бавхIумахъру сакин бан лахъхъин байссар. Масала: лахъну (цукун?) гъалгъа тIун, анаварну (цукун?) ачин, чIалну (та?) учIан ва м.ц.

Учительнан хъунмур къулагъас наречие дакIихсса ва чичрулийнусса гъалгъалуву ишла буллан лахъхъин баврих дан айкинссар. Наречие гъалгъалул бутIа хIисаврай лавайми классиртаву лахъхъайссар.

Наречие дуклаки оърчIал дакIихсса ва чичрулийнусса гъалгъалуву чIявуну хъунабакъайссса гъалгъалул бутIар. Дуклаки оърчIал гъалгъалуву яла чIявуну ишла байми гъалгъалул бутIри существительнирду, глаголлу ва цIанинкIанайми хъанай бур, гайннул хъирившса кIану наречияртталгу бугълай бур.

Наречиялул дуклаки оърчIал мукурттил луртан авадан дайссар ва гъалгъа баврил компетенция хъун бавривугу тамансса кIану бугълагъиссар.

## **II.3. Муқылчинмур классравусса дуклаки оърчал гъалгъа баврил компетенция хъун баву**

Маз инсаннал аймса культуралул дуцин хъанахъискар. Мазрал мукунма хъунмасса бияла инсан тарбия авривугу бур. ПасихІсса мазрал, инсаннал буллалисса магъирсса гъалгъалул ганал айкълу-кІулшилул даража ккаккан байссар. Маз лахъхъаврил мурад гивусса къайдарду ва правилартту лахъхъаву дакъарча, цуппа га мазрай тІайлану, пасихІну, бюхханну гъалгъа баву хъанахъискар. Щанасса чумал хъуннасса агъамшиву дуклаки оърчлан цаярва оърмулул хъуниминнащал ва чІунархІал оърчлащал гъалгъа бан кІулшиврун дуллай дур. Ххуйну маз кІулсса дуклаки оърчлан айкълу-кІулшигу ларайсса дур, гайннан лахъхъин айкинмур лаласун, лахъхъингу бигъану бикІайссар. Ххуйну гъалгъа бан, цала пикри мукъурттийну ккаккан бан кІулшиврух хъуннасса къулагъас дурну дур Федерал паччахІлугърал кІулшиву дулаврил стандартирттайгу.

Инсаннал гъалгъа щала оърмулий магъир хъанан бикІайссар. Дуклаки оърчлан гъалгъа магъир шавриву агъамсса чІунну байбихъулул школалий дуклакисса чІун хъанахъискар. Мюрщикса оърчлан гъалгъа магъир буллалий

ни, ганал айкълу-кІулшигу магъир шайссар. Мазрал кумаграйну оърчлан инсантуращацца хІала-гъурттушиву дайссар ва мукунма цусса затру, дунияллий хъанахъимур кІул байссар. Байбихъулул классиртава байбивхъуну, учительнан дуклаки

оърчIан бувчинну, пасихIну гъалгъа тIун лахъхин бан айкинссар. Тайлану, бувчинну гъалгъа тIун лахъхиншиврул, дуклаки оърчIан ниттил маз лахъхаврихса гъира багъан бансса давуртту дуллан айкинссар.

Гъалгъа баврил компетенция хъун буллалийни, яни дуклаки оърчIан тIайлану, бувчинну, бюхханну гъалгъа буллан лахъхин буллалийни кIива масъала щаллу бан айкинссар:

- 1) дуклаки оърчIал гъалгъалувусса диялдакъашивуртту духлаган даву;
- 2) дарсирай гъалгъа баврил компетенция хъун бансса давуртту даву.

Дуклаки оърчIал гъалгъалувусса диялдакъашивуртту духлаган дуллалийни, айкинссар:

- чIурду тIайлану зумух ласун лахъхин бан;
- дуклаки оърчIал мукъуртил луртандалул даражадавай бан.

Федерал паччахIлугърал кIулшиву дулаврил стандартирттай хъуннасса къулагъас дуклаки оърчIал гъалгъа баврил компетенция хъун баврих дан ккаккан дурну дур. Цуксса дуклакиманан ххуйну гъалгъа тIун кIулну бурив, муксса мунан дарсирай учительнал бусласимур ххуйну бувчинссар ва лаласайссар, цала бусласимургу ххуйну бусан бюхъайссар.

Гъалгъа баврил компетенциялул (компетенция – латиннал *competentia* тIисса мукъуя хъусса махъ хъанай бур, куннищал кув дахIаву, кунницIун кув дақъаву тIисса мяъна дусса) инсантал куннащал кув гъалгъа баврил даражада гъалгъа бавриясса мюннат ккаккан буллай бур. Гъалгъа баврил компетенция тIисса

дурчIалалувун    духлахиссар    инсантурал    куннал    куннащал буллалисса гъалгъалуйнсса тIалавшиннарду: логикалул чулуха тIайласса гъалгъа, гъалгъа тIунсса куц кIулшиву, гъалгъатIиманнах урувгун гъалгъа баву ва м.ц. Ххуйну гъалгъа бан бюхъаву, яньи гъалгъа баврил компетенция – му хъанахъиссар инсаннал дуллалисса цумур-дунугу даврил гъану. Цанасса чIумал дакIих виччулийнусса гъалгъа бан лахъхыин баврил хъинну хъуннасса агъамшиву душиву ккаккан дурну дур. Гъалгъа баврил компетенция щаллу буллалисса чIумал дуклаки оьрчIан гъалгъалул циняв жуарарду кIулну бикIан аркинссар: вичIи дишаву, буккаву, чичру ва гъалгъа баву. Вай циняв гъалгъалул жуарарду лахъхыиншиврул дуклаки оьрчIру чIярусса иширайнусса давуртту дуллали байссар. Так дуллалисса давурттайнур оьрчIал мукъуртил луртан авадан шайсса, мазраясса кIулшиву авадан хъуну, куртI шайсса, гъалгъа баврил бюхъурду магъир шайсса. Гъалгъа буллан лахъхайссар, цIуну лархъхъусса материал ишла дуллай, жуаржурасса давурттайну гъалгъа баврил бюхъурду магъир буллай.

Гъалгъа баврил компетенциялувун духлахиссар гъалгъа баврийнсса тIалавшиннарду, гъалгъа баврил компетентность тIурча гъалгъатIиманаща

гай тIалавшиннарду дуруччин бюхъайсса даражалийн ияву хъанахъиссар. Гъалгъа баврил компетенциялувун духлахиссар:

- мазрал мукъуртил луртан душаву;
- дакIихсса гъалгъалул магъиршиву (тIайлану, дурусну гъалгъа баву);
- чиччулийнусса гъалгъалул магъиршиву;

– гъалгъалул этикет дуручин бюхъаву.

Магьирса, тайлану буллалисса гъалгъалух вичи дишин хъинну тааинну биктай, мукун гъалгъа тун күлсса инсаннан ормулуву чивусса инсантуращал маз лякъин, дуллалисса даву ххуйну дан бигъану биктай.

Жунма күлсса күццуй, гъалгъалул буссар кива жура: дакинихсса ва чичрулийнусса гъалгъа. Методикалул элмуул ккаккан буллай бур хъхичи дуклаки орчлан дакинихсса гъалгъа баврил компетенция щаллу бан аркиншиву. Так дакинихсса гъалгъа бан лавхъхъуну маҳри лаххъин байсса орчлан цала пикри чичрулийну ккаккан бан.

К.Ф.Седовлул давриву чивчууну бур «ххуйну гъалгъа бан лаххъиншиврүл га мазрай гъалгъа тисса миллатрал инсантуран куннал куннащал гъалгъа баврил къайдарду күлнү диклан аркинссар» тий. [18, л.52]

Гъалгъа баврил компетенция хүн баврил давурттал чулухуннайсса агъамсса талавшеннану гайннул ца балжисса система хъанахъискар. Ца балжисса система душиву щаллу дуллалиссар мукъра шартырал:

- 1) жура-журасса давуртту куннил хъирив кув дачин даву;
- 2) гайннул хайр бушиву;
- 3) жура-журасса давуртту даву;
- 4) кай ца мурадрайн тайла дан бюхъаву.

Гъарца цусса даву хъхичира дурмунища дархуну духьурчагу, гиву чивисса бухьурчагу цусса пикри, хъхичунмай хүн буллалисса ци-бунугу ца зат биклан аркинссар.

Щанасса чүмал гъалгъа баврил компетенция щаллу баву ниттил маз лахъхын баврил яла агъанmur масъалану хъанахъискар. Гъалгъа баврил компетенция оърчлаву щаллу баврин хас дурсса давуртту гъарца дарсирай диклан айкинссар.

Гъалгъа баврил компетенция хъун баву – му хъинну захиматсса, хъуннасса магъиршиву ва хъарачат талав буллалисса давур. Хъуннасса агъамшиву дуссар ва даврил байбихъул школалий, цанчира гиву дуклаки оърчал кулшиву ласаврил ва тарбия баврил гъану бизайну тий.

Мукъуртищалсса даву яла агъанmurну ва хъуннасса къулагъас дан айкинmur давуну хъанахъискар. Махъру лахъхын баврищал архал гай гъалгъалуву ишла буллангу лахъхын бан айкинссар: гайннущал бавхумахъру, предложенияртту сакин дуллан лахъхын бан, гай гъалгъалул единицарду хисаврай саргъунсса гъалгъалуву ишла бан бюхъаншиврул. Гъалгъа магъир баврил даву кива бутуйх дарчуну дуссар:

1) дакинисса гъалгъа баврил компетенция щаллу хъун баву ва 2) чичрулийсса гъалгъа баврил компетенция хъун баву. Вай кивагу журалул цинна хасъсса ляличишивуртту дуссар. Гай духъурчагу дакинисса ва чичрулийсса гъалгъа магъир баврин хас дурсса даву архал дачин дан айкинссар. Ккалаккийни чичруул маз жува дакинисса гъалгъалийн курбаен буллай буру ва чичлачийни дакинисса гъалгъа чичрулийн курбаен буллай буру. Дакинисса ва чичрулийнусса гъалгъа магъир буллалийни, личиличину дайссагу давуртту дуссар. Амма гъалгъалул кивагу журал

архІал ххал буллалисса чУумал, гай магъир баврил вардишру цАкъесса дикІайссар, гъалгъагу магъир шайссар.

### **Диалограл формалийсса (куннал куннащалсса) гъалгъа баврил компетенция хъун баву**

Жунма кІулсса күццуй, дакІнихсса гъалгъа кИива журалул бикІайссар: куннал куннащалсса гъалгъа (диалог) ва ца инсаннал буллалисса гъалгъа (монолог). Вайннуву яла чІявуну хъунабакъайсса жура куннал куннащалсса гъалгъа хъанахъискар, буллалисса гъалгъалуву ца инсаннал буллалисса гъалгъа чанну хъунабакъайссар. Гъалгъа тПун лахъхин буллалийни, куннал куннащалсса гъалгъа агъанмур ва хъхьичI нанимур гъалгъалул журану хъанахъискар. Вай кІивагу гъалгъалул журадаву личІишивурттугу дуссар.

Куннал куннащал буллалисса гъалгъа хъанахъискар чУумух, кІанттух бурувгун буллалисса гъалгъа. Т. Г. Винокурдул ккаккан бувну бур «диалог ва монолог инсантурал лахълахъисса мазрай гъалгъа бан ишла байсса журадду бунугу, гъалгъа баврил функция диалограву ххуйну чІалан бикІайшиву. Гиву бусласимур муданма куннащал кув гъалгъа тПутІаву кунма, куннах кув вичІи дишаву ва гъалгъа тПутІаву кунма ккаккан бувну бикІайшиву»[3, М., 1955]

Байбихъулул классирттаву гъалгъа магъир баврил, гъалгъа баврил компетенция щаллу баврил ялувсса даву куннал куннащал буллалисса гъалгъа бан лахъхин баврия тІайла хъуну (диалограя) дайдишин аyrкинссар. Диалограл формалий буллалисса гъалгъа чІявуну хъунабакъайссар. Ва формалий буллалисса гъалгъалул сакиншинна бигъасса дикІайссар, гиву чІявусса мудан ишла байсса,

дакIний битан бигъасса махъру, кутIа предложенияртту дикIайссар. Диалограл формалий буллалисса гъалгъа кIанттух, чIумух, тагъарданух буровгун буллалисса гъалгъа хъанай бур. Шикку дуклаки оьрчIан бусамур дакIний битан аьркиншиву дакъар. Гъалгъа буллалисса кIанттух, тагъарданух буровгун, оьрчIан гъалгъа бан бигъану бикIайссар, цанчирча гайннан ссая гъалгъа тIун, цукун гъалгъа бан аьркинссарив кIулну тIий.

Дуклаки оьрчIан суаллу буллан ва гайннун жавабру дуллан бигъану бикIайссар. Гайннан най бунува хъунисса хаварду, кунницIун кув дархIусса предложенияртту сакин дуллан захIматссар.

Диалограл формалий буллалисса гъалгъалул цинна хасъесса ляличIишивуртту дуссар. Миннуву яла агъанми хъанай дур: гивусса предложениялул сакиншинна бигъасса душиву, кIия инсаннал гъалгъа бушиву, чIявусса маз чIюлу бай махъру, калимартту, междометияртту ишla

баву, чIумух, кIанттух, тагъарданух буровгун, чIу лагъ-лахъ баву, каруннил, бакIрал кумаграйну бувчIин баву.

Диалограл формалий буллалисса гъалгъа так суаллу булун ва гайннун жавабру дулун кIулшиву къахъанахъиссарча, дуклаки оьрчIан мукунма гъалгъалуву ишla байсса, мазраву хIадурнувасса махъру, калимартту, яхши-хашрал махъру (хъунабавкъусса чIумал, ссащал-бунугу барча буллалисса чIумал ва м.ц. ишla байсса махъру) ишla буллан лахъхъин аьркинссар. Диалограл журалийсса гъалгъа бан лахъхъин буллалийни, оьрчIан гъалгъа байбишин лахъхъин бан аьркинссар, масала, ивзрав-урав куну, суаллу буллан

ва гайннун кутлану ва диялну жавабру дуллан, буллалисса гъалгъа бачин бан, къуртал бан ва ц. Диалограл формалий дуллалисса циняр давуртту цил багъайкун лакку мазрай гъалгъа бан лахъхин буллалисса диклан аркинссар. Орчлан гивусса предложенияртту, суаллу зумух ласун, интонация дуруччин лахъхин дан аркинссар. Дуклаки орчлан ва формалий гъалгъа бан лахъхин буллалийни, яла захматмурну, предложенияртту кунницун кув дархуну, тайлану гъалгъа бан лахъхин баву хъанай дур. Куннащал кув гъалгъа тутийни, гиву личи-личисса аарду ккаккан дуллалисса кира ягу хшишаласса калимарту (предложенияртту) дусса репликартту хасул хъанай дур.

Диалограл формалий буллалисса гъалгъалуйнssa талавшиннарду ца классрава гамунивун бияннин хъуни хъанахъиссер. Агар байбихъулий гайннан так суаллан жавабру дулун лахъхин барчагу, гихунмай дуклаки орчлан ихтилат бан, гъалгъатиманахъ ци-бунугу цуххин, ихтилат къуртал бан лахъхин буллан аркинссар. Орчлан куннал куннащал ягу цайми инсантуращал ихтилат бан лахъхин бан аркинссар.

Методический литературуалуву ккаккан бувну бур диалограл формалий ихтилат бан лахъхин бавриву лув ккаккан бувсса бутри:

- 1) диалограх вичи дишаву ва га дурчлаву;
- 2) диалограл мисал дакий битаву, га зумух ласаву;
- 3) лархъхъусса диалогирттал образецрайн чул бившуну, ихтилат баву;

Вай бутIрайн бувну, диалограл формалий ихтилат бан лахъхыин буллалийни:

- 1) дуклаки оърчIан кутIасса диалограл образецру учительнал хъирив зумух ласун лахъхайссар;
- 2) лагма-ялттумунил хIакъираву учительнал буллусса суаллан жавабру дулун лахъхайссар;
- 3) учительнал ккаккан бувсса образецрайн бувну, дуклаки оърчIру куннахъхун кув суаллу буллай, гайннун жавабру дуллан бикIайссар;
- 4) вичIи дирхъусса ягу доскалий чирчусса диалограха лархъхьусса диалог оърчIал сакин дайссар;
- 5) диалогравусса предложенияртту лахъи-кутIа, даххана дуллали байссар;
- 6) диалогру дусса запись духьурча, ганих вичIи дишин байссар.

Конструктивныйсса давурттава цаппара журагдү ккаккан банду: образецрайн бувну, тагъарданух бурувгун сакин дурсса личIи-личIисса темардайн дагълагъисса диалогру ва ихтилатру, масала, «ЩаращучIасса хъунабакъаву», «КИя дуснал дянив хъусса ихтилат» ва ц.; ци-дунугу даххана дурну, диалог сакин даву; учительнал дайдирхъусса диалог къуртал даву; личIи-личIисса темардая куннал куннащал ихтилат даву; ххал хъусса суратräя щищал-бунугу гъалгъа даву; дурккусса ягу вичIи дирхъусса текстрайн бувну, диалог сакин даву.

Диалограл формалийсса гъалгъа бан лахъхыин буллалийни, ганил гъануну диалограл образецру дикIан бюхъайссар.

Байбихъулул классирттаву укунса диалограл образецруну дуклаки ойрчIал цачIу ишла дан айкинсса суал ва жаваб хъанахъискар. Ойрчахъхъун хIадурнувасса диалограл образецругу дулун бучIискар. Дуклаки ойрчIру гай диалогирттал образецру дакIних лахъхъин бан бучIискар, яла гай даххана дуллай, ихтилат бан лахъхъин байссар. ХIадур къабувну, ойрчаша най дунура диалогру сакин дан къашайссар, мунияту дуклаки ойрчахъхъун диалограл образец ва мукунма гиву ишла бансса махъру, яхши-хащрал махъру, междометияртту, гъалгъа бючIан бай махъру булун айкинссар. Хъуннасса къулагъас мукунна диалогирттал интонациялухгу дан айкинссар.

4-мур классравусса дуклаки ойрчIал диалогрансса тема личIи дайссар ягу га учительнал дулайссар.

Диалограл формалий ихтилат бан лахъхъин буллалийни, яла чIяруну хъунадакъайсса даврил журга суаллан жавабру дуллалисса давуртту хъанахъискар.

Методикалий диалограл формалий ихтилат бан лахъхъин буллалисса давуртту личIи-личIисса жуардайх дарчIун душиву ккаккан бувну бур: гъалгъа тIун хъхьичIисса (лархъхъусса материал гъалгъалуву ишла дан лахъхъин буллалисса) ва гъалгъа магъир буллалисса (дуклаки ойрчIру гъалгъа баврийн хIадур буллалисса). Дуклаки ойрчIру лакку мазрай гъалгъа тIунсса шартIру дарсирдай дузал дуллан айкинссар. Ца укунсса шартIну дарсирай личIи-личIисса тIуркIурду, щала классрал архIал дуллалисса давурттугу хъанахъискар. Дарсирдай мукунна дайссар личIи-личIисса

давуртту: суаллан жавабру дулаву, предложенияртту сакин даву, даххана ва лахъи-кутІа даву ва м.ц.

Диалограл формалийсса гъалгъа магъир баврил къайдарду методикалуу личІи дан ккаккан дурну дур тагъарданул журалух ва га ккаккан дайсса күщүх бурувгун:

1.Гъалгъалул тагъар мукъурттийну ккаккан даву.Масала, кІия дуклаки оърчI доскалучан буккан бувну, учительнал гайннахъун укунсса даву дуллай ур: «Зу кІичІираву хъунабавкъунну. Цукунсса ихтилат бантІиссия зу?»

2.ЧалачIи пособиялул кумаграйну тагъар ккаккан даву. Суратрай ккаккан бувну бур кІия куннашал кув бяс буллалисса оърчIру. «Гай оърчIан кІанай зу цукунсса ихтилат бантІиссия?— цIухлай ур учитель.

3.Дурккусса текстрал сюжетрайн бувну, тагъар ккаккан даву. Текстравусса кІия геройнал ихтилат дуклаки оърчIал баву.

4.Дарсирай хъусса иш гъануну лавсун, ккаккан баву. Масала, оърчI дарсирайн чал хъунни, учительнал ва ганал дянивсса ихтилат баву. Бувккусса луттирая ихтилат баву ва м.ц.

### **Саргъунсса гъалгъа магъир баву**

Мукъурттищалсса даврил хъуннав, предложенияртту сакин даврил хъуннав мурад дуклаки оърчIру махъру куннициун кув бавхIусса гъалгъа баврийн хIадур баву хъанахъиссар.

Махъру куннициун кув бавхIусса гъалгъану хъанахъиссар логикалул ва грамматикалул законнайн бувну сакин бувсса, цасса, цила тема дусса, къуртал хъусса пикри бувчIин буллалисса ва

кунниң үн кув бавхысса чиши-хъунса бүтірайх бачын бюхъайссада гъалгъа.

Байбихъулул классирттал методикалық маңызу кунниң үн кув бавхысса гъалгъалул укунса жуарду қкаккан бувну бур:

буллусса суаллан гъартасса жавабру дулаву;  
текстращал дуллалисса личи-личисса давуртту: бувккумунил анализацияның, грамматикалық материал лаһынъавриң үн дархысса;  
личи-личисса жуардай бувккумунил мурад бусаву;  
дуллусса темалийн ягу ахирданийн бувну, бусласисса хаварду;  
хаварду, назмурду ляһъан даву;  
эбратрансса текстрал изложение чичаву;  
учительнал дуллусса текстру дақылар, чичрулий бикіу  
даххана даву;

жура-журасса сочиненияртту чичаву;

бувккумуния, ххал хъумуния бусаву ягу чичаву ва м.ц.

Шикку кіиңі лагарду аымну лавсун байбихъулул классирттал дуклаки оырчыл махызу кунниң үн кув бавхысса гъалгъа магъир баврил чулухуннай дайсса давуртту. Гай личи-личисса жуардал дикілан айрынссар. Цаппара давуртту биттур дайссар дарсирай, учитель ялов авыңуну, цаппара – шарда. Дүссар давуртту дуклаки оырчыл әйнурға қала дайссагу, буллусса образецирін бувну, дайссагу.

Клай қинярдагу давурттал жуарарду дуласын дуклаки оырчылархын иширайну, теория дақынна дан.

Дуклаки оърчIал цайнура цаласса даврих бурувгун, саргъунсса гъалгъа магъир буллалисса давурттаву укунсса жуарарду личIи бан бюхъанссар:

- 1) образецрайн бувну, дан ккаккан дурсса давуртту;
- 2) конструктивныйсса давуртту;
- 3) творческий давуртту.

Вай жуарардаву яла хъунмур кIану творческий давурттал бугъайссар. Образецрайн бувну дайсса давурттуну хъанахъиссар изложенияртту, мурад бусаву, дакIих лавхъхъумур буккаву.

Конструктивныйсса давурттуну хъанахъиссар учительнал дуллусса текст даххана дуллалисса давуртту.

Махъру кунницIун кув бавхIусса гъалгъа магъир баву – му гайннаву цаппара балжисса бюхъурду хъун бавур. КлицI лаганну махъру кунницIун кув бавхIусса гъалгъалущал бавхIусса цаппара бюхъурду:

Цалчин, тема дурчIин, лаласун бюхъаву; язи дургъусса темалун айкинсса материал датIин кIулшиву, гивусса материал куннил хъирив кув дишин бюхъаву, ккаккан дурсса темалия чичин бюхъаву, чичлачимунийсса цала пикри бусан бюхъаву.

Килчин, му – материал датIин бюхъавур, яньни темалун айкинмур личIи дан бюхъаву. Темалун айкинсса материал личIи дайссар сочинение чичлачийни дакъассагу, изложение чичлачийнигу. Изложение чичлачийнигу тIайлану материал язи дугъан кIулну дикIан айкинссар: агъанмур личIи бан, личIи дурсса материал тIайлану чичин бюхъан, предложенияртту тIайлану куннил хъирив кув чирчуна, текстрал мурад ккаккан бан бюхъан.

Шамилчин, материал куннил хъирив кув тайлану дишин бюхъаву, пландалийн бувну, хавар бусан ягу изложение ва сочинение чичин бюхъаву.

Мукъилчин, ишла бан аркинсса махъру, бавхумахъру, предложениярту, текстрал бутри хадур бан бюхъаву, захиматсса махъру чичайсса күц ххал баву ва м.ц.

Ххойлчин, щала текст сакин дан бюхъаву. Махъва-махъгу, чивчумур бакъин, буюлан бан бюхъаву, гъалатру бакъин баву. Ва талавшинна так чичрулийсса гъалгъалийн дагълай дур, дакинихсса ихтилатраву гъалатру, тайла бакъамур вичи дирхуминнал, учительнал ягу дуклаки орчал бакъин байссар.

Вай бюхъурду гъарца махъру кунницун кув бавхусса гъалгъа бан лахъхин буллалисса давурттаву ишла бан аркинссар. Амма вай циняв бюхъурду архал дузал бан къашайссар. Мунихлуну гъарца орчлан махъру кунницун кув бавхусса гъалгъа бан лахъхин буллалисса дарсирай ганил мурад ккаккан бувну биклан аркинссар.

Дуклаки орчру сочинение чичин, хавар бусан хадур буллалийни, учительнан га даврил мурад, ганил орчлан лахъхин буллалимур ва цайми давурттаву ганил бугълагъисса клану балжину кулну биклан аркинссар.

Орчал кулшиву ва бюхъурду, чан-чанну тий, чиримуния хъунмунийн, бигъамуния захиматмунийн най, минул дянивсса дахиаву ккаккан дуллай, магъир шайссар.

Дакинихми давуртту чируну дуллан аркинссар. Дуклаки орчал махъру кунницун кув бавхусса гъалгъа магъир бавриву

хъуннасса агъамшиву дидактикалул принцип, лавхъхъумунил гъанулий цусса материал лахъхъаву, бигъамуния захIамтунийн бучIаву дуруччаврил дуссар. Мукунна ва даву мудан, гъарца дарсирай тIиссакссагу дуллан аркинссар.

Махъру кунницIун кув бавхIусса гъалгъа магъир баврил даву дайдишин аркинссар дуклаки оърчIан учительнал ккаккан дурсса темалия, затрая, суратрайн бувну, предложенияртту сакин дуллай, къуртал хъусса пикри бусан лахъхъин баврия. Хъиривмур ярглий оърчIан мюрщисса хаварду сакин буллан, суратрайн бувну, хаварду сакин буллан, бувккумунил кутIасса мурад бусан, щия-бунугу, ссая-бунугу бусан ва м.ц. лахъхъин бан аркинссар. Махъва-махъгу, дуклаки оърчIан ссал-бунугу ялув цала пикри бусан, бяс бан, бувчIин бан, ссал-бунугу кымат бишун лахъхъин бан аркинссар. Ялу-ялун дуклаки оърчIал бусласимунил лагругу хъун хъанан дикIайссар.

Монологral формалийсса саргъунсса гъалгъа бан лахъхъин буллаисса давурттал жуарардуну хъанай дур:

учительнал бувсъесса текстрал щаллуну мурад бусаву;

хавар сакин баву;

дурккусса ягу вичIи дирхъусса текстрал мурад суратрал ягу опорный (кумаг бай) мукъуртил кумаграйну бусаву;

дурккусса ягу вичIи дирхъусса текстрал мурад бусаву;

дурккусса ягу вичIи дирхъусса текстрал мурад, ци-дунугу даххана дурну, бусаву;

суратрайн бувну, хавар сакин баву;

учительнал дуллусса темалийн бувну, хавар сакин баву ва м.ц.

Дуклаки оърчIан, чан-чанну тIий, ссая-бунугу буслан лахъхыин бан айкинссар. Масала, оърчIру, суаллан жавабру дуллай, хавар сакин буллан бикIайссар. Яла гай жавабирттая хавар сакин байссар.

Дурккусса ягу вичIи дирхъусса текстрал мурад бусаву яла йяруну монолограл формалийсса гъалгъа магъир бавриву хъунадакъайсса даврил журану хъанахъиссар. Мурад бусаву личIи-личIисса жуардал дикIайссар: текстрачIан гъансса ва цала мукъурттийнусса мурад бусаву. Гъалгъа магъир баврин хъунмасса мюнпат цала мукъурттий мурад бусаврил буссар. Мурад бусаву цара-ца куццуй къадулланшиврул, дуклаки оърчIахъхун личIи-личIисса давуртту дуллан бучIиссар:

зула цIанияту текстрал мурад бусияра;  
душнил ягу оърчIал цIанияту мурад бусияра;  
ЧIун даххана дурну (цIанасса, ларгсса ягу дучIантIисса), мурад бусияра ва м.ц.

### **Хаварду сакин баву**

Дуклаки оърчIан хаварду (ягу текстру) сакин дуллан гъавалул тагъардануя, классраву хъусса иширая, дурсса давриясса ва м.ц. буслай лахъхыин байссар. Дуклаки оърчIан хавардануву агъанмур кIану ккаккан бан, га бувчIин бан кIулну бикIан айкинссар.

Хаварду сакин бан лахъхыин буллалийни, цаппара тIалавшиннарду дуруччин айкинссар:

учительнан цIусса материалданул ва тикрал хъанахъимунил ялув пикри бан айкинссар;

агар хавар, дуркүсса текстрайн бувну, сакин буллай бухьурча, текст ккалаккийни оырчал гиву агъанмур личи бувну, жям бан айкинссар ва бувккумуниясса цала пикри бусан айкинссар;

хавар сакин бан хъхыичI учительнал дуклаки оырчашал ихтилат байссар ва гиву ишла бансса махъру ххал бигъайссар;

учительнал ихтилат бувну махъ, оырчал цанная-цаннал гъарца зат жям бувну, хавар сакин байссар;

дуклаки оырчлан хаварду сакин буллан, ссая-бунугу буслан лахъхиншиврул, учительнал гъарца хавар сакин бан бюхъайсса, сант дагъесса чумал оырчру гай сакин буллали байссар.

Хъиривсса монолограл формалийсса гъалгъалул жур, ссая-бунугу бусаву, ссал-дунугу сурат даву (описание) хъанахъиссер.

Бусаву ягу ссал-дунугу сурат даву, ссая ягу щия-бунугу бусаву, ссая-бунугу биялну, щаллуну бусаву хъанахъиссер. Укунсса бусавуртту классравусса къай-къуйлуя, жанавартрая, хIайвантрая, лелуххантрая; инсаннал ларххусса янналуя, ганал сиппатрая; тIабильтрая, гъавалул тагъардануя; суратрая ва м.ц. дан бюхъайссар. Ссая ягу щия-бунугу бусланин, дуклаки оырчал хъхыичI кIива масъала бавцIуну бикIайссар – буслантIисса зат ххал шаву ва га мукъурттийну ккаккан дан бюхъаву.

Ссая-бунугу буслан хъхыичI, дуклаки оырчру ганин хIадур бан айкинссар: бусаву дан кумаг буллалисса суаллу хIадур бан, гиву ишла бансса махъру, бавхIумахъру тикрал бан, агар айкинну бухьурча, цусса махъру лахъхин. Ссая ягу щия-бунугу бусаву

дуллалийни, цал аымну гания бусайссар, яла бусласимуния щаллуну, биялну бусан аркинссар.

Ххуйну буслан лахъхиншиврул, ва даву цал щала классрал архIал дайссар, яла оърчIру цайнува цивппа дуллан бикIайссар.

Учительнал яла чIяруну бусаву дан суратру ишла дайссар. Дуклаки оърчIан, суратрайн бувну, хавар сакин бан 1-мур классрава байбивхьуну, лахъхин буллан аркинссар. Суратрайн бувну, хавар сакин буллалийни, оърчIахъхьун схема дулунгу бучIиссар. Гайннахъхьун лув ккаккан бувсса суаллу булун бучIиссар:

- 1) суратран цIа дизаву бувчIин бан ягу ганин цIа дизан;
- 2) суратрал композициялух къулагъас дан;
- 3) хавар сакин баврил план дан, гиву агъанмур личIи бан; предложениярту куннил хъирив кув дишаврил ялув пикри бан;
- 4) пландалийн бувну, хавар сакин бан.

4-мур классраву ниттил маз лахълахъийни, хавар бусаврил хъунмасса кIану бугълагъиссар. Хавар—му сюжет дусса, ссая ягу щия-бунугу бусласисса монолограл формалийсса гъалгъалул журап. Дуклаки оърчIру дуллусса темалийн бувну, суратрайн бувну, бувккумуния, ххал хъумуния бусласи бувну, ккаккан дурсса дайдихъулийн ягу ахирданийн бувну ва м.ц. хаварду сакин буллали байссар. Масала, гъинтнихасса текст дурккуну махъ, оърчIахъхьун дулайссар даву — гъинттул цивппа бигъалагаврия бусан. Гиву текстраву хъунабавкъусса махъру ишла байссар. Ва даву дуллалийни, дуклаки оърчIал муқъурттил луртан авадан хъанай дур, махъру ишла баву гъарта хъанай дур.

Хаварду сакин буллан личИи-личИисса, дуклаки оърчIал оърмулущал дархIусса темарду дулаван бучIиссар. Вай циняв давуртту оърчIан цала пикри лакку мазрай бусан лахъхин буллалисса, гайннал монолограл формалийсса гъалгъа магъир баву мурадрайсса дикIан аъркинссар.

Гъалгъа магъир бан ишла дайсса давурттаву яла агъанми журагардуну хъанахъиссар:

- 1) буккаву ва гъалгъа магъир баву;
- 2) гъалгъа магъир баврин хас дурсса давуртту ва грамматика лахъхъаву;
- 3)дакIнихсса ва чичрулийсса гъалгъа магъир баврин хас дурсса дарсру.

Буккаврил оърчIал гъалгъа магъир баврин хъуннасса агъамшиву дуссар. Ккалаккийни цIусса махъру зумух ласун лахъхъайссар, гайннул мяънарду кIул шайссар, гай ишла бан лахъхъайссар, мукъурттил луртан авадан шайссар.

Буккаву гъалгъа магъир баврил ца щаращину хъанахъиссар. Луттирду буккаврил оърчIал айкълу-кIулши, пикри камил байссар, цIу-цIусса затру кIул шайссар. Ганил кумаграйну оърчIал мукъурттил луртан авадан шайссар, мазрал грамматика лахъхъайссар. ЧIявшусса луттирду бувлакийни, маз магъир шайссар, ци-бунугу бусаврил бюхъурду магъир байссар. ЧIявуну ккалаккисса дуклаки оърчIан ххуйну букингу, чичингу лахъхъайссар.

Буккаву дархIуну дуссар личИи-личИисса гъалгъалул журагардащал: вичИи дирхъуну, маз лаласаврища, гъалгъа баврища

ва чичруулущал. Ккалаккимур бувчIаву ца агъамсса буккаврийнсса тIалавшиннану хъанахъиссар. Ккалаккисса чIумал оърчIан гъарца махъ, предложение, текстрал бутIрал мяньна ва щала текст ххуйну дурчIай дикIан айкинссар. Буккаврил мурад – щала текст ххуйну дурчIавур.

ТIайлану буккаву ца яла агъамсса, чара бакъа дуруччин айкинssa тIалавшиннану хъанахъиссар. Дуклаки оърчIан буккин лахъхъин буллалийни, хъуннасса къулагъас чIурду зумух ласаврих, мукъурттиву ударение тIайлану даврих дан айкинссар. Текст ккалаккийни оърчIру саргъунну, айкинssa кIанай бацIавурттугу дуллай, тIайлану ккалан айкинссар.

Дуклаки оърчIан литературийсса маз лахъхъин башиврul, лугъатирттайn бувну, xIасул хъусса гъалатIру бухлаган баврил ялувсса даву дачин дан айкинссар.

ОърчIан чичруулул лишанну дусса кIанай бацIан, цIуххай, оъвчай, бусай предложенияртту тIайлану зумух ласун лахъхъин баш айкинссар. Учительнал буккаву оърчIан эбратрансса дикIан айкинссар. Гъарца дуккин ккаккан дурсса текстравусса, дуклаки оърчIан къакIулсса мукъурттил мяньнарду дурчIин дан айкинссар.

Буклакимур оърчIан бувчIуну бурив ххал баш, учительнал суаллу буляссар. Гайннун жавабру дуллалийни, дуклаки оърчIал чIурду зумух ласаву ва гъалгъа магъир шайссар. Текстраву суаллан жавабру лякъин бангү бучIиссар, жавабру ляркъуну, гай дуккайссар. Ккалаккисса текст оърчIан дурчIиншиврul, захIиматсса махъру, предложенияртту дурчIин дан айкинссар. Дуклаки оърчIру куннащал кув диалогру, мюрщисса хаварду сакин буллали байссар.

Гъарца дарсирай гъалгъа баврил компетенция щаллу банssa давуртту дикIан айкинссар. Буккаврихъ оърчIал гъалгъа баврил компетенция щаллу бавриву хъунисса каширду дуссар. Ккалаккийни дуклаки оърчIал мукъурттил луртан авадан шайссар: гайннан цIусса махъру лахъхайссар, гай гъалгъалуву ишла бан лахъхайссар.

Буккаврищал дархIусса гъалгъа баврил компетенция хъун баврин хас дурсса давуртту личIи-личIисса дуссар: суаллан жавабру дулаву, суаллу булаву, план даву, бувккумунил мурад бусаву, мукъуртищалсса давуртту, дакIих лахъхаву, бувккумунийн бувну изложение чичаву.

Суаллан жавабру дакIих ва чичрулийну дулун бюхъайссар. 4-мур классраву суаллу учительнал ва дуклаки оърчIал буляссар. Суаллу оърчIан бувчинсса бикIан айкинссар, текстрал мурадращал бавхIуну, гай куннил хъирив кув булларча ххуйну хъунтIиссер. Цивппа суаллугу щаллуну жаваб дулун кунмасса бикIан айкинссар.

Учительнал оърчIан цала буллусса суаллан диялсса жавабру дулун, гайннун айкинсса махъру личIи бан лахъхин бан айкинссар. Гай суаллан жавабру дуллай, оърчIан предложенияртту сакин дуллан лахъхайссар. Суаллан жавабру дуллалийни, дуклаки оърчIан тIайлану предложенияртту сакин дан лахъхин баврих къулагъас дан айкинссар. Шикку оърчIан личIи-личIисса гъалгъалул бутIравун багъайсса махъру кунницIун кув бахIин лахъхин байссар.

Суаллан жавабру хIадур даврийну оьрчIан ккалаккимунил мурад куртIну бувчIайссар, гъарца мукъул мяньна ач дан кумаг байссар.

Суаллу булун жавабру дулуннияр захIиматссар. Дуклаки оьрчIан, бувккумунийн бувну, суаллу булун лахъхин бан аркинссар. Гай булун бучIиссар дуклаки оьрчIал, яла учительнал къатIайламур бакын байссар. Суаллу, ялу-ялун захIимат буллай, булун лахъхин байссар. Шикку учительнал суаллу булаврил интонациялухгу къулагъас дан аркинссар.

Бувккумунил план дуклаки оьрчIал ва учительнал архIал дайссар. Чан-чанну тIий, оьрчIан цайнура цала план сакин дангу лахъхин байссар. Байбихъулул школалий чIяруну план суаллайну сакин дайссар, лавайми классиртаву – бусай предложениярттайну. План дакIних сакин дайссар, яла га, дакынгу дурну, чичайссар.

Бувккумунил мурад бусаврил дуклаки оьрчIал гъалгъа магъир бавриву хъуннасса агъамшиву дуссар. Бувккумунил мурад бусаву чIяруну ишла дуллан аркинссар. Мурад бусласийни, оьрчIал махъру зумух ласаву магъир шайссар, мукъурттил луртан авадан шайссар, гай предложенияртаву ишла бан лахъхайссар. Дуклаки оьрчIан мурад бусан лавхъхууну махъ, мурад бусаву лицо даххана дурну, дайссар, масала, 1-мур лицорал цIанияту бусласисса текст 3-мур лицорал цIанияту бусан байссар.

## Мукъурттищалсса даву

Мукъурттишалсса давурттал оърчал гъалгъа магъир баврин хъуннасса агъамшиву дуссар. Гъарца юну лавхъхъусса махъ дуклаки оърчал ишла бай мукъурттил луртандалувун буххан айкинссар. Щусса махъру лавхъхъуну махъ, гай дакIнихсса ва чичрулийнусса гъалгъалуву ишла буллан лахъхъин айкинссар. Учительнал дуллалисса циняр давуртту, ккалаккийни лавхъхъусса махъру гъалгъалуву ишла буллай, дуклаки оърчиру вардиш буллалисса дикIан айкинссар. Укунсса давуртту дарсирайгу дайссар, мукунна шардайгу дулун бучIиссар. Гъалгъа баврил компетенция хъун баву мурадрай дуллалисса давурттаву юнил интонация магъир шаврих, чу лагъ-лахъ баврил чулухуннай, махъру тIайлану зумух ласаврих къулагъас дуллан айкинссар. Дуклаки оърчал предложениялул ахирданий чу лагъ бан ва аглан хъун айкиншиву бувчин бан айкинссар. Мура даву оърчиру бувккумунил мурад бусласийни ва суаллан жавабру дуллалийнигу дан айкинссар.

ДакIнихсса гъалгъа баву магъир шавтиву хъунмасса бияла буссар дарсирдай физкультминуткарду ишла даврилгу, хаснува чурду тIайлану зумух ласун лахъхъин бавтиву. Гай дан лагруул мюрщисса назмурду, лакрал халкъуннал саннарду, юргъамахъру ишла байссар. Дарсирдай бучIиссар ишла дуллан шинал юннан хас дурсса назмурду, масала:

*Пиягъру – иияллай,  
пиягъру – ххаллай.  
Чабувкра, чабувкра,  
арцул марххалай! (XI.КIурухов)*

*Жул Аъли ур  
Аъкълу бусса  
Жул Аъли ур  
Лап зирангсса. (Н.Юсупов)*

*Аълил оълин хIурмат бувна  
Оърчи арив оъл гъан бувна  
Оълил Аълин хIурмат бувна  
Бадра накIил буцIин бувна.*

**Оърчи оъл**  
*Жун ххирасса оърчи оъл  
Хъиртту тIивтIу бархху оъл  
Чумун бадра бурайсса  
Жун ххирасса оърчи оъл.*

*Оърчи лелуххантгу бур  
Интнил макъанну дуцлай,  
Бяълилул мурхъругу бур,  
Кияласса янна лахлай. (М. Давыдов)*

*Ттул – ттуукку,  
Ттууккул – ттатта,  
Була, ттаттай, ттухъхъун ттуукку,  
Бан гъаннача ттууккул үIу. (Р.Башаев)*

*KIи дуркIунни!  
KIи дуркIунни!  
КИя лахъсса ссавния,  
Паммалул парчри кунма,  
Пиягъру щяв зивзунни.*

*KIи дуркIунни!  
KIи дуркIунни!  
Гъав лавгунни зунттурду  
Кяла махмурданухъхъун  
Лавгунни лагма къурду. (Cc. Увайсов)*

*Ва кIулулуй, кIулулуй  
Щил бивкIура, кIулулуй?  
Къурнил къарал бувайssa  
Къурайзунал бивкIура.*

*KIулулу  
Ца кIулулу бивкIун бур  
КIункIурдувун буххан чай,  
КIункIурдуву диркIун дур,  
Амудадан диртssa май. (Б.Рамазанов)*

*Къюхъни суннил бакIрава  
Баллай бур ттун къакъаба  
Къихъгу бивкIун ца къахъну*

*Буслай бур мусил махъру. (Р.Башаев)*

*Къикъугу мусилсса,  
къикъу айнакIи.*

*Мусил ккунук байхту,  
къиркъи тIун бивкIри.*

*Гъинттул гъарал ларчIун  
Гъили дагъайссар  
Маршири, къур, зунтту, хъачI  
Щюлли лагайссар. (А.Омаршаев)*

*ХъункIултIумIи  
Хъун тIумIи  
Хъун илданун  
КIул тIумIий.  
ХъункIултIумIий  
Хъин тIумIий  
Хъин битан  
Дулаи тIумIий. (Р.Башаев)  
Вяркъу  
Вярхъ- вярхъгу тIий, ца вяркъу  
Хъяй бур хъюртул мурхъираЙ,  
Хъяхъаврил зяй бу хъюру  
Ча дуллай жул мулкирайх*

*Бачи, оърчирув, гъаннуча  
Хъюрурал жиспру дуциин,  
Аътилахъайх дарчыну,  
Лякьри дугълай хъяхъи бан. (К.Мазаев)*

*Чавахъулттил чаму  
Челмултран дуричун,  
Чев- чев тиусса чурдал  
Чюлуну дия.  
Чилагу дургъуну,  
Чигу бувцуну,  
Чиви оърчи левчуна  
Чилун чанчев бан*

*Чила гъуз ти дуллай,  
Чимучалт бугълай,  
Чиви оърчи ивуна  
Чилущал арив.  
Чун чал хъусса чумал  
Чиви оърчиачан  
Чаххувоърчи увклиуна,  
Чивигу ивклиун.  
(М.Махмадов «Чиви оърчи»)*

*Чев- чев тий дур клюрх,  
Чев-чев тий дур клюрх.*

*Цанни чIев- чIев тIucca,  
Челму кунна кIюрх?  
ЧIев- чIев тIий буну тIий,  
Чавахъултих мурхь.  
ЧIев- чIев тIий бур мурхь,  
ЧIев-чIев тIий бур мурхь.  
Га мурхь чIев-чIев тIucca  
КIуллив циваннив?  
ЧапIаяр чIявшса  
Челмулт бур ганий!  
(M.Аминов)*

*– Челмуй, челмуй,  
Чал чIумал  
Чавахъултий циссара?  
ЧIев- чIев тIий  
ЧукIри буллай,  
Гъалак циван бувкссара?  
(Б.Рамазанов «Челму»)*

*ЧапIи, чIанIи  
ШанчIанIи,  
ШанчIанIи– мукъва чIанIи.  
Да, Шамуй, вилгу дурив,  
«Мукъва» бивхъусса чIанIи? (M.-З.Аминов)*

*Читу бачла душлай бур,  
Бачлюх лажин дислай бур.  
Жун ххирар жула читу,  
Күлли къабитай читу. (А.Хусайнав)*

*Ва күлүлүй, күлүлүй  
Шил бивкюра, күлүлүй?  
Күрнил къарал бувайсса  
Къурайзунал бивкюра.*

*Ажари*

*Ва ажари, ажари,  
түннүү мусил ажари.*

*Тарал бактарых ририцесса,  
чыгюңгүмүл ажари.*

*Цулкүлүл балай*

*Ва хъугу ттуулари, ппенпперитI,  
Та хъугу ттуулари, ппенпперитI,  
Хъунил марыца ттуулари, ппенпперитI,  
Марыцайсса мурхь ттуулари, ппенпперитI.*

### ***Юргъамахъру (скороговорки)***

- 1.Ширии шашай Шамалай, шушири шюшай Шагъалай
- 2.Къужса къувай къав бихълай, къари къувал къар дахлай.
- 3.Ссурссу, ссурссу, ссурухIи  
ссувал ссурухIи ссихъу.
- 4.Чалсса чыумал чавахъулттий чиши оърчи ур чиллух луглай.
- 5.Гъанний гъайтIи гъайтIала

*ГъалгъатIи бай къавтIала*

*6.ШанбачIулий шанчIанIий*

*Ца чIанIи ттуйгу лачIи*

*7.Вин тIумIала тIумIивуЙ*

*ТИмур бай АтIал тIумIий!*

*8.Кумаг барапа БатIин*

*Хинча хъусса маз батIин*

*9.Жул ахъуву ахъвазан*

*Ачу инагу букан!*

*10.Буккукъай мусил балугъ—*

*Шанма мурад ттулгу бур!*

*11.ГюнгутIи бур гюргу тIий,*

*ОърчIайн дарсирайн оъвтIий.*

*12.Агъ, исвагъий пагъламан*

*Гъинтарав ххалуйх лечлан!*

*13.Дякъил ттаттал дарваграв*

*Цикссагу ссайгъатру бур.*

*14.ЧалачIи ба му чIали,*

*БучIанин чIимучIали.*

*15.Жанграг жазираЙ—*

*Жагъил жамичи.*

*16.Челму бур чIанIаву*

*Чев- чIев тIий чIалай,*

*Чюолу чIимучIали—*

*Чараав, чIавчIими.*

## **Мукъилчинмур классраву дидактикийсса тIуркIурду ишла баву**

Щусса педагогикалул технологияртту махъесса чIумал дарсирдай хъинну ишлану дур. Вай къайдарду ишла дуллалийни дуклаки оърчIал дарсирахсса, маз лахъхъаврихсса гъира лавай шайссар, дарсругу оърчIан хIаз дизанну, дакIний личIанну лагайссар. Укунсса журагул дарсру ишла дуллалийни, дуклаки оърчIал айкълу-кIулши ларай дайссар, дуккаврихсса гъира багъайссар. Ва журагул дарсру ишла давриву дуруччин айкинсса тIалавшиннардугу дуссар. Ми хъанахъиссар:

1.Щала материал ва журагий дуклаки оърчIан дурчIин дан къабюхъайссар, яъни циняр дарсру укунсса дишин къабюхъайссар.

2.Укунсса журагул дарсирдайн хIадур хъунсса чIун учительнангу, мукунна дуклаки оърчIангү дикIан айкинссар.

3. Ва журагул дарсру хъхъичIра хIадур дурсса дарсру хъанахъиссар.

ТIуркIулул технология байбихъулул классирттаву хъинну ишлану дур.

Га къайдалул яла чIяруну хъунадакъайсса форма дидактикийсса тIуркIурду хъанай бур. Гай ишла баврия махъесса чIумал чIярусса давуртту чирчуну дур, байбихъулул ва лавайми классирттаву ишла бен ккаккан бувну бур. Хаснуре хъуннасса агъамшиву тIуркIурду байбихъулул классирттаву ишла бавриву душиву ккаккан дурну дур.

А. С. Макаренко тIуркIу ишла баврил хъуннасса агъамшиву душиву ккаккан дуллай ур. «Ххуйсса тIуркIу – ххуйсса давриха,

оъккисса тIуркIу – оъккисса давриха лавхъхъусса бикIайссар. Гъарца тIуркIулуву пикри бансса кIантту бикIайссар» [9, л.374].

ТIуркIу оърчIал даврил ца жура хъанахъискар. Ганил оърчIру тарбия бавриву хъуннасса агъамшиву дуссар. ТIуркIурдал дарсирахсса гъира лавай байссар, дарс дуклаки оърчIан хIаз дизанну лагайссар, лархъхъумур дакIний личIан кумаг байссар ва гъалгъа магъир баврин гайннүя хъунмасса мюнпат буссар. Дарсирай буллалисса личIи-личIисса тIуркIурдал оърчIал дарсирахсса гъира лавай байссар.

ТIуркIулул формалий лархъхъусса материал оърчIан ххуйну дурчIайссар ва дакIний личIайссар. ТIуркIулуву дуклаки оърчIал лахълахъисса материал лахъхъин бигъа шайссар. Жура-журасса тIуркIурдал кумаграйну лархъхъусса материал юлакь дурну, тикрал дан бюхъайссар.

Ниттил мазрал дарсирдай личIи-личIисса тIуркIурду ишла баврил оърчIал гъалгъа магъир байссар, гайннал мукъурттил луртан авадан дайссар ва маз пасихI байссар.

Мазращал бавхIусса тIуркIурдаву пикри буллансса кIанттурду бикIайссар. Гай дуклаки оърчIан хIаз бизансса ва за лахъхъин буллалисса бикIан айркинссар.

ТIуркIурду жура-журасса бикIайссар: суратирттал кумаграйну байсса ва суратру дакъа байсса.

ТIуркIулуву дуклаки оърчIан, цайра цурдану гъалгъалун айркинssa материал, баллалимур тикрал буллай, дакIний личIайссар. Агар тIуркIурдал элементру тIайлану ишла булларча,

оърчIал дарсирахсса гъира лавай байссар ва гайннал гъалгъа баврил даву чялиш дайссар.

ЛичIи-личIисса тIуркIурдал жура-журасса темардайн багъайсса саргъунсса гъалгъа бан лахъхыин бан кумаг байссар.

Учительнан тIуркIурду баврил методика кIулну дикIан айркинссар. Дарсиral план дуллалийни, ганий лахълахъисса темалийн багълагъисса дидактикийсса тIуркIу, ганин ккаккан дуллалисса чIун ва айркинсса чIалачIи пособиярту ккаккан бувну бикIан айркинссар.

ТIуркIурду личIи-личIисса журалул дарсирайдай ишла буллан бучIиссар: цIусса материал дурчIин дуллалисса дарсирай, лавхъхъумур жям, цIакъ, тикрал буллалисса дарсирайдай. Гай мазрал личIи-личIисса бутIри лахълахъийни ишла байссар, гайннуж хъунмасса мюнпат дуклаки оърчIал гъалгъа магъир баврин буссар. Лув ккаккан банну цаппара тIуркIурду.

**Махъру дакIини бичаву.** Учительнал ягу цума-унугу ца оърчIал цумур-бунугу ца чIу зумух ласайссар. Масала, кI, дуклаки оърчIал ва чIуния байбихълайсса ягу ва чIу бусса махъру учин айркинссар: кIула, кIулу, кIункIур, кIану ва ц. Махъру тикрал буллан къабучIиссар.

**ТIуркIу - ссигъя.** Учительнал ца оърчI доскалучIан изан айссар ва лагъну, махъминнан къабаянну, дакIний бивтусса махъ бусайссар. Масала: дакIний бивтунни аньакIи тIисса махъ. ДоскалучIасса, тIуркIу бачин бувсса оърчI цIухлай ур: Ва цир? Дуклаки оърчIал махъру ляхъян байссар, масала, лу. ТIуркIу бачин бувма тIий ур: «Ва лу бакъар.» Ххув шайссар дакIний бивтусса

махъ бувчIума. Агар махъ бувчIирча, га тIий ур: «Тайлассар. Ва аньакIи бур.» Шиккува бучIиссар существительнирацIун ганил хасият ккаккан дуллалисса прилагательнирдугу буцин.

### **ТIуркIу «Поле чудес (аьламатирттал хъу)»**

Доскалий укунсса рамка бан.↑

- Ва мукъуву цими xIарп дур?(8) «ахънилсса» тIисса темалува. Циняннал ца-ца xIарп буслай, тIайлану увкуманан карточка дулайссар ва щала махъ сакин байссар. Му мукъущал предложение сакин дурнангу «очко». Ва тIуркIулул кумаграйну чимур тема тикрал дан шайссар, оьрчиругу хъунмасса гъираращал гъуртту шайссар.

### **ТIуркIу «Звездный час»**

Ккаккан бувсса мукъувусса xIарпру ишла дурну, цIусса махъру сакин бан. Масала: ххалабакIу, ва мукъувусса xIарпру ишла дурну, цIусса махъру сакин бан: ххулу, ххуллу, бакI, бакIу, ххал, кIула, кIулу, бала, ула ва м.ц. ЧIявусса махъру сакин бан бюхъаншиврул, ца xIарп кIийла ишла дангу бучIиссар. Ххув шайссар чIявусса махъру сакин бувма. Шиккува бучIиссар мукъуртища предложенияртту, хаварду сакин буллан ва цаймигу давуртту дуллан.

### **Махъру сакин баврин хас бувсса тIуркIу**

Ккаккан дурсса xIарпирдал кумаграйну цIусса махъру сакин бан. Масала: а, и, у, оь, р, т, тI, чI, кI, л: оьл, оьрту, чIила, чIира, чIи, ратI ва ц. Ххув шайссар чIявусса махъру сакин бувма.

## **Түркіу «Ляқъияра ва тұтқул күңіаву лабивкісса махъру»**

(тұтқул күңіал сурат дан ва гиву харпру чичин). Гай харпирдал кумаграйну, тұтқул күңіаву лабивкісса махъру ляқъин, гайннущал предложенияртту, хавар сакин бан.

Кару, ламу, дару, ка, дукра, ччаті, катіри, тәма, лу, чтар, мала, тұул ва м.ц.

Вай түркіурдал кумаграйну личіи-личісса темарду тикрал дан бюхъайссар. Вайннул дуклаки оырчіал мукъурттил луртан авадан, гъарта дайссар, гайннал гъалгъа магыр байссар ва дарсирахсса гъира лавай байссар.

## **Түркіу «Махъру баххана баву»**

Ккаккан бувсса мукъурттиву ца харп даххана дуллай, үзессе махъру сакин байссар. Масала: «къаз» кұрабаен бан айкинни «пилланийн», къаз- къал- пал- пил ва м.ц.

**Ххачамахъру (кроссвордру)** ишла баву дарсрай ва классрал къатіувсса давриву.

лахъисса чара (кіз)

лелуххи (хъхы) ва м.ц.

## **Чархханахъру**

Хъхычісса ягу ахирданисса ца харп ххи-chan дурну ягу даххана дурну, цамур мяъналийн бучайссса мукъурттийн чархханахъру учайссар. Масала:

*1. Ттул бакірай **Б** бухъурча,  
бюхттүлнийх леххаймурда.*

**Б** бувкъун, **Л** бишиирча,

къатри чюолу даймурда.

*Барзу – ларзу*

**2** **Д** хъхьичI буну учирча,

на неххайх микI бакъайссар.

**Д** бувкъун, **В** бишиирча,

ттуя лелуххи шайссар.

*Дяркъу – вяркъу*

### **ТIуркIу «Цуманан чIявусса махъру кIулну бурив?»**

Ца хIарп ххи-чан дуллай, цIусса махъру сакин бан. Масала,  
*дарс-арс, кыни-ини ва ү.*

Ца хIарп даххана дурну, цIусса махъру сакин бан: *нагъ-нигъ,*  
*нагъ-накI ва ү.*

### **ТIуркIу «БавхIумахъру ва предложенияртту сакин даву»**

Учительнал цумур-бунугу ца махъ учайссар, дуклаки оърчIал  
ганищал бавхIумахъ ягу предложение сакин дан айкинссар.

### **ТIуркIу «Лякъияра «ххишаласса» махъ»**

*ЛухIусса, кIяласса, щюллисса, хъахъисса, някIсса, ятIулсса,*  
*банавшасса, щяикIан.*

Вай мукъурттиву «ххишаламур» махъ лякъин айкинссар ва га  
циван хъанахъиссарив «ххишаласса» махъ бувчIин байссар. Ва  
тIуркIу ишла байссар гъалгъалул бутIри, мукъул бутIри  
лахълахъийни.

**Дуклаки оърчIал чичрулийнусса гъалгъа баврил  
компетенция хъун баву**

Чичрулийнусса гъалгъа магьир бан дакIнихмурнияр захIматссар.

Дуклаки оърчIал чичрулийнусса гъалгъа баврил компетенция хъун бан дуллалисса давуртту личIи-личIисса дуссар: урувгун чичаву, мукъурттил диктантру, диктантру, суаллан жавабру дулаву, предложенияртту ва хаварду сакин баву, изложенияртту, сочиненияртту ва м.ц. Байбихъулул классирттал методикалуу махъру куннициIун кув бавхIусса чичрулийнусса гъалгъалул укунсса жуарарду ккаккан бувну бур:

- буллусса суаллан гъартасса жавабру дулаву;
- текстрашал дуллалисса личIи-личIисса давуртту: бувккумунил анализрациIун, грамматикалул материал лахъхъаврициIун дархIусса;
- личIи-личIисса жуарадай бувккумунил мурад чичаву;
- дуллусса темалийн ягу ахирданийн бувну, хаварду сакин баву;
- хаварду, назмурду ляхъан бувну, чичаву;
- эбратрансса текстрал изложение чичаву;
- учительнал дуллусса текстру чичрулий даххана даву;
- жура-журасса сочиненияртту чичаву;
- бувккумуния, ххал хъумуния чичаву ва м.ц.

Дуклаки оърчIал цайнура цаласса даврих бурувгун, саргъунсса гъалгъа магьир буллалисса давурттаву укунсса жуарарду личIи бан бюхъанссар:

- 1) образецрайн бувну, дан ккаккан дурсса давуртту;
- 2) конструктивныйсса давуртту;

3) творческий давуртту.

Вай жуардаву яла хъунмур кІану творческий давурттал бугълагъиссар. Образецрайн бувну, дайсса давурттуну хъанахъиссар изложенияртту, жура-журасса текстру сакин даву.

Конструктивныйсса давурттуну хъанахъиссар учительнал дуллусса текст даххана дуллалисса давуртту.

Махъру кунницIун кув бавхIусса гъалгъа магъир баву – му гайннаву цаппара балжисса бюхъурду хъун бавур. КIицI лаганну махъру кунницIун кув бавхIусса гъалгъалущал бавхIусса цаппара бюхъурду:

Цалчин, тема дурчIин, лаласун бюхъаву; язи дургъусса темалун аркинсса материал датIин кIулшиву, гивусса материал куннил хъирив кув дишин бюхъаву, ккаккан дурсса темалия чичин бюхъаву, чичлачимунийсса цала пикри бусан бюхъаву.

КИилчин, му – материал датIин бюхъавур, яни темалун аркинмур личIи дан бюхъаву. Темалун аркинсса материал личIи дайссар сочинение чичлачийни дакъассагу, изложение чичлачийнигу. Изложение чичлачийнигу тIайлану материал язи дугъан кIулну дикIан аркинссар: агъанмур личIи бан, личIи дурсса материал тIайлану чичин бюхъан, предложенияртту тIайлану куннил хъирив кув чирчууну, текстрал мурад ккаккан бан бюхъан.

Шамилчин, материал куннил хъирив кув тIайлану дишин бюхъаву, пландалийн бувну, хавар бусан ягу изложение ва сочинение чичин бюхъаву.

Мукъилчин, ишла бан айкинсса махъру, бавхIумахъру, предложениярту, текстрал бутIри хIадур бан бюхъаву, захIиматсса махъру чичайсса күц ххал баву ва м.ц.

Ххюйлчин, щала текст сакин дан бюхъаву. Махъва-махъгу, чивчумур бакъин, бючIан бан бюхъаву, гъалатIру бакъин баву. Ва тIалавшинна так чичрулийсса гъалгъалийн дагълай дур, дакIнихсса ихтилатраву гъалатIру, тIайла бакъамур вичIи дирхъуминнал, учительнал ягу дуклаки оърчIал бакъин байссар.

Вай бюхъурду гъарца махъру кунницIун кув бавхIусса гъалгъа бан лахъхыин буллалисса давурттаву ишла бан айкинссар. Амма вай циняв бюхъурду архIал дузал бан къашайссар. Мунихлуну гъарца оърчIан махъру кунницIун кув бавхIусса гъалгъа бан лахъхыин буллалисса дарсирдай ганил мурад ккаккан бувну бикIан айкинссар.

Дуклаки оърчIру сочинение чичин, хавар сакин бан хIадур буллалийни, учительнан га даврил мурад, ганил оърчIан лахъхыин буллалимур ва цайми давурттаву ганил бугълагъисса кIану балжину кIулну бикIан айкинссар.

ОърчIал кIулшиву ва бюхъурду, чан-чанну тIий, чIиrimunia хъунмунийн, бигъамуния захIиматмунийн най, минул дянивсса дахIаву ккаккан дуллай, магъир шайссар. Вай давурттал дуклаки оърчIал гъалгъа авадан бувну, магъир бан, мукъурттил луртан гъарта дан кумаг байссар, грамматикалул материал ишла дуллан лахъхыин байссар.

Хъиривсса монолограл формалийсса гъалгъалул журга ссая-бунуугу бусаву, ссал-дунуугу сурат даву (описание) хъанахъиссар.

Бусаву ягу бувсун сурат даву, ссая ягу щия-бунугу бусаву, ссая-бунугу биялну, щаллуну бусаву хъанахъискар. Укунсса бусавуртту классравусса къай-къуйлуя, жанавартрая, хIайвантрая, лелуххантрая; инсаннал ларххусса янналуя, ганал сипатрая; тIабиальтрая, гъавалул тагъардануя; суратрая ва м.ц. дан бюхъайссар.

Ссая ягу щия-бунугу бусланнин, дуклаки оърчIал хъхьичI кIива масъала бавцIуну бикIай – бусантIимунил сипат хъхьичI дацIан даву ва га мукъурттийну ккаккан дан бюхъаву.

Ссая-бунугу буслан хъхьичI, дуклаки оърчIру ганин хIадур бан айкинссар: бусаву дан кумаг буллалисса суаллу хIадур бан, гиву ишла бансса махъру, бавхIумахъру тикрал бан, агар айкинну бухъурча, цIусса махъру лахъхыин. Ссая ягу щия-бунугу бусаву дуллалийни, цал аймну гания бусайссар, яла бусласимуния щаллуну, биялну бусан айкинссар.

Ххуйну буслан лахъхыиншиврул, ва даву цал щала классрал архIал дайссар, яла оърчIру цайнува цивппа дуллан бикIайссар.

Мукъилчинмур классраву дан бучIискар лув ккаккан дурсса дуклаки оърчIал махъру кунницIун кув бавхIусса гъалгъа магъир буллалисса чичрулийнусса давуртту:

суаллан жавабру дулаву (суратрайн бувну, дурккусса текстрайн бувну, ххал хъумунийн, ккавкмунийн бувну ва м.ц.);

хаварду ягу текстру сакин даву (суратрайн бувну, ххал хъумунийн, ккавкмунийн бувну, дуллусса темалийн бувну ва м.ц.).

жура-журасса изложенияртту чичаву (щаллусса, кутIасса, сочинениялул элементру дусса);

сочиненияртту: суратрайн бувну, ссая-бунугу бусласисса; дуллусса темалийн бувну, дурккусса текстрал, хаварданул чулухунмайсса цала пикри бусласисса. Сочинениярттал конкурсраву гъуртту хъанахъаву.

### **Предложенияртту сакин даву**

Дуклаки оърчлан предложенияртту сакин дуллан лахъхын дайссар. ХъхьичI ппурттуву сакин дурсса предложенияртту бигъасса, кутIасса дикIайссар. Гай ялу-ялун захIмат хъанан дикIайссар. Предложенияртту сакин дан лахъхын даву— му захIматсса давур. Предложенияртту дакIних сакин дайссар, гай оърчлащал ххал дайссар, яла доскалий ва тетрадирттай чичайссар. Предложениярттащалсса даврил агъамшиву ккаккан дуллай, профессор В. М. Чистяков чичлай ур: «Предложение лахъхъаву гъалгъа магъир баврил гъану бизаву ва щала гъалгъа магъир баврил гъануну хъанахъиссар. Агар мукъурттияту бигъану предложенияртту сакин дан хъанай духъурча, гайннул кумаграйну лагмасса оърму ва учин ччимур, цала пикри тIайлану, дурусну чичрулий ягу дакIних ккаккан бан бюхълай бухъурча, гукунсса инсаннан лахълахъисса мазрал гъану, вирдакI лархъхъуну, бакIравун лаларсун дикIайссар. Гайннул кумаграйну маз ишла буллан бюхъайссар»[23, л.213].

Предложенияртту сакин дан бюхъаврил дуклаки оърчIал дакIнихсса ва чичрулийнусса махъру кунницIун кув бавхIусса гъалгъа бан лахъхын бавриву ва га магъир бавриву хъунмасса Iлану бугъайссар. Так тIайлану предложенияртту сакин дан

лархъхъуунни, оърчлаща маҳъру куннициун кув бавхIусса гъалгъа  
бан бюхъантIисса.

### **Суаллан жавабру дулаву**

Чичрулий суаллан жавабру дуллан хъхьичI, га даву дакIних  
дурну

дикIан айкинссар. Оърчла жавабирттаву гъалатIру бухъурча,  
учительнал гай бакъин бувну, бувчиин бувну, чичрулийн хIадур бан  
айкинссар. Агар суаллан жавабру дуллалисса даву дакIних цил  
багъайкун дурну духъурча, му чIумалли дуклаки оърчла дакIнихсса  
бикIу, чичрулийнусса бикIу гъалгъа магъир шайсса ва чичруул  
бюхъурдугу лавай шайсса.

Дуклаки оърчла чичрулийнусса гъалгъа магъир бавриву  
хъунмасса кIану изложениялул ва сочинениялул бугълагъиссер.  
Изложение ва сочинение дикIайссар лахъхин байсса, учительнал  
кумаграйну дайсса, чичайсса куц ккаккан буллалисса, кIулшиврул  
ва бюхъурдал даража ххал буллалисса.

4-мур классраву личIи-личIисса изложениярту дайссар:  
текстрачIан гъансса, кутIасса, язи дургъусса, текстрал ялун ци-  
бунугу ххибувсса.

Изложение – му чичрулийнусса бусавур. Му захIматсса давур,  
оърчIру изложение чичлай вардиш бан айкинссар.

Программалул тIалав дуллай дур 4-мур классравусса  
оърчлащал 85-90 маҳъ бусса изложение дан. Изложение –му хъинну  
захIматсса даврил жура хъанахъиссер, мунияту изложение учитель  
ялув авцIуну даван айкинссар. Текст бигъасса, оърчла оърмулуха  
лархъхъусса, хIазсса, дакIний личIансса дикIан айкинссар.

Дуклаки оърчIал изложение ххуйну чичавриву учительнал хъунмасса бияла буссар. ОърчIан ххуйну дурчIуну дикIан айкинссар дантIисса даву, га биттур дансса күц, гай чичруулул даву биттур дан хIадурну бикIан айкинссар.

Изложениялул план циняннал цачIу сакин дурну дикIан айкинссар.

Изложение диктантрая сочинениялийн буқIакIисса шачIануну хъанахъиссар. 4-мур классраву дуклаки оърчIан изложение чичин лахъхьин даву бувкүсса чIивисса, бигъасса хавар дакIих бувсун, яла га чичлачи байссар. Га чичин лахъхьиншиврул предложениярту сакин дуллан, текстравусса махъру къабивхъуну къабивтсса кIанттурду буцIин буллан лахъхъайссар. ЦIубутIуй дуркүсса текстрава дакIих ца-ца предложение чичин маслихIат байссар.

Яла бигъамур изложениялул жур - му диялсса, текстрачIан гъанну чичайсса изложенияр. Диялну изложение дуллалийни, ганиву авторнал циняв гъануми пикрирду бусан айкинссар, гиву ккаккан буллалисса куццуй, цанил хъирив ца хъусса ишру, чIун ва м.ц. чичин айкинссар. Ва журагул изложениялул дуклаки оърчIал памятьрал даражка лавай байссар, гъалгъа магъир байссар, мукъуртил луртан авадан дайссар.

КутIа дур изложениялул мурад текстрал мурад кутIану бусаву хъанахъиссар. ОърчIан текстраву гъанумур, агъанмур личIи бан лахъхьин бан айкинссар. Гайннан авторнал гъарца мукъул мяъна, ганал пикри бувчIин бан айкинссар. Учительнал дуклаки оърчIаштал щала текстрал разбор дайссар, гай махъру баҳхана бан

бюхъайсса даражалийн буцайссар, кув предложенияртту кутла дуллай, мукъуртил низам даххана дуллай ва м.ц. Ва журагул изложение дан лахъхыиншиврул оърчлан текстрал кутласса мурад бусан лахъхин байссар. Ганил дуклаки оърчиру кутла дур изложение чичаврийн хадур байссар.

Текстрал ялун ци-бунугу ххибувсса изложенияртту мукъилчинмур классравугу дайссар. Ва журагул изложение личИ-личИну дан бюхъайссар, масала, дуллусса дайдихъулийн бувну, текст къуртал дан, ягу текстраву бусласимунил чулухунмайссца цала пикри бусан ва м.ц.

Учительнан изложенияртту даврил методика кулну диклан айкинссар, ккаккан банну цаппара учительнал къулагъас дан айкинssa кланту:

1) Учительнал хъхьичИмахъ. Учительнал, лахъи лаган къабувну, кутлану бувчинин бан айкинссар даврил мурад ва га дансса куц.

2) Текст дуккин хъхьичI, дуклаки оърчищал текстрал цанил ялув, ганил мурад ххуйну бувчиншиврул ихтилат бан айкинссар.

3) Учительнал дурчинну, дюхханну текст дуккин айкинссар. Га дуркуну махъ, оърчлан захматсса махъру ва калимарти дурчин дайссар ва гай доскалий чичайссар. Мукъуртищалсса даврил хъуннасса агъамшиву дуссар. Учительнан бучискар яла агъанми, гъануми махъру, калимарти, предложенияртту дусса карточкарду хадур дурну, хъхарами оърчахъхъун дулун.

4) План учительнал ва дуклаки оърчIал архIал дайссар. Мюрщисса текстирдал изложение план дақъаннагу чичин бучIиссар.

5) Изложение чичланнин, дақIих ганил мурад бусан буллай, текст диялну дурчин дан айкинссар, яъни дуклаки оърчIру изложение чичин хIадур дан айкинссар.

Планну даврил личIи-личIисса журагарду дуссар: цIуххаврил ва бусаврил предложениярттал журалий, заголовокрал журалий сакин дурсса. Чан-чанну тIий, оърчIру личIи-личIисса журалий планну даврищал дус дан айкинссар. Дуклаки оърчIан яла бигъамур журану суаллал журалиймур план хъанахъиссар. Ганияту изложениялунсса планну дан лахъхин буллалаву дайдишингу багълай бур.

Учительнал оърчаштал творческий изложениярттугү дан бюхъайссар. Укунсса изложенияртту бусласиманал лицо даххана дурну ягу цума-унугу ца геройнал цIанияту дайссар. Вай давуртту дуклаки оърчIал цал дақIих, яла чичрулийну дайссар.

ОърчIахъхун мукунна гайннан кIулсса магълул дайдихъу дулун бучIиссар, ахир гайннал ляхъан дан айкинссар.

*Ца къини цулчIа бивкIун бур хъинну ккашилгу хъуну, дуканмунил хъирив бувккун. Авлахърай ххал хъуну бур ца уттуллул парча. Бурувгун бур лагмавагу, уттуллул лув ххал хъуну бур къатIа.*

Чичрулийнусса гъалгъа дақIихмунияр захIматссар, гиву ганин хасъесса нормарду дуруччин айкинссар. Циняв давуртту дуклаки оърчаштал цал дақIих дан айкинссар, так дақIих гайннан ххуйну лархъхуну маҳъ, дан айкинссар чичрулийну.

Муқылчинмур классраву чіяруми изложенияртту лахъхын буллаисса дикійссар.

Программалийн бувну, 2 контрольный изложение дан ккаккан дурну дур.

### **Сочиненияртту чичаву**

Лакку маз пасихІну лахъхын бавриву, чичрулийнусса гъалгъа магъир бавриву хъунмасса мюнпат сочиненияртту чичаврилгу буссар. Миннул мурад махъру кунницІун кув бавхІусса гъалгъа магъир баву, оърчІан цала пикри, асар хъумур бусан, яргну ккаккан бан бюхъаву хъанахъиссер. Дуклаки оърчІру сочинение чичаврийн хІадур башиврул, гай хъуни бакъасса хаварду, магъри бусласи байссар.

Сочинение – му оърчІал бюхъу, пикри, маз магъир буллаисса давур. Га чичлачийни, махъру, калимаррту ва предложенияртту язи дугъайссар, орфография ххал дигъайссар.

Сочиненияртту, материалданух, хІадуршиннарах, жанралух ва мазрах бурувгун, личІи-личІисса дикійссар.

Материалданух бурувгун, гай дикійссар: 1) цанма ккавкмуния, хъирив бавцІуну кІул хъумуния чирчусса; 2) луттирдая ларсъесса материалдания чирчусса; 3) личІи-личІисса кІанттурдая ларсъесса материал дусса (луттирая ва цува хъирив авцІуну кІул хъумургу айрекин байссар).

ЛичІину кІицІ лаган багълай бур: сюжет дусса суратрая, учительнал дайдихъу ягу ахир дуллуну чичайсса сочиненияртту.

Хадуршинна даврил методирттах бурувгун, сочиненияртту дикійссар щала классрал әзірлеу хадургу дурну, аымса темалия чичайсса ва әзделүсса сочиненияртту.

Жанрадах бурувгун, махъру күнниңін күв бавхыусса текстүрү хавар бусласисса, ссал-дунугу сурат дуллалисса ва әзлемур пикри бусласисса дикійссар.

Темардах бурувгун, сочиненияртту личі-личісса дикілан буюхъайссар. Дуклаки ойрочаңызғын личі-личісса темарду дулун бучіссар: шинал чікен(гыи, инт, кіи, ссут), гыннелі ойрочы бигъалагавриясса, ссуттилсса инсантурал ойромулия, хайвантрай, буттал қанттуюсса ва ц.

Сочинениялуда мурад пикри әзделүсса сочинение чичайссар. Учительнал сочиненияртту чичлан лахъынин баштапка айрынссар. Байбихъулул классирттаву яла чіярунүү хавар бусласисса, сая-бунугу бусласисса сочинение чичайссар. Хавар бусласисса сочинение суратрайн ягу суратирттайн бувну, экскурсиялийн лавгасса чіумалсса дуклаки ойрочал хъиривбаңызғын бувну, чичин бучіссар. Ойрочлан сочинение чичин лахъыншыврул, гай дақінін хаварду сакин буллали байссар. Сочинение литературийсса буккаврил дарсирдай раздел лархъынун махъыгү чичайссар.

Ойрочлан әзделүсса темалия ихтилат буллан, тайлану предложенияртту сакин дуллан, хаварду буслан, темарду язи дугълан лахъынин буллан айрынссар.

Сочинение чичлачийни укунсса кIанттурдах къулагъас дан айркинссар:

- 1) учительнал оърчIашалсса ихтилат;
- 2) сурат ххал даву;
- 3) учительнал сакин дурсса пландалул ялув пикри баву;
- 4) суратрай ккаккан дурмунил ялув пикри баву;
- 5) доскалий чивчусса ишла бансса мукъурттил ва предложениярттал кумаграйну хаварданул бутIри сакин баву;
- 6) суратрайн ягу пландалийн бувну, сакин бувсса хаварданул мурад бусаву;
- 7) сочинение чичаву.

Дуклаки оърчIан сочиненияртту чичлан лахъхиншиврул дулун бучIискар даву: ккаккан дурсса темалийн бувну, хавар сакин бан, масала, «Ниттин кумаг баву». Сочинениялуу ишла бансса махъру ва предложенияртту оърчIашал га чичлачаврин буч1аннин хъхьич1ва ххал бигъайссар. Гайннул кумаграйну оърчIал хавар сакин байссар.

Байбихъулул классирттаву мукунна ссал-дунугу сурат дуллалисса сочинениярттугү дайссар. Цалчинмур классрава байбивхъуну, мюрщисса ссал-дунугу ягу щил-дунугу сурат дуллалисса сочинениярттугү дайссар.

Учительнал ссал-дунугу сурат дуллалисса сочиненияртту чичлан лахъхин буллан айркинссар. Ва журагул сочинение чичлачийни, учительнал план сакин дайссар, дакIнихсса гъалгъалунсса суаллу хIадур байссар, ишла бансса махъру ва предложенияртту личIи дайссар, гайннушталсса даву дайссар.

Укунсса журагул сочинение чичлачийни, ЧЯвуну прилагательнирду ишла байссар, гайннущалсса даву дайссар.

Ссал-бунугу ялув цала пикри бусласисса сочинение текст дурккуну махъ дайссар. Шикку дуклаки оърчIан ссал-бунугу ялув цала пикри бусан лахъхыин бан айркинссар. Ссал-бунугу ялув цала пикри бусласисса сочинение чичин лахъхыиншиврул, 4-мур классрансса учебный пособиялуу учаларттал мяньна дурчIин дансса, учаларттайн бувну, сочиненияртту чичинсса давуртту дуллуну дуссар.

ЧЯвусса махъру кунницIун кув бавхIусса гъалгъа магьир буллалисса давуртту дан хъунтIиссар классраву дурккусса текстрацIун дархIусса, масала, урвугун чичаву, суаллан жавабру дулаву, дакIихсса чичру, изложение, текстрал план даву, дурккусса текстрацIун бакъайсса учалартту буцеву, текстрал ца бутIа оърус мазрайн таржума баву ва ц.

Байбихъулул классирттаву хавар бусан ва сочинение чичин хIадур хъанахъийни, чара бакъа план дан айркинссар. План—бусантIисса хаварданул «проектри», ганил хахри. Га дакъа махъру кунницIун кув бавхIусса гъалгъа бан захIматссар.Мюрщисса сочиненияртту чичлачийни, тIабильтрал сурат дуллалийни, план дан айркиншиву дакъассар.

4-мур классраву 5-6 пунктрай сакин хъусса план дикIан айркинссар.

Сочинениялуха зузисса давриву шанма бутIа личIи бан айркинссар:

- 1) материал датаву (хъиривбацлавуртту, суратру ххал даву, магъир литературалул произведенияртту буккаву);
- 2) личи дурну, материал цанил хъирив ца дишаву (ххал дигъаву, агъанмур личи баву, план даву);
- 3) текст сакин даву, га чичаву, дакын даву, гъалатыру бакын баву.

Сочинение чичлачисса дарс хъхьичыра дурсса даврил жям дуллалисса дарсну хысав хъанахъиссар.

Гъарца чичрулул даву цал цил багъайкун дакынних дурну диклан аыркинссар. Агар чырду зумух ласун лахъхын къабарча, захматтаса махъру чичин, личи-личисса жуардал предложенияртту сакин дуллан лахъхын къадарча, дуллалисса чичрулул давурттая мюнпат бакъассар.

Чалачы пособияртту ишла баврил дуклаки оырчал гъалгъя баврил компетенция хүн давриву хъуннасса агъамшиву дуссар. Чалачы пособияртту ишла баврил агъамшиву ккаккан дуллай, К. Д. Ушинскийл чивчууну бур: «Мюрщи оырчал табиастралла чалачаву, янин ххал шаву талав дуллай дур. Агар дуклаки оырчал цукунсса-бунугу 5 къакылтаса махъ лахъхын буллай, баш къахъанай, хъуннасса чун харж хъанай духъурча, гай махъру лахъхын бара суратиртал кумаграйну; оырчал гай най бунува лахъхынтыссар»[21, л. 646]. Сочинение-инсценировкардаву суратрал сюжет диалограл формалий ккаккан дурну дикайссар. Укунсса сочиненияртту чичлачийни, диалог цал дакынних сакин дайссар, яла чичайссар.

Сочиненияртту, чан-чанну тІий, жура-журасса лахъхын буллалисса давуртту дуллай, чичлан лахъхын дайссар. Сочинение чичин дурчин бигъасса сурат язи дугъайссар. Дуклаки оърчіал га чичин бюхъансса мукъурттил луртан дікіан айркинссар. Сочинение суратрай ккаккан дурмуния ягу цума-унугу ца суратрайсса геройнал ғәниятү чівісса хаварданул формалий чичайссар.

Лахъхын буллалисса сочиненияртту учительнал кумаграйну ва ганал каялувшиврийну дуллан айркинссар. Щала классрал учительнащал архіал план сакин дайссар, яла, га пландалийн бувну, сочинение чичайссар. Дуклаки оърчіал ишла бан айркинssa махърува калимаррту доскалий чичайссар. Оърчіал дакіних хавар сакин буллалийни, га учительнал ва оърчіал бакъин буллай, тіайла байссар. Яла гайннал сочинение чичайссар.

Сочиненияртту чичин хіадур хъанахъийни, учительнал чулухасса кумаг чара бакъа айркинссар: ғүсса махъру бувчин баву; суратрайн бувну ихтилат баву; оърчіашал план сакин даву. Сочинение түрча, дуклаки оърчіал ғайнара цала чичин айркинссар.

Оърчіашал бучіссар грамматикалул заданияртташалсса сочиненияртту дангу. Грамматикалул заданиялущалсса сочинение дуллалийни, дуклаки оърчіан грамматикалул материал гъалгъалуву ишла дуллан лахъхайссар. Укунса давурттал оърчіан личі-личісса грамматикалул конструкциярдашалсса предложенияртту сакин дан ва гай ишла дуллан лахъхын байссар.

Грамматикалул заданиялущалсса сочинениярттал дуклаки оърчіал гъалгъа магъир баврин кумаг байссар, мазрал пасихішиврүл

ярагъ ишла буллан лахъхин байссар. Лахъхин буллалисса сочинениярттаву учительнал ишла дан айкинсса грамматикалуп материалгу ккаккан дайссар.

### **Суратрайн бувну дуллалисса даву**

Суратрайн бувну дуллалисса даву дикІан бюхъайссар щаллусса дарсирай дан ккаккан дурсагу, масала, суратрайн бувну, сочинение чичин ккаккан дурсса ягу дарсидал ца бутІа харж буллалиссаагу, масала, бувкүсса хаварданун хас дурсса суратрайн бувну, ихтилат буллалисса.

Суратрай думур дуклаки оырчІал лагма-ялтусса затирттащал, оырмулуштал, тІабиаьтрал тагъардануштал, шинал чүннаштал дархIусса духъурча къулайну хъунтIиссар. Масала, «КИ» тIисса тема кIинттул ч1умал лахълахъийни, кIинтнил тІабиаьтрал сурат ишла дурну хъинссар.

Сурат ишла дан бюхъайссар дарсидал личIи-личIисса бутIрай: цIусса материал дурчIин дуллалийни, лавхъхъумур жям, цIакъ буллалийни, оырчІал кIулшиву ххал дуллалийни ва м.ц. Учительнал дарсидал пландалий ккаккан дурну дикІан айкинссар: та ишла дан айкинссарив сурат, га ишла даврил мурад, сурат ишла даву цукун дархIуну дуссарив дарсидал темалуштал.

Суратрашалсса давриву лув ккаккан бувсса бутIри личIи бан бюхълай бур:

- 1) дуклаки оырчІал сурат ххал даву («дуккаву»);
- 2) учительнал хъхъичIамхъ;
- 3) суратрай ккаккан дурмунил хъирив лаяву;

4) махъру кунниңүн кув бавхыну, мурад бусаву (пландалийн бувну ва план дақъа);

5) мукъурттищал ва фразеологизмардашалса даву;

6) дақылархасса ва чичрулийнусса творческий давуртту.

Сурат ххал даврил дуклаки оырчыру даврийн ҳадур байссар. Учительнал оырчыру яла агъанми, ганил гъанусса мяньна ккаккан дуллалисса қанттурдах къулагъас дан байссар. Байбихъулул классиртал оырчын цайнура цала сурат дурчын захиматссар, мунияту учительнал хъхычымукъуву суратрал агъанми қанттурду бувчын байссар ва гайннащал архыл суратрай ккаккан бувмур ххал бигъайссар. Учительнал хъхычымукъул дуклаки оырчын сурат дурчылариву, ганищалсса давриву хъуннасса агъамшиву дуссар. Хъхычымукъул ягу ҳадур буллалисса ихтилатрал оырчын суратрал мурад ва ганищалсса даву дан ҳадур баву хъанахъиссар. Ва даву дуллалийни, агар суратран ца дақъахъурча, дуклаки оырчыл ганин ца дизайнссар. Учительнал букъавчайсса (суратрайсса затирттан царду дуклаки оырчын къакъулссса духъурча) махъру бувчын байссар. Суаллан жавабру дуллай, суратрал хъирив лаяйссар. Дуклаки оырчын бувчынсса күцүй суратрал мурад, агъанмур пикри ач байссар. Гай мукунма суратрайн бувсса цала пикри бусан байссар. Ганийнсса суаллу учительнал хъхычы ҳадур бувну бикъян айкинссар.

Ца-ца чумал суратран ца оырчахъ къабусайссар ва гайннал суратран ца дизан айкинссар. Дирзусса цардава яла лайкъмур, суратрайн дақъаймур личи дайссар, укунсса давурттал дуклаки оырчыл логикалул чулухунмайсса пикри баву магъир дайссар.

Суратрашалсса даву дуллалийни, щала классрашал архIал ва личIи-личIину циняв дуклаки оърчIашалгу зун айкинссар. Гъарца оърчIал цала пикри, асар бусайссар. Маз ххуйну кIулсса оърчIахъхъун захIматми, хъхъарами оърчIахъхъун бигъами суаллу булиссар. Суратрашалсса даву ганил мурад бусаврийну, агар га дакIихсса даву духъурча, ягу сочинение чичаврийну къуртал дайссар.

Суратрашалсса даву дуллалийни, дуклаки оърчIал лавхъхъусса махъру ва грамматикалул материал ишла дан айкинссар, цанчирча суратрашалсса даврил мурад оърчIал мукъурттил луртан авадан даву, гъалгъа магъир баву хъанай бунут1ий.

Суратрашалсса даврил махъру кунницIун кув бавхIусса, саргъунсса гъалгъа ва мукунма кIия инсаннал буллаисса, диалограл журалийсса гъалгъа магъир байссар. Учительнал буллусса суаллан жавабру дулаву дакъассагу, дуклаки оърчIру цивппа суаллугу буллай, гайннун жавабру дуллали бен бучIиссар. ОърчIру суратрай ккаккан дурмунил инсценировка дуллали бенгу бучIиссар, укунсса даврилгу гайннал гъалгъа магъир баврин хъунмасса хайр буссар. Ва даву дуллалийни, дуклаки оърчIайх рольлу дачIайссар, гайннал гъалгъа хIадур байссар, яла щала классрал хъхъичI инсценировка ккаккан дайссар.

Суратру текстру ккалаккийни, грамматикалул материал дурчIин дуллалийни ва чичрулул давуртту дуллалийни ишла дайссар.

Ккалаккисса текстрал мурад ккаккан буллаисса суратрашалсса даврия хъунмасса мюннат буссар ва даву оърчIан

хIазгу дизайссар. Сурат текст дуккин хъхьичI, ккалаккисса чIумал (цIусса махъру ва калимартту ххуйну дурчIин дан) ва текст дуркуну махъ ишла дан бучIиссар.

Текст дуккин хъхьичI, сурат ишла дуллалисса чIумал, учительнал оьрчIру текст лаласаврийн, дурчIаврийн хIадур байссар ва ганил тема бигъану аьч дайссар. Суратрайн бувну, цIусса, букъавчIайсса махъру бувчIин бан ва текстрал тема аьч дан бигъассар. Ганил кумаграйну текстрал материал дакIних ишла дуллан лахъхьин дан, яьни текст дуккаврийн хIадур бан бюхъайссар. Суратрашалсса даврил оьрчIал махъру кунницIун кув бавхIусса гъалгъа магъир баврин хъуннасса агъамшиву дуссар ва ганил гъалгъа магъир бавтиву хъунисса каширду дуссар.

Текстрал мурад бусласийни, дуклаки оьрчIал авторнал махъру ишла байссар. Суратрашалсса даврил тIурча, оьрчI хавар сакин буллали айссар, гиву цала пикри бусласи айссар. Укунсса даврил оьрчIан цала пикри тIайлану, куннил хъирив кув бусан лахъхьин байссар.

Байбихъулул классирттаву ккалаккисса текстрал мурадрайн бувсса суратру ишла даврил хъунмасса мюнпат буссар. Цил багъайкун суратру ишла дулларча, дуклаки оьрчIал мукъурттил луртан авадан дайссар, лархъхъусса грамматикалул материал цала гъалгъалуву ишла дуллан лахъхъайссар, чIурду тIайлану зумух ласун ва махъру чичин лахъхъайссар. Вай гъарзат лахъхъиншиврул, личIи-личIисса иширайнусса суратиртташалсса давуртту дуллан аьркинссар. Гай давурттаву, гъалгъалул бутIри лахълахъийни дуллалисса мукъурттишалсса давугу, личIи-личIисса журалул

предложенияртту сакин дуллалисса давугу, махъру кунниңүн кув бавхүсса гъалгъа бан лахъхын давугу архал дуллан айкинссар.

Суратрайн бувну, личи-личисса грамматикийсса давуртту дайссар:

орфоэпиялул ялувсса давуртту (учительнал хъирив зумух ласлай, махъру тайлану учин лахъхаву; калимартту, бавхумахъру ва предложенияртту тайлану зумух ласун лахъхаву; тайласса интонация лахъхаву);

орфографиялущал дархүсса давуртту (къарицца харпру дирхьуну, чичлаисса давуртту, предложенияртту куннил хъирив кув тайлану чирчуну, текст сакин дуллалисса давуртту; слуховой, зрительный, объяснительный (бувчиин буллалисса) диктанту;

мукъуртищал ва фразеологизмардащалсса давуртту (каккан бувсса гъалгъалул бутри ишла бувну, суаллан жавабру дулаву; лахълахъисса грамматикийсса конструкциярду, учалартту, калимартту ва м.ц. ишла дурну, суратрайн бувну, ихтилат баву ва гания бусаву; опорныйсса (кумаграл) махъру, калимартту ва суратру ишла дурну, диалогру, махъру кунниңүн кув бавхүсса калимартту, хаварду сакин баву; махъру тайланнасса ва дахханасса мяъналий ишла баву, синонимру, антонимру, омонимру ишла баву ва м.ш.).

Суратрайн бувну, грамматика лахъхаврил методика каккан дан бигъану диктаншиврул гъануну ласунну традиционныйсса гъалгъа магъир баврил классификация: мукуртищалсса даву, бавхумукъуртищалсса даву, предложенияртащалсса даву ва махъру кунниңүн кув бавхүсса гъалгъалущалсса даву.

Грамматикалул мурадирттах бурувгун, мукъуртищалсса давриву лув ккаккан дурсса давурттал система личИи дан бюхъайссар:

существительнирду ишла буллай, суратрай ккаккан дурсса затирттан цАрду учин (чиchin);

прилагательнирду ишла буллай, суратрай ккаккан дурсса затирттал лишаннал цАрду учин;

глаголлу ишла буллай, затирттал хIал ва даву ккаккан дуллалисса махъру учин;

существительнирду ишла буллай, суратрайсса инсантурал яннарду ккаккан дуллалисса махъру учин (чиchin);

существительнирду ишла буллай, мурхьирдан цАрду учин ва ц.

Вай давуртту чIун, аьдад ва ц. даххана дуллай, дан бюхъайссар, масала, суратрай ккаккан дурсса затру ца аьдадрай ва чIяру аьдадрай учин (чиchin); ларгсса чIумул глаголлу ишла буллай, суратрай ккаккан дурсса затирттал хIал ва даву ккаккан дан.

Мукъуртищалсса даврийн личИи-личИисса лексикалущал дархIусса давуртту дагъайссар: синонимру, антонимру ляхъан баву, мукъул мяъналул жура кIул даву (тIайланнасса ва дахханасса мяъна), мяънардал ккал кIул даву (ца мяъна дусса ва чIяру мяънарду дусса) ва м.ц.

БавхIумукъуртищалсса даву дуллалийни, личИи-личИисса гъалгъалул бутIайн багъайсса махъру куннищал кув тIайлану бахIин лахъхъайссар.

Мукъурттищалсса ва бавхIумукъурттищалсса даву, чан-чанну тIий, предложениялущалсса даврийн кIурадаяйссар. Суратрай ккаккан дурсса затиртал цIарду, гайннул лишаннал цIарду увкуну махъ, гайннущал предложенияртту сакин дайссар. Дуклаки оьрчIан предложенияртту сакин дан лахъхыин дуллалийни, лакку мазравусса предложениярттал ляличIишиврух, гайннул жуардах къулагъас дан аьркинссар. ОьрчIру лакку мазраву подлежащее ккаккан байssa падежирттах: гъаншиврул, дулаврил, шаврил, цачIушиврул къулагъас дан бан аьркинссар, оьрус мазраву ва лакку мазравусса предложениярттал ляличIишиву дурчIин дайссар.

Суратрайн бувну, личIи-личIисса журалул предложенияртту сакин дан бюхъайссар: бусай, цIуххай, оьвчай предложенияртту; простойсса ва сложныйсса; ца журалул члентру бусса ва м.ц.

Суратрайн бувну, дуллалисса предложениялущалсса давурттаву укунssa жуардугу ккаккан дан бучIиссер:

1.суратирттайн ца мукъуя сакин хъусса, ганил цIа, лишан, хасият, даву ккаккан дуллалисса цIарду дизлан. Суратран ца бавхIумукъуйну ягу предложениялийну ккаккан дурнугу дикIан бюхъайссар. Сюжет дусса суратирттан цIарду оьвчай ягу цIуххай предложениярттайнугу ккаккан дурну дикIан бюхъайссар.

2.Предложенияртту диял даву, щаллу даву. Предложенияртту суаллал кумаграйну ягу суаллу бакъа диял дайссар.

*ДуркIунни (цукунssa?) kIi. ОьрчIру (цукунssa?) яннароду ларххуну бур. ва ц.*

Учительнал буллусса суаллан жавабру дуллай, гайннужа хавар сакин байссар. Суаллу доскалий чивчуна хъинссар, гай хавар сакин

бансса план хъанахъиссар. Гайннул кумаграйну хавар сакин бан бигъассар.

Суратрайн бувну, хаварду личIи-личIисса грамматикалул заданиялущалгу сакин буллали байссар, масала, цIанасса чIумул глаголлу ишла буллай, хавар сакин бан; суратрайн бувну, дуркүсса текстрал мурад бусан ва м.ц.

Суратру чичруулул давуртту дангу ишла дайссар.

Суратрайн бувну, личIи-личIисса диктантуру дан бюхъайссар. Масала, мукъуртил диктантуру дан хьунтIиссар личIи-личIисса жуардай:

а) дуклаки оърчIал цайнурा цала, ссихI къадурккуну, суратрай ккаккан дурсса затирттал цIарду чичайссар;

б) учительнал ккаккан дурсса суратирттайссса затирттан цIарду чичайссар. Ва даву цайми жуардайгу дан бучIиссар, масала, дуклаки оърчIал ккаккан дурсса затирттал цIардашал предложенияртту сакин дайссар.

Суратрайн бувну, грамматикалул заданиялущалсса выборочный самодиктантургу дан бучIиссар: масала, так чIяру аьдадрал существительнирду чичин. Гайннуйн бувну, личIи-личIисса творческий давуртту дуллан бюхъайссар, масала, суратрайн бувну, хавар сакин бан. Га хавар, прилагательнирду ишла бувну, чичин. ОърчIру прилагательнирдал гъалгъа авадан бувну, магъир байшиврух къулагъас дан бан аьркинссар.

Суратрайн бувну, суаллан жавабру дулаву.

Учительнал доскалий суаллу чичайссар, оърчIал, суратрах буруглай, гайннун жавабру дулейссар.

## **Проектрал давуртту**

Проектрал давриха зузисса чIун З бутIуйх дачIайссар:

1.Дуклаки оьрчIру проектраха зун хIадур баву; Учительнал дуклаки оьрчIашал проектрал темалул ялув ихтилат байссар. Тема язи дугъайссар ва ганиха зунсса даврил план сакин дайссар. Дуклаки оьрчIру группарттайх бачIайссар, гъарцаннан дансса даву ккаккан дайссар. Учительнал дуклаки оьрчIан аркинсса материал лякъинсса куц, кIану ккаккан байссар. Учительнал бурж дуклаки оьрчIан кумаг даву хъанахъискар. Шиккува проектрал давуртту ци журалий, цукун хIадур дан аркинссарив хIукму байссар.

2.Этап – му проектрал даву хIадур даву хъанахъискар. Шикку дуклаки оьрчIал даврин аркинсса информация, материал лякъайссар, гай цачIун дайссар. Материал ххал дайссар, презентация ягу цамур проектрал даву ккаккан дуллалисса журар хIадур дайссар.

3-мур этап – Проектный даврил дуруччаврил даву, га ккаккан даву хъанахъискар.

Яла проектрал даву ккаккан дуллалиманахъхун суаллу булайссар. Проектный даврин кымат учительнал ва дуклаки оьрчIал бишайссар. Байбихъулул классирттаву дуклаки оьрчIру проектрал давуртту дахъва дуллан лахълахъискар, мунияту гайннун кIиварду бишин къааркинссар.

### **ПРОЕКТРАЛ ДАВРИЛ ЯЛУВССА ПЛАН:**

1-мур этап– Дуклаки оьрчIру проектраха зун хIадур баву.

2-мур этап – проектрал даву хIадур даву.

3-мур этап— проектный даву дуруччаву, га ккаккан даву.

## ПРОЕКТРАЛ ДАВУ ЩАЛЛУ ДАВУ

1-мур чIапIи— проектрал даврил цIа

2-мур чIапIи— оглавление, проектраву бумур

Введение— проектрал даврил агъамшиву, аъркиншиву, даврил мурад ва хъхьичI бавцIусса масъалартту

Гъанумур бутIа— даврил мурад ккаккан баву

Проектрал даврил жям даву

Хъиривмахъ

Ишла дурсса литература (библиография)

Приложения – давриву ишла дурсса материал.

## Проектный даврил паспорт

**1.Проектный даврил цIа.**

**2.Проектный даврил руководитель.**

**3.Проектный даврил консультант.**

**4.Проектный даву дуллалисса дарсиral цIа.**

**5.Проектный даврищал дахIаву дусса дарсирдал цIарду.**

**6. Дуклаки оърчIал шинну.**

**7.Проектный даву дурсса дуклаки оърчIал сияхI.**

**8.Проектный даврил журा.**

**9.Проектный даврил заказчик.**

**10.Проектный даврил мурад.**



## **II. 4. «Лакку мазрал» дарсирдал махъ дуллан ккаккан дурсса даву**

Федерал паччахылугъырал күүлшиву дулаврил стандартирттай ккаккан дурну дур байбихъулул классиртаву дарсирдал махъ дуллансса дуклаки оърчыл айкылу-күүлши ларай даву мурадрай дан ккаккан дурсса давурттал жуарарду. Шикку ккаккан дурну дур даврил ххюра жура : адаб-инсанпрак ялувсса; жяматийсса, аымну дуклаки оърчыл айкылу-күүлши ларай дуллалисса; аымну дуклаки оърчыру маданияттал чулуха итххяххан буллалаврил ялувсса; цүллү-сагышиврушал ва спортращал дархыусса давуртту. Дарсирдал махъ дуллан ккаккан дурсса давринсса чүн нюжмардийсса дарсирдал нагрузкалувун къадуххайссар. Вай давурттан аымну байбихъулул школалийсса мукърагу шинай 1350 ссяят ккаккан дурну дуссар. Вай ссятру ккаккан дурну дур лакку мазрал дарсирдан дакъассагу циняр дарсирдан аымну.

Дуккаврил идааррттал даражалух бурувгун, дарсирдаяр махъесса даву дайссар актовый залдануву, библиотекалуву ва м. ц. идааррттай. Ва даву дан бучIиссар экспертизалул, кружокрал, конференциярттал, олимпиадарттал ва м.ц. жуардай.

Школалул мурад хъанахъиссар дарсирдая махъ дуллалисса давурттал кумаграйну байбихъулул классирттал дуклаки оърчIан дуккаврил шартIру дузал даву, дуккавриву хъхьичIуннайшивурту ласунсса тагъар дузал даву. Ва даврил мукунма кумаг байссар дуклаки оърчIан школалисса дуккаврийн айдат хъуншиврол шартIру дузал дан, гайннал айкълу-кIулши ларай дансса, дуклаки оърчIал гъираах бурувгун, кIулшиву ласунсса циняв шартIру дузал дан.

Дарсирдал махъ дуллалисса даврил мурад махъун багълагъисса ягу ххуйну дуклакисса оърчIаштал зузаву къахъанахъиссар. Га школалул кIулшиву дулаврил программалул ца бутIа хъанахъиссар.

Занятиярттал журалух бурувгун, язи дугъайссар. Мукилчинмур классраву дуклакисса оърчIансса дарс ягу мероприятие 50 минутраяр хъуннасса чумуйсса дикIан къабучIиссар.

Дарсирдал махъ дуллалисса даврин мукилчинмур классраву нюжмардий 5–10 дияннинсса ссятру ккаккан дурну дур, вай ссятругу циняр 4-мур классраву лахъхин ккаккан дурсса дарсирдан аймну. Вай ссятирдава 1–2 ссят нюжмардий лакку мазрал дарсирдан ккаккан дурну дикIан айкинссар.

Учительнаща дарсирдал махъ дуллан бюхъантІискар жура-журасса давуртту:

- 1) лакку мазрал кружок;
- 2) факультатив;
- 3) личІи-личІисса кынирдан хас дурсса утренникру: «Ниттихъал байран», «Ххувшаврил кыни»; личІи-личІисса темардайнесса утренникру: «Маз – му миллатрал ххазинар», «Лакку кІану» ва ц.;
- 4) конкурсру, олимпиадартту, выставкартту;
- 5) чІирал кказит итабакъаву. Чирал кказитру, личІи-личІисса темардайн бувну, итабакъин бучІискар: «Лахъхи вила ниттил маз», «ТІабиасть ххиранан», «Агъ, ттул буттал кІануй, Лакку билаят», «Жул шяраваллил лагмасса кІанттурдан цІарду» ва м. ц.

Лув ккаккан данну цаппара темарду учительнал дарсирдал махъ дуллалисса давриву ишла дан бюхъайсса. Вай дақъассагу учительнаща бюхъантІискар жура-журасса темарду ларсун, гай ххал дигъин.

1. «Инту ардай тІутІаяр, тІутІайх бичу, ниттил маз!  
Зунттай зяй щаращаяр, зяй-зяй тІутІу, ниттил маз!»  
(Ю.Хаппалаев)
2. «Агъ, ниттил маз, вил цІанил марцІшиву, гъилишиву...»  
(XI.Муркъилинский)
3. «Маз – му миллатрал ххазинар»
4. Лакрал учалартту ва лувлякъурду.
5. Лакку мазравусса синонимру ва гай гъалгъалуву ишла баву.

6. Лакку мазравусса антонимру.
7. Бух хъусса мукъуртих лугланну.
8. Жула кIанттурдал цIарду кIул данну.
9. ЖучIара ххяххайсса ххяххиярттан цIарду кIул данну.
10. Магъраву лабивкIесса прилагательнирду лякъинну.

**Дарсирдаяр махъ дуллан қкаккан дурсса даврил 4-мур  
классрансса мисалдарансса даврил план.**

Класс	Мероприят иялул журна	Тема	Дуклаки оьрчIал дуллалисса даврил жуарарду
1-4	Щалагу дунияллийс са ниттил мазурдил кьинилун хас дурсса байран	«Агар гъунттий ттул маз бухлагарча, на хIадурссара хIакъину ивчIан...»	ХъхьичIарасса хъаниил ва арамтуннал лаххиялул выставка хIадур дан. Лакрал халкъуннал дукрадур хIадур дан. Лакку мазран хас дурсса назмурдал конкурс дан. Мазран хас дурсса учаларттал конкурс банд. Лакку мазран, Лакку кIанттун хас бувсса балайрдал конкурс банд. Лакрал къавтIавурттал конкурс банд
4	Экскурсия	«Жул	Топонимикалун хас дурсса

		шяраваллил топонимика»	материал датын. Гайннул анализ дан. Топонимикалун хас дурсса проектал давуртту дуллан лахъхин
4	Практический занятие	Личи-личисса темардайн багъайсса махъру	Дуклаки оърчиру личи-личисса темардайн багъайсса мукъуртищал күл бан. Гай «Вахиисса жанавартрал царду» ва «Жучара хунадақъайсса ххяххиярттан царду» тисса темардайн багъайсса махъру лякъин бан. Кай мукъуртил словарьду сакин буллали бан. Дуклаки оърчищал «Лякъи «ххишаласса» махъ» тисса туркыу бан
4	Деловой игра	Чархханахъру (шарадартту) ва логографи	Дуклаки оърчиру чархханахъирттащал ва логографи
4	Викторина.	«Лакрал	Дуклаки оърчиан учалартту ва

		халкъуннал учалартту ва лувлякъурду».	лувлякъурду ишла буллан лахъхын бан. Класс группарттайх бавчIуну, учаларттал ва лувлякъурдал словарь буллали бан.
--	--	---	---

## **II. 5. Мисалдаансса дарсирдал планну.**

### **1-мур дарс**

**Дарсирал тема:** 3- чинмур классраву лавхъхъумур тикрал баву.

**Дарсирал мурад:** 3- чинмур классраву лавхъхъумур тикрал баву, дуклаки оърчIал чичрулийнусса ва дакIихсса гъалгъа магъир баву.

**Дарсиран аъркинмур:** учебный пособие, таблицарду.

**Дарсирал журо:** Лавхъхъумур тикрал буллалисса дарс.

**Дарс нанаву**

- 1.Дуклаки оърчIру дарсирайн хIадур баву.
2. Дуклаки оърчIру цIусса луттиращал, ганил сакиншиннаращал кIул баву. Шмуцтитуллащалсса даву.

**Тикрал баниу:**

- текст, предложение ва махъ гъалгъалул бутIри бушиву,
- аслийсса лакку хIарпру ва гайннул ккаккан буллалисса чIурду,

•З-чинмур классраву лавхъхъусса гъалгъалул бутIри ва гайннул хасиятру,

•гъалгъалул бутIри дакIнихсса ва чичрулийнусса гъалгъалуву личIи буллан.

### **3.Текст, предложение, махъ тIисса тема тикрал даву.**

Даву 1. *Назму дуккияра.*

#### **Ниттил маз**

Ина ттулла, ниттил маз,

Ттул кашира, ттул гужра,

Шадний чайсса балайра,

Къуманий чайсса угъра.

Ина ларгсса къинира,

Буттал буттахъал чIура,

Ттул оърчIал жавгъардаву

Пар тIисса цусса чIунна.

Вил балай баллалийни

Ттун багъру тIутIайх бичай,

Вил хъярчиral хъяхъаврий

Гъарзат хъяй чIалан дикIай.

Агъ, ниттил маз, вил цIанил

МарцIшиву, гъилишиву.

Ужагърай лархъсса цIуну

Вил лишанну яданна.

## XI.Муркъилинский

- Ссая гъалгъа тIий бур назмулуву?*
- Назмулуву личIи бувну чичара: цал существительнирду, яла глаголлу.*
- Существительнирдал группа, падеж ва аьдад ккаккан дара.*
- Глаголлал чIун, лицо ва аьдад ккаккан дара.*
- Лякъияра назмулуву хIарп я дусса махъру. ХIарп я- лул цукунсса чIурду ккаккан буллай бур?*
- Назму пасихIну дуккияра.*

Даву 2. Суратрах бургияра.

- Суратрайн бувну, хавар сакин бара.*

**4.Физкультминутка.(«Ниттил маз» тIисса назму ишла дурну)**

**5.Луттиращалсса даву.**

Даву 3. Дуккияра.

1. Ссуттил чумал ссавния къурукъирттал чIу хъуна. 2. Интту ттун жула ахъуву къурукъ ккавккуна. 3. Къурукъ цила дустурал хъирив левххун лавгуна. 4. Га, хъа гъаргъун, леххан къахъанай бия. 5. Циняннан га ххира хъуна. 6. Щаллусса гъинттул на ганиха къуллугъ бувссия. 7. Га аньакIашал занай бия. 8. Гай лелуххант къиблалул чулухунмай левххун най бия.

•*Гай предложениярттая текст сакин дара. Ганил журга кIул дара.*

- 3-мур предложениялул синтаксический разбор дара.

Даву 4. Дуккияра.

**Пил**

Пил кИрисса билаятирттай ялапар хъанахъисса яла хъунмур хIайванни. Мунил майрал кIанттай лахъисса щунщуматIив буссар. Мунийн щюртIи учайссар. ЩюртIилул кумаграйну пилданул дукра дукайссар, щин хIачIайссар, даву дайссар. Га мукунма пилданул ярагъри. ЩюртIилул хъунмасса гуж буссар. Мунища чIувин бувну чимур жанавар бивчIан бюхъайссар.

Инсантуран пил махъ бувну бур.

•*Текстрал тема ва жура кIул дара.*  
•*Лякъияра текстраву кIива прилагательное бусса предложение. Гайннул цуми махъру бувчIин буллалиссарив бусияра. Циван ишила байссар прилагательнируду гъалгъалуву?*

Даву 5. Буккияра махъру.

цIусса	гъухъа
къаркъесса	къини
лахъесса	щин
гъилисса	дикI
кIирисса	инсан

• *КIай мукъурттия калимарту сакин дурну, тетрадирттай чичара.*

Масала: къаркъесса дикI

Даву 6. Лув ккаккан бувсса мукъувусса хIарпру ишила дуллай, цIусса махъру сакин бувара.

ГъидайлитIу: гъи, далу...

## 6. Рефлексия.

1. Дарсирай лавхъхъумунил жям даву:

– Цуманал бусанну хIакъину жува ци лавхъхъуссарив?

– ХIакыну жува З-мур классраву лавхъхъумур тикрал барду, ниттил мазрахасса назму дуккарду, ниттил мазрал агъамшиву кIул хъунни.

2.– Дарсирай зура дурсса даврин кымат бишара.

## **7. Дарсирал жям даву.**

Шардайсса даву: «**Ттул ниттил маз**» тIисса темалийн бувну, сочинение чичин.

### **2-мур дарс**

**Дарсирал тема:** З- чинмур классраву лавхъхъумур тикрал даву.

**Дарсирал мурад:** З- чинмур классраву лавхъхъумур тикрал даву, дуклаки оърчIал дакIихсса ва чичрулийнусса гъалгъа магъир даву.

**Дарсиран аъркинмур:** учебный пособие, таблицарду.

**Дарсирал журा:** Лавхъхъумур тикрал буллалисса дарс.

### **Дарс нанаву**

**1.Дуклаки оърчIру дарсирайн хIадур даву.**

**2.Дуклаки оърчIал гъалгъа магъир даву.**

Даву **7. Буккияра.**

1) Гъинтнин кымат кIинтилли бишайсса.

2) Гъинтниха – кIи, кIинтниха гъи зузиссар.

•Учаларттал мяъна дурчIин дара. Ца учала дакIих лахъхъияра.

Даву 8. Гай мукъурттия, тIуртIу хIарпру даххана дурну, үIусса махъру сакин бара. Гайннущал предложенияртту сакин дара.

Хъюру, дакI, кIуну, нигъ, итан.

Масала: хъюру – хъару.

### 3. Чурду ва хIарпру тикрал даву

Даву 9. [Аь] ва [оь] чIурду үуми хIарпирдал ккаккан байссарив дакIин бичинну.

Даву 10. Дуккияра санна.

### Вяркъу

Вярхъ – вярхъгу тIий, ца вяркъу  
Хъяй бур хъюртул мурхъирай,  
Хъяхъаврил зяй бу хъюру  
Ча дуллай жул мулкирайх.

Бачи, оьрчIру, гъаннуча  
Хъюруврал жипру дуцIин,  
АйтIалахъайх дарчIуну,  
Лякъри дугълай хъяхъи бан.

•Назмулува чIурду аь ва оь бусса махъру личIи бувну, чичара.  
Гай үуми хIарпирдайну ккаккан бувну буссарив бусияра.

**ХIарпру аь ва оь так мукъул бакIрай чичайссар.**

**4. Физкультминутка.(«Ниттил маз» тIисса назму ишла дурну)**

### 5. Луттиращалсса даву.

Даву 11. Дуккияра.

## **Гъинтихасса балай**

Лачал щюллисса щатлава,  
ххюнкірал щютіуххив бивщунни.

Щютіуххухун нагу ура,  
бакъаянну балайдру тіий.

Аль. Мирзаев

•*Назмулаува ю, я, е хіарпру дусса махъру личіи бувну, чичара.*  
*Гайннул кқаккан буллаисса чіурду кқаккан бара.*

•*Назмулаува гүж бусса чіурду бусса махъру личіи бувну,*  
*чичара.*

Даву 12. Дуккияра.

## **Челмулуда вихшала**

Гъинттул каниуллал чіумал Хіусайн чіириунначіа хіухчуну ия. Хіусайн ца валттуй авціуну ия. Му чіумал бувкіун ца къуттачіелму, вечі-вечігу тіий, Хіусайннүл ялтту лехлан бивкіуна.

Челму Хіусайннучіату арх бакъасса кьюллукъатічіан бивуна. Хъювусулну чев-чевгу тіий, Хіусайннучіан зана хъуна. Му даву ганил цимилагу дуруна. Му хіисав хъусса Хіусайн кьюллукъатічіан лавгуна. Ххал барча, га кьюллукъатіул лувесса кюрттараву къарчі бивкіун ккунуккирттава итабавкъуну дахъва кіива-шанма гъантта хъусса челмулул ойрчіру. Кюрттарая чансса гинмайгу – ца ойрчісса хъуншатта челмулул ойрчі бюкълай. Микку Хіусайннуша ссавур дан къабювхъуна. Бакірайх ришлай, Хіусайннүл га шатта бивкіуну, экыиливчуна. Яла мугъаятну челмуллул кюругу бакын бувну, цахъис нигъачіаву чаний

бивхъуна. ХIусайннүятугу хIучI бакъа, оърчIал нинугу кюрттарай щябивкIуна.

- Циван хIучI бакъа бивкIун бур чIелму ХIусайннүяту?
- Тайласса даву дурну дурив оърчIал?
- Ци хайр буссар чIелмултрай? Цивани гай буручлан аъркинсса?
- Текстран укунсса цIа циван дирзухъунссар?
- Текстрал жура кIул дара.
- Шаппа ганил кутIасса мурад бусан лахъхияра.
- Текстраوا хI бусса махъру личIи бувну, чичара.
- Текстраوا существительнируду ва глаголлу личIи бувну, чичара.

**Дансса куц:**

Существительнируду:

Глаголлу:

**Мукъуву хI-лул ва гъ-лул хъирив тачIав хIарпру я, е, ю къачичайссар, чичайссар а, у, и: хIухчу, хIилла, гъава, гъивхь.**

Даву 13. Буккияра.

Малла - Насруттиннухъ чIаххувчунал куну бур:

- Малла- Насруттин, гъ...рахъун ттукку баxI...н хI..нча дулакъай, куну.
- XI...нчурай къама къакъан бивхъуну ура, – куну бур Малла- Насруттиннул.
- XI... нчурай къама къакъан бишайссарив! – куну бур ганал.

– Туну дулун къаччини ци чайссар! – учайва тIар Малла-Насруттиннул.

•*КIунтIан кIанай къариртсса хIарпру дусса махъру, къариртми хIарпругу дирхъуну, тетрадирттай чичара.*

•*Текстраву ссая гъалгъа тIий буссарив бусияра.*

•*Диалограву оъвчай предложенияртту лякъияра.*

Даву 14. *Буккияра.*

1. Пашманний ва ххариний,  
гай ттущал бур-ацIагу,  
ацIагу хъинсса дуснан,  
циняннан дур ца цIагу.

2. Чиви ккачки паракъатну бур, амма къатта ябуллай бур.

•*КIилийнусса ларкъу хIарпру дусса махъру личIи бувну, буккияра.*

•*Ссиgъри бувчIияра.*

Даву 15. *Учалартту буккияра.*

Гъинтнил даврия кIинтнил цIуххай.

Гъинттул ларкъумур кIинттул дучIину лякъайссар.

•*Учаларттаву глаголлу лякъияра, гайннул чIун, лицо ва аьдад кIул дара.*

•*Учаларттал мяъна дурчIин дара.*

## 6. **Рефлексия.**

1. Дарсирай лавхъхъумунил жям даву:

– Цуманал бусанну хIакъину жува ци лавхъхъуссарив?

– ХIакъину жува 3-мур классраву лавхъхъумур тикрал барду.

2.– Дарсирай зура дурсса даврин кымат бишара.

## **7. Дарсирал жям даву.**

Шардайсса даву: Даву 16.– шардайсса даву дурчИн дан

### **З-мур дарс**

**Дарсирал тема: Гъалгъа. Текст**

**Текстрайя лавхъхъумур тикрал бувну, жям даву.**

**Дарсирал мурад:** дуклаки оърчIан гъалгъалул агъамшивруясса кIулшиву дулаву; текстирдал жуардащал кIул даву; текстру сакин дуллан лахъхъин буллан.

**Дарсиран аъркинмур:** учебный пособие, таблицарду, суратру.

**Дарсирал журал:** Щусса материал лахъхъин дуллалисса дарс

**Дарс нанаву**

**1. Дуклаки оърчIру дарсирайн хIадур даву.**

**2. Дуклаки оърчIру щусса материал лахъхъаврийн хIадур даву. Шмуцтитуллашалсса даву.**

**Тикрал банин:**

- текст гъалгъалул яла хъунмур единица хIисаврай,
- текстрал тема ва гъанусса пикри **кIул буллан**,

**Лахъхъинн:**

- текстрал жуарарду **личIи дуллан**,
- текстрал план **сакин дуллан**,
- текст сакин даврил къайдарду **дуручлан**,
- дуллусса темалийн бувну, текстру **сакин дуллан**.

**3. Текстрайя лавхъхъумур тикрал ва жям даву**

*Даву 17. Дуккияра.*

Гъи дуркIунни. Баргъ кIири буллай бур. Гъинттул жу бигъалаглай буру. Жу хъхириувун бучан лагару. Жун гъузун ххирар.

• Цими предложениялужа сакин хъуну дур текст?

• БувчIин бара, циванни га текст хъанахъисса.

**Текст, предложение, махъ – ми гъалгъалул бутIир.**

**Гайннул инсаннал оърмулуву хъуннасса агъамшиву дуссар.**

**Текст предложениярттая, предложение мукъурттия сакин шайссар.**

**Текст – му мяъналийну кунницIун кув дархIусса предложениярттур. Текстрон цIа дизан шайссар.**

Даву 18. Дуккияра.

Гъинттул на шяравун амудадачIан лавгра. На ганин кумаг байссияв щин ласун, тIахIни-кIичIу шюшин. Амудада ттуя рязину дия. Ганин на ххирара.

• Текстрву цими предложение дуссарив кIул дара. Текстрон цIа дизара.

Даву 19. Дуккияра.

### **Жул школа**

Жул школа хъунмасса бур гиву чIявусса классру бур жу классирттаву дарс дуклан бикIару жул школалий библиотека бур гиву чIявусса луттирду бур жун луттирду ккалан ххирар.

• Текст чичара. Гъарца предложениялул ахирданий кIунтI бишара.

• Текстрал жура кIул дара.

### **4. Физкультминутка.**

## **5.Луттиращалсса даву.**

Даву 20. Дуккияра.

### **Мусил кІисса лавхсса къур**

Инт. Ахъувун ахънилсри дугъан нанийни, Хабибат цила киямур канил кІиссурайн лавхсса мусил кІиссурах пахрулий бурувгуна. Ахъуву зийгу бивкІун, Хабибат аьртІизан шинал картлилу кару шюшлан бивкІуна. Ганил канийсса кІиссурайн лавхсса мусил кІисса бакъая. Кіиссурах луглай, Хабибатлул цимивагу гъантта хъуна. Гъарца шинал ахъ биххайнин, бугъайнин, хъул къаличІлай, кІиссурах луглай, ларгунан шинну.

Вана шамулку шинал ссуттил Хабибат ахъуву къур дихлай бия. Хабибатлул чараев къурул бакІу хъуна. Цакуну Хабибатлул я бавцІуна ца ссихъуха лархъхъусса, мухІлу дархІусса кунна, лялату лирцІусса къурой. Душнил къур канил дургъуна. Бургъил къяртри тІайла дарцІукун, къурул лялухсса «мухІулттул» ца пар увкуна.

Хабибат цила яруннин цуппа вих къахъанай ливчІуна. Къурой бия бакъа хъуну бивкІсса Хабибатлул кІисса.

### **XI. Оъмаров**

•*Текст дуккияра, га бутІрайх дачІяра, гъарца бутІун ца дизара.*

•*Сая гъалгъа тІий бур текстраву? Текстрал тема кІул дара.*

•*Чув лявкъуну бур Хабибатлул кІисса?*

Даву 21. Дуккияра.

Ккашил хъусса цулкІлун ццацкІулун букан чсан бивкІун бур. ЦцацкІулун, цила къутІай мицІругу ялун личин бувну, къарчІ бивкІун бур. ЦулкІлуща га букан къабювхъуну бур.

- Цими предложениялую сакин хъуну дур текст ? Ганин ҆ла дизара.

*Даву 22. Дуккияра.*

Га ттуяту арх бакъа щябивкIуна. Щакуну ттул чIарах хъун бакъасса лелуххи левххуна. Канихъхун биривсса чару бивщуну гъан бав. Лелуххи багъну бия. Ттун га бутан гъира багъуна.

- Ялув қкаккан дурсса предложенияртту низамрай дирхъуну, текст сакин дара.*

*•Ганин ҆ла дизара.*

## **6. Рефлексия.**

1. Дарсирай лавхъхъумунил жям даву:
  - Цуманал бусанну хIакыну жува ци лавхъхъуссарив?
  - ХIакыну жува лахъхъарду текст, предложение, махъ – гъалгъалул бутIри бушиву, текстру сакин дуллан.
2. – Дарсирай зура дурсса даврин кымат бишара.

## **7. Дарсиral жям даву.**

Шардайсса даву: Даву 27. «Мусил ссут» тIисса темалийн бувну, сочинение чичин.

## **4-мур дарс**

### **Дарсиral тема: Гъалгъа. Текст**

**Дарсиral мурад:** дуклаки оьрчIан гъалгъалул агъамшивруясса кIулшиву дулаву; текстирттал жуардашал кIул баву; текстру сакин дуллан лахъхъин баву.

**Дарсиран аьркинмур:** учебный пособие, таблицарду, суратру.

**Дарсирал журал: Шусса материал лахъхын дуллалисса дарс**

### **Дарс нанаву**

- 1.Дуклаки оърчIру дарсирайн хIадур баву.**
- 2. Дуклаки оърчIру цIусса материал лахъхъаврийн хIадур баву.**

**3.Луттирая правило дуккаву ва ганил ялув гъалгъа баву.**

**4.Луттиращалсса даву.**

Даву 23. *Дуккияра.*

### **Варани**

Варанттул чурххал къалипгу, хасиятругу чуллайссса оърмулуцIун хъинну даркъусса дур. Бюхттулсса чурх ва лахъисса ссурссу дуну тIий, варанттун къундалул чуллай архсса затру ххал шайссар.

Лахъисса къинирдай къундалул чуллайх нанисса чIумал, варанттул гъартасса къункъуккутIалгу къанкъ ларсун, архсса щин лякъайссар.

•*Текстрад журал кIул дара. Ганил џалчинмур бутIа чичара.*

Даву 24. *Дуккияра.*

1.Цакуну барзун хIаятраву тIуркIу тIисса ччитул оърчI ххал хъуна. 2.Ахтакъун бизулувусса чIумал ца хъунмасса барзу шяраваллил ялту гъава буллан бивкIуна. 3.Амма бургъил кIиришиврияту къатIравун бувхсса айнакIив барзун чIалай бакъая. 4. Ччиту цила оърчIашал тIуркIу тIий бия. 5.Къини даруссса дия. 6.Барзун ккарччуухсса ччай дия.

•*Ялув ккаккан дурсса предложенияртту низамрай дирхъуну, текст сакин дара.*

•Текстрал жура күл дара.

Текст гихуннай къуртал дара.

## 5.Физкультминутка.

Даву 25. Дуккияра.

### ВацІлууу

Гъинттул жу Махънекхачасса вацІлуун лавгру. Ххуллийх най буна цІан ларкына. Архну чирахъру чалай бия. Хъхичі цІансса вацІа бия. Хъхувай вацІлууу цанмасса оърму бия. Хячарачелмульт анаварну лехлай бия. Аъжаивсса чурду буллай бия хъхувай авлий буккай лелуххант. Угъ тІисса исул чурдугу вацІлува баллай бия.

•Текстрал жура күл дара.

•Текстра а лелуххантрал үарду личи дара, гай оърс мазрайн таржума дара.

## 6.Инава лавхъхъумур ххал ба!

Даву 28. Пикригу бувну, суаллан жавабру дулара:

1. Текстрал тема цир?
2. Текстрал цанил ци ккаккан дайссар?
3. Текстрал цукунсса лишанну дуссар?
4. Цуку-цукунсса диктайссар текстру?
5. «Сүттилсса инсантурал къайгъурду» тІисса темалия текст сакин дара.

## 7. Рефлексия.

1. Дарсирай лавхъхъумунил жям даву:

– Цуманал бусанну хакыну жува ци лавхъхъуссарив?

– ХIакыну жува гъалгъалул агъамшиву, текстрал хасиятру ва журагарду лахъхъарду.

2. – Дарсирай зура дурсса даврин кымат бишара.

### **8. Дарсидал жям даву.**

Шардайсса даву: Бувккусса луттирал ялув зула пикри бусласисса текст сакин дара.

### **5-мур дарс**

**Дарсидал тема:** Предложение. Предложениялую лавхъхъумур тикрал баву

**Дарсидал мурад:** дуклаки оърчIан предложениялую лавхъхъумур тикрал баву.

**Дарсиран аъркинмур:** учебный пособие, таблицарду, суратру.

**Дарсидал журал:** Щусса материал лахъхъин дуллалисса дарс.

### **Дарс нанаву**

- 1.Дуклаки оърчIру дарсирайн хIадур баву.**
- 2.Дуклаки оърчIру щусса материал лахъхъаврийн хIадур баву. Шмуцтитуллашалсса даву.**

### **Жува тикрал баниу:**

- предложение бавхIумукъурттия личIи дуллан,
- предложениялул журагарду личIи дуллан,
- предложениялул грамматикийсса гъану личIи буллан,
- предложениялуву цалчинмур даражалул члентру личIи буллан,
- предложениялуву кIилчинмур даражалул члентру личIи буллан,

•кутIа предложенияртту лахъи предложениярттайн кIурадаен дуллан,

- простой предложение сложныйссануя личIи дуллан.

### **Жува лахъхинну:**

•предложениялуву цалчинмур ва кIилчинмур даражалул члентру личIи буллан,

- предложениялул гъану кIул буллан,

•ца журалул члентрашалсса предложенияртту сакин дуллан,

•ца журасса члентрачIа чичруулул лишанну дихълан,

•сложный предложениялуву чичруулул лишанну дихълан,

•бавхIумукъурттиву гъанулулми ва гъанулул бакъами махъру личIи буллан,

- предложениялува бавхIумахъру личIи буллан,

### **4.Луттирашалсса даву.**

Даву 29.*Текст дуккияра.*

### **ПаччахI ва хъудугъу**

Цал ца паччахI цала лагмаминнашал авлахърайн авлий лавгун ур.

Гай хъинну архну лавгун бур. Гайннан чулданий хъхьу рутан багъну бур. Микку паччахIнан хъудугъул къатта ххал хъуну бур. Гайннал чулданий чатир бишун хIукму хъуну бур. Гай бувкIесса кIул хъувкун, хъудугъул дукра дурну, паччахIначIан ларсун увкIун ур. ПаччахIнан ганал ихтилат ххуй бивзун, ганал къатлаву хъхьу руртун дур. Гъунттий ганал хъудугъун багълул ххирасса хялатгу, арцугу пишкIаш дурну дур.

- Текстрал тема ва ганил жура кIул дара.*

• *I-мур предложениялул грамматикийсса гъану лякъияра.*

• *Текстравусса предложениярттал жура кIул дара.*

**Предложениярттал кумаграйну инсантурал пикри ва асарду бусайссар, цаннахъ цаннал цIуххаву дайссар, маслихIат, тавакъюъ байссар. Масала:** Жул къатрал чIарав хъунмасса багъбия. Ина дарс лахъхъав? Насу лу ласи.

**Бусласимунил мурадрах бурувгун, предложенияртту хавар бусайсса, цIуххаву дуллалисса ва амру ягу миннат буллалисса дикIайссар. Масала:** Нину даврийн ларгунни. Вин ххирарив луттирду ккалан? Цукунсса ххуйшиву дикIай ссуттил паркраву!

Даву 30. *Предложенияртту дуккияра.*

Оърчиру багъраха къуллугъ буллай бур. Дяркъусса кИ дуркIунни. Лелуххант гъили билаятиртайн левххун лавгунни. ХIакыну дяркъусса кыни дур. Ттаттал жухъ магъри бусай.

• *Лув ккаккан дурсса хавар бусай предложенияртту цIуххай предложениярттайн кIурадаен дара.*

• *Кай предложениярттал ахирданий ци лишанну дишин айркинссарив бусияра.*

**ДакIний битияра:**

**Бусай предложениялул ахирданий бишайссар кIунтI(.)**

**ЦIуххай предложениялул ахирданий дишайссар цIуххаврил лишан(?).**

**Оъвчай предложениялул ахирданий дишайссар оъвчаврил лишан (!).**

Даву 31. *Чивисса хавар хъунсса куциүй, бусай, цIуххай, оъвчай предложенияртту сакин дара.*

**Предложениялувусса махъру мяъналух бурувгун, кунницIун кув бавхIуну бикIайссар. Предложениялул ца члендалия гамунийн суал бишин шайссар.** Масала: Душ чагъар чичлай бия. Чагъар чичлай бия цу? Душ. Душ ци дуллай бия? Душ чагъар чичлай бия.

Даву 32. *Дуккияра.*

1.Ттул ттатта цIа дуркssa багъманчири. 2.Ина дарс лахъхъав?  
3.Авчи цала ккаччищал авлий лавгуна. 4.Хъинну ххуйssa гъава бикIай гъинттул зунттаву! 5. Вин барцI ккавкссарив?

• *Предложениеяртту зумух ласаврих къулагъас дара.*

Даву 33. *Оърчиру, ссиgъри бувчIиннув?*

Ца мурхирай ххюра къяртта,

Цаннияр-ца лагъ-лагъсса.

БувчIара ва ци ссиgъар?

Ххуй душ бур кIаланграву щябивкIун, ганил хIаллурдуми кIичIираву.

Даву 35. *Дуккияра.*

**ЧитIри**

Бавал куна Халидлухь:

– Гъарахъхъун ирияра,

Пальтогу къаларххуна,

КъатIувай малагара.

Халидлул бавахъ куна:

– Щил тIимурди на байсса?

Ина дура лаххи тIий,

ЧитIри – малаххара тIий.

А. Мирзаев

- *Назмулуга личи дурну, цүүххай предложенияртту чичара.*
- *Лякъияра назмулуву амру ягу миннат буллалисса предложение.*

Даву 37. Дуккияра.

**Гъарал**

Гъарал, гъарал лачуннав,  
Уртту-тIутIал хIачланнав!  
Гъелисса баргъ битаннав,  
Багъ-бахчарду бюхъаннав!

Б.Рамазанов

- *Назмулуга овчай предложенияртту лякъияра.*
- *Гайннул ахирданий цумур чичрулул лишан дишайссарив бусияра.*

Даву 38. Буккияра.

Къатта бакъанугу	Магъ дугъарча,
ЧапIал бувцIусса,	Девнаща гъаз бан къашай,
Гъухъа бакъанугу	Цуппа бугъарча,
Ттивсуну бурувххусса,	Чивисса оврчIашагу
Инсан акъанугу	Бигъану гъаз дан бюхъайсса
зат.	
Хаварду бусласисса	Ци ссиgъар?
Цимурца бувчIин бувай.	
Бусияра, ва цир?	

•Сигъри бувчара. Жавабирттащал предложенияртту сакин дара, гайннул жура күл дара.

## **6. Рефлексия.**

1. Дарсирай лавхъхьумунил жям даву:

– Цуманал бусанну хIакыну жува ци лавхъхъуссарив?

– ХIакыну жува предложенияртту, гайннул жуарарду лаххъарду.

2. – Дарсирай зура дурсса даврин кымат бишара.

## **7. Дарсирай жям даву.**

Шардайсса даву: 34, 36

## **6-мур дарс**

**Дарсирай тема: Цалчинмур даражалул члентру.**

**Предложениялул грамматикийсса гъану.**

**Дарсирай мурад:** цалчинмур даражалул члентру, предложениялул грамматикийсса гъану лаххъаву, дуклаки оърчIал гъалгъа магъир баву.

**Дарсиран айркинмур:** учебный пособие, таблицарду, суратру.

**Дарсирай журга:** Шусса материал лаххъин дуллалисса дарс

**Дарс нанаву**

**1.Дуклаки оърчIру дарсирайн хIадур баву.**

**2.Дуклаки оърчIру цусса материал лаххъаврийн хIадур баву.**

Даву 39. Дуккияра.

**ЧитIу**

ЧитIу аъжаивсса лелуххи бур. Га арулва-маява зуруй гъилисса билаятирттайгу бивкIун, га дукIу цила къабивтсса кюрттаравун бучIайссар. ЧитIун цила оърчIру хъинну ххирассар. Ганил оърчIру хъуни бувну махъ, гайннун леххан, ав бан лахъхин байссар. ЧитIул инсаннан заралсса, азарду диян дайсса ушу-щулгъигу буказисса.

Халкъуннан ганил чIу хъинну ххуй бизай. Га чIу ганил ххаллилсса тIуллацIун ххуй бивзхъунссар.

**A.ХIусайнаевлул хаварданува**

- *Текстраву ссая гъалгъа тIий буссарив бусияра.*
- *Чичара. Цалчинмур даражалул члентирттал луртту аширу дуккияра.*

**3. Луттиращалсса даву: правило дуккаву ва ганил ялов гъалгъа даву**

**Предложениялову цалчинмур даражалул ва кIилчинмур даражалул члентру бикIайссар. Подлежащее ва сказуемое цалчинмур даражалул члентру. Гай предложениялову гъану хъанахъиссар.**

**Подлежащилул предложениялову щия ягу ссая гъалгъа тIиссарив бусайссар ва цу? ци? щил? ссал? щин? ссан?щища? ссаща? тIисса суаллан жаваб дулайссар.**

**Сказуемилул подлежащилул дуллалимур ккаккан дайссар ва ци дуллай ур? ци хъанай бур? ва м.ц. суаллан жаваб дулайссар.**

**4.Физкультминутка**

*Даву 40. Дуккияра.*

**КIюрхнил чIурду**

Ажари эөь тIий,  
Ттукку бур гъаь тIий,  
КIюрх чантI чин дуллай.

Цавай бур чантI куну  
Цавай – чантIа тIий,  
Цавайгу – шанай.

С. Увайсов

• *Назму ишила дурну, цалчинмур даражалул члентрайа хъусса предложенияртту сакин дара.*

• *Предложенияртту тетрадирттай чичара.*

**Дансса куц:** Ажари эөь тIий бия.

Даву 41. Гай даву ккаккан дуллалисса мукъурттицIун бакъайсса затирттал цIарду чичара.

... бишлай бия. ...хьюлчай тIий бия. ...буллай бия. ...лачIлай дия. ...бивтун бия. ...дуркIунни.

Аyrкин бансса махъру: гъи, гъарал, марч, баргъ, мурхъру, марххала.

Даву 43. *Лякъияра вайннул жавабру.*

Щинавугу ххяххайсса,  
Панма кунма кIяласса,  
Жямат цачIун бавтIари  
Ил буччин бан буюхъайсса.

Аyrщараву ххяххайсса,  
МарцI ятIул ранг дусса,  
Оъттул рангсса щин дусса,

ГъутIлуха лащин дусса,  
Цайми ахънилсриннущал  
КIункIурдуvu цачIун шайсса.

### **5. Рефлексия.**

1. Дарсирай лавхъхьумунил жям даву:
  - Цуманал бусанну хIакыну жува ци лавхъхъуссарив?
  - ХIакыну жува цалчинмур даражалул члентру(подлежащее вa сказуемое), предложениялул грамматикийсса гъану лахъхъарду.
2. – Дарсирай зура дурсса даврин кымат бишара.

### **6. Дарсирай жям даву.**

Шардайсса даву: даву 42.

### **7-мур дарс**

**Дарсирай тема: Предложениялул кIилчинмур даражалул члентру**

**Дарсирай мурад:** дуклаки оърчIру предложениялул кIилчинмур даражалул члентирттащал кIул баву, гъалгъа магъир баву.

**Дарсиран аyrкинмур:** учебный пособие, таблицарду, суратру.

**Дарсирай журо:** Шусса материал лахъхъин дуллалисса дарс.

### **Дарс нанаву**

- 1.Дуклаки оърчIру дарсирайн хIадур баву.**
- 2.Дуклаки оърчIру цIусса материал лахъхъаврийн хIадур баву.**

Даву 44. *KIунтIан кIанай лях къабивтсса махъру бивхъуну, кумIа предложенияртту лахъи дара.*

Сурат ... лархъун дур. Нину ... ларгунни. Жу ... гъантIиссару.  
Къазру ... гъузуй бур. Гъараҳъалу ... дур.

Аъркин бансса махъру: даврийн, неххачIа, вацIувун, чIирай,  
бярав.

### **3.Луттиращалсса даву.**

**КIилчинмур даражалул члентрал цалчинмур даражалул  
члентру ягу цумур-бунугу кIилчинмур даражалул член бувчиин  
байссар.**

Даву 45. *Дуккияра.*

Ссут дуркIунни. Къинирду кутIа хъунни. Хъхурду лахъи  
хъунни. ЧапIив хъахъи лавгунни. Лелуххант левххун лавгунни.  
Мурхъру кIачIа хъунни. Дяркъу хъунни.

•*КIилчинмур даражалул члентру ххибувну, предложенияртту  
чичара.*

•*КIилчинмур даражалул члентирттал луртту аширу  
дуккияра.*

### **4.Физкультминутка.**

Даву 47. *Лякъияра вайннул жавабру.*

КIяла ччанну лув дизлай,  
Бюкъакълай щинайх бачай,  
Ссут дуркIукун гъаз хъуну,  
Кьюкъри дархIуну леххай.

МарцI щюллисса чурх бусса,  
Байлаххул лагру дусса,  
Шакъавхъунма букайсса,

Помидордан маччасса,

Мудан цачIу бикIайсса.

•Гибу кIилчинмур даражалул члентру лякъияра.

### **5.Рефлексия.**

1. Дарсирай лавхъхьумунил жям даву:

– Цуманал бусанну хIакыну жува ци лавхъхъуссарив?

–ХIакыну жува предложениялул кIилчинмур даражалул члентру лахъхъарду.

2.– Дарсирай зура дурсса даврин кымат бишара.

### **6. Дарсирай жям даву.**

Шардайсса даву: даву 46, 48.

### **8-мур дарс**

**Дарсирай тема: КутIа предложенияртту ва лахъи предложенияртту**

**Дарсирай мурад:** дуклаки оърчиру кутIа предложенияртташал ва лахъи предложенияртташал кIул даву, гъалгъа магъир даву.

**Дарсиран айкинмур:** учебный пособие, таблицарду, суратру.

**Дарсирай журо:** Щусса материал лахъхъин дуллалисса дарс.

### **Дарс нанаву**

**1.Дуклаки оърчиру дарсирайн хIадур даву.**

**2.Дуклаки оърчиру щусса материал лахъхъаврийн хIадур даву.**

Даву 49. *Дуккияра.*

КИ дуркIуна. Каникуллу дайдирхъуна. Марххала буллай бия. Кьирирду кутIа хъуна. Хъхъурду лахъи хъуна. Дяркъу хъуна.

•Чичара. Подлежащилул ва сказуемилул луртту аышру дуккияра.

### 3.Луттирашалсса даву.

Так цалчинмур даражалул члентирттая сакин хъусса предложениярттайн кутIа предложенияртту учайссар. **Масала:** Хъхьу дуркIунни.

**Цалчинмур ва кIилчинмур даражалул члентирттая сакин хъусса предложениярттайн лахъи предложенияртту учайссар.**

**Масала:** На классрашал хIав лавгсияв.

### Даву 50. Дуккияра.

#### Гъинттул

Баргъ кIири буллай бия. Уртту щюлли хъуна. ТIутIив хъякуна. Инсантал къонукии бан занай бия. Ардарав гъаттарал газурду канай дия. ОърчIру щинавун бучIлай бия. Челмулт макъанну дуцлай бия.

•Цал кумIа предложенияртту, яла лахъи предложенияртту личIи дурну, чичара.

•Предложениярттал грамматикийсса гъану личIи бара.

### 4.Физкультминутка.

#### Даву 52. Учалартту буккияра.

Неххавун агъманан гъарай нигъ дакъассар.

ВацIувун тIама къадуххайссар.

•Учаларттал мяъна дурчIин дара.

•Гай цукунсса предложенияртту дуссарив бусияра.

### 5.Рефлексия.

1. Дарсирай лавхъхъумунил жям даву:

—Цуманал бусанну хIакыну жува ци лавхъхъуссарив?

— ХIакыну жува кутIа предложенияртташал ва лахъи предложенияртташал кIул хъуру, кутIа предложенияртту лахъи дуллан лахъхъарду.

2. – Дарсирай зура дурсса даврин кымат бишара.

## **6. Дарсирай зура**

Шардайсса даву: 46, 48

### **9-мур дарс**

**Дарсирай зура тема: Даа журалул члентрашалсса предложенияртту**

**Дарсирай зура тема:** дуклаки оърчIан да журалул члентиртаясса кIулшиву дуллаву; да журалул члентру бусса предложенияртташал кIул баву; предложенияртту мукъуртил куннил куннишалсса бахлаву ккаккан дуллан.

**Дарсиран аъркинмур:** учебный пособие, таблицарду

**Дарсирай зура:** Щусса материал лахъхъин дуллалисса дарс

### **Дарс нанаву**

- 1.Дуклаки оърчIру дарсирайн хIадур баву.**
- 2. Дуклаки оърчIру щусса материал лахъхъаврийн хIадур баву.**

Даву 53. *Дуккияра.*

Даардавух, зунтавух, нехру ва ратIру риттай, ПрабакIул ухчиннивсса да щунсса урттун тартсса арив бияйссар. Ганийн ПрабакIул ар учайссар. ПрабакIуйн лахъан чими га арив гъантта бикIайссар, чани хъяхъа тIий дайдишайхту, зунттуйн лахълай бачин.

ПлабакIуйх лавай наниссаксса гикку сайки цукунчIавссарагу ххяххия хъуна къадакъайссар – гъарца чулуха иттав ххяххлай авкъатсса муруллив, ххяллу, щамарал хъачIру чIалай дуссар.

ПлабакIул бакIайн анжагъ ухссавнил чулухсса ца утта-кIюласса ххуллийх хъуну лахъан бюхъайссар. Чурххал заэвсса, инжитсса инсаннаща ПлабакIуйн лахъан къашайссар.

### **Суаллан жавабру дулаву:**

- Сая гъалгъа тIий бур текстраву?*
- ПлабакIу ссан үIа дур?*
- Чув буссар га зунтту?*
- Циван лахъайssa бивкIун бур инсантал ПлабакIуйн?*
- Текстрава личIи дурну, үа журалул члентирттащалсса предложенияртту чичара. Ца журалул члентрап луртту аышру дуккияра.*

### **3. Правило дуккаву ва ганил ялув гъалгъа баву.**

Цара-ца предложениялуву ца сказуемирацIун цаппара подлежащирду **бухъурча**, гай ца журалул члентру **хъанахъиссар**. Масала: Багъраву гъивчул, хъюртул, ахъвазандалул мурхьру бия.

Агар цара-ца предложениялуву ца подлежащилуцIун цаппара сказуемиртту **бухъурча**, гай ца журалул члентру **хъанахъиссар**. Масала: ОърчIру лечлай, ттуплий буклай, лачIун буклай бия.

### **4. Учебный пособиялущалсса даву.**

Даву 54. Цалчинмур даражсалул члентру үа журалул члентруну бусса 4 предложение сакин дара.

**Предложениялул ца журалул члентрал дянив запятая  
дишайссар. Ца журалул члентруну бикIайссар кIилчинмур  
даражалул члентругу. Масала: Лелуххант къуув, вацIраву,  
багъирдаву бикIайссар.**

### **5.Физкультминутка.**

Инту ардай тIутIаяр,  
ТIутIайх бичу, ниттил маз,  
Зунттай зяй щаращаляр,  
Зяй-зяй тIутIу, ниттил маз!

**Даву 56. КIуллив зун?**

Цумур жанаварданулли цила рахIу шинай кIийла баххана  
байсса?

Цумур лелуххи шанан бикIайссар дяхтта?

Инту хъхьичIра-хъхьичI цуми тIутIив шайссар?

### **6. Рефлексия.**

1. Дарсирай лавхъхъумунил жям даву:
  - Цуманал бусанну хIакыну жува ци лавхъхъуссарив?
  - ХIакыну жува лахъхъарду ца журалул члентиртташалсса  
предложенияртту, гай дакIихсса ва чичрулийнусса гъалгъалуву  
личIи дуллан.

2. – Дарсирай зура дурсса даврин кымат бишара.

### **7. Дарсиral жям даву.**

Шардайсса даву: даву 55, 57 (шардайсса даву дурчIин дан).

### **10-мур дарс**

**Дарсиral тема: Союзру бакъасса ца журалул  
члентрашалсса предложенияртту**

**Дарсиral мурад:** дуклаки оърчIру союзу бакъасса ца журалул члентращалсса предложениярттащал кIул баву; предложениялувусса мукъурттил куннил куннищацца бахIаву ккаккан дуллан.

**Дарсиран аъркинмур:** учебный пособие, таблицарду

**Дарсиral жура:** Щусса материал лахъхин дуллалисса дарс.

**Дарс нанаву**

- 1. Дуклаки оърчIру дарсирайн хIадур баву.**
- 2. Дуклаки оърчIру щусса материал лахъхаврийн хIадур баву.**

Даву 58. *Дуккияра.*

**Жула улча – Лакку билаят**

Аслийсса, хъхьичIавасса ва тарихравун багъесса Лакку кIану щанакулсса Лакрал ва Ккуллал районну ва чаххурайсса районнайсса цаппара щархъурду: Шал, Дюкъул, Ялув Чатлухъи, Бархъал, Хъюл, Щалакъаян, Уручул, Бурши – Макъал дирхъусса кIанттурду хъанахъиссар.

Хъун- чIиришиврул чулуха лакрал щархъурду личIи-личIисса дикIай:

кув хъинну хъунисса, кувгу лап мюрщикса, мащив куннасса. Лакрал хъунисса щархъурдуну Гъумучи, Ккул, Вихъул, Хъусраши, Бархъал, ГъунчIукъятIи ва м.ц. ккалли хъанай диркIссар.

Лакрал чIяруми шяраваллурду личIи-личIисса бутIрайх – махIлардайх дарчIуну диркIссар. Мукунсса махIлалул цинмасса ккурчIа, мизит, хIатталу диркIссар.

Э. Абдуллаев

- Чув ялапар хъанай бивкIун бур лак?
- Цуми щархъурду ккалли дайсса диркIун дур яла хъунимину?
- Чув ялапар хъанай буссар үланасса чIумал лак?
- Дагъусттаннайсса үукунсса миллатру кIулли зун?
- Текстрал тема кIул дара. Ганил кутIасса мурад бусан лахъхияра.

• Текстрава союзру бакъасса ца журалул члентращалсса предложенияртту личIи дурну, чичара.

### **3. Учебный пособиялущалсса даву.**

Правило дуккаву ва ганил ялув гъалгъа баву.

Предложениялул ца журасса члентру кунницIун кув чIунийну ягу союзирттайну баxIайссар. Агар ца журасса члентру чIунийну кунницIун кув бавхIуну бухъурча, минул дянив запятая дишайссар.

#### **Даву 59. Дуккияра.**

Байрандалий хъуннасса тяхъашиву дикIайсса диркIун дур. ХъатIуй жагъилтурал ккаккан байсса бивкIун бур цавувасса гъунарду: лечаву, чару личаву, пут гъаз даву, дучри ххяххан баву, каруннай заназаву, лачIун буккаву ва мукунма цаймигу гъунарду.

• Ца журалул члентру бусса предложенияртту чичара. Ца журалул члентирттал луртту аширу дуккияра.

#### **Даву 60. Суаллан жавабру дулара.**

Клюрхил шания ивзукун ина ци бара?

Ина ци дукара клюрхилссаннун?

Ина ци дуллан икIара классраву?

Дарсирдая махъ ина ссаха зун икIара?

•Жавабирттаву союзру бакъасса ца журалул члентращалсса предложениеяртту ишила дара.

•Жавабру тетрадирттай чичара.

#### **4. Физкультминутка.**

Интту ардай тIутIаяр,

ТIутIайх бичу, ниттил маз,

Зунттай зяй щаращаляр,

Зяй-зяй тIутIу, ниттил маз!

Даву 61. Дуккияра.

#### **Чаххул**

Наби Заза Халид АхIамад ХIусман жул чIаххулли. Наби ххуйсса уссал усттарди. Ганал чакмарду маxIисив ттуплыв бай. Заза дарзи бур. Ганил гъухъри хIажакру кофтарду дуруххай.

•Дагъайни къариртми чичрулул лишанну дирхъуну, чичара.

Даву 62. Дуккияра.

#### **КIюрх**

Зунттал ххуллурдугу бия

ЩуницIагу ттуйн оьвтIий.

ТIутIачIан, щаращачIан

Уттигу ачу тIий.

Аь. Мирзаев

•Назмулуву ца журалул члентру лякъияра.

•Га дакIих чичара.

#### **5. Рефлексия.**

1. Дарсирай лавхъхъумунил жям даву:

—Цуманал бусанну хIакъину жува ци лавхъхъуссарив?

– ХIакъину жува союзру бакъасса ца журалул члентращалсса предложенияртташал кIул хьуру; предложениялувусса мукъуртил куннил куннищалсса бахIаву ккаккан дуллан лахъхьарду.

2. – Дарсирай зура дурсса даврин къимат бишара.

## **6. Дарсирай жям даву.**

**Шардайсса даву:** «Ттул буттал кIану» тIисса темалийн бувну, сочинение чичара.

## **11-мур дарс**

**Дарсирай тема: Союзру бусса ца журалул члентращалсса предложенияртту**

**Дарсирай мурад:** Дуклаки оърчIру союзру бусса ца журалул члентращалсса предложенияртташал кIул бан, союзириллал хъирив чичрулул лишанну дишин лахъхьин бан. Союзру бусса предложенияртту дакIихсса ва чичрулийнусса гъалгъалуву ишла дуллан лахъхьин бан. Дуклаки оърчIал гъалгъа магъир бан.

**Дарсиран аъркинмур:** учебный пособие, таблицарду.

**Дарсирай журо:** Щусса материал лахъхьин дуллалисса дарс.

### **Дарс нанаву**

- 1. Дуклаки оърчIру дарсирайн хIадур даву.**
- 2. Дуклаки оърчIру щусса материал лахъхьаврийн хIадур даву.**

Даву 63. *Дуккияра.*

Жул къатри щарнил зуманив дия. Аълигу, МахIагу, Шяпигу жул чIаххурай ялапар хъанай бия. Жу архIал школалийнгу лагайссияв, цачIу тIуркIу тIунгу бикIайссияв. Жул махIалуя арх

бакъа багъ бия. Багъраву гъивчулгу, хъюртулгу, ахъвазандалулгу, бяълиулгу мурхъру бия.

Ца кыни Аълигу, Шяпигу, нагу багърал чIарав тIуркIу тIий буссияв. Му чIумал жун мурхьирал къяртта гъаргъесса чIу бавуна. Бургарча, РахIим мицI кIиссурттайгу авцIуну, мурхьирал къярттагу кIункIу дурну, ахъулссаннул хьу дуцIлай. Къаралчинан га хIисав хъуна. Га РахIимлул хъирив левчуна. РахIимлул нигъаусаврил гъивчгу, хъюртгу щяв къатI дуруна.

•*Текстрал тема кIул дара. Ганин цIа дизара.*

•*Лякъияра текстраву союзирттал кумаграйну куннициIун кув дархIусса ца журалул члентру бусса предложенияртту.*

•*Текстрал жура кIул дара.*

### **3. Луттиращалсса даву.**

Правило дуккаву ва ганил ялувсса даву.

**Предложениялул ца журасса члентру куннициIун кув ЧIунину ягу ва, гу союзирттайну бахIайссар.**

**Предложениялул ца журасса члентру ва союзрайну цаннициIун - ца бавхIуну бухъурча, миннул дянив запятая къадишайссар. Масала: ОърчIру школалийн луттирду ва тетрадьру лавсун лавгунни.**

**Агар ца журасса члентру гу союзрайну куннициIун кув бавхIуну бухъурча, миннул дянив запятая дишайссар. Союз -гу хъхъичIсса цуппа хъар хъанахъисса мукъущIун лавчIун чичайссар. Масала: Урттугу, тIутIивгу къакълан диркIунни.**

Даву 64. Дуккияра.

Класс пахъ багъну бия. УрчIамур канил цила лунттубакIгу бувгьуну, столданух жагыилсса учительница щябивкIун бия. Ганил хъунисса яру жагъ столданийсса ТIивтIусса журналданух, жагыгу хIисавртал контрольный даву дуллалисса оърчIах буруглай бия. Шамилчинмур парталух щябивкIун бия Шакир ва Рамазан.

Б.Рамазанов

•Текстрава личIи дурну, союзру бусса ца журалул члентращалсса предложенияртту чичара. Ца журалул члентраплуртту аши дуккияра, гайннухъун суваллу булара.

#### 4.Физкультминутка.

Пиягъру— цIияллай,

пиягъру— ххаллай.

Чабувкра, чабувкра,

арцул марххалай! XI.KIурухов

Даву 65. Лув ккаккан бувсса суваллан дуснахъ ца журалул члентращалсса предложениялийну жаваб дула уча.

Цуку-цукунсса журалул мурхъру бур багъраву?

Ци ххярххуну дур ахъуву?

Цуку-цукунсса жанаварт ялапар хъанай бикIайссар вацIуву?

Ци ласун аркинссар дуклаки оърчIал школалийн?

Даву 66. Дуккияра.

Дахъва зунттаву гъанагъи марчру буклакисса, гъапулсса ссунтил гъантри...

Ххишала чувкIуй, я хъачIай, я бизанттай, ягу ратIаву чIалай дакъая яру ххари бувайсса яттил гъухъалтту. Яргну щюллисса бизантту хъахъи парх чайхту, бат хъуна дучрал хIухIугу, ттуккул

гъаъгу, ккаччал хIапгу. Ва миннущалва инсаннал ихтилатгу, щютIгу!

ЦI. Камалов

- Цумур чIумуяту буслай бур текстраву?
- Ца журалул члентру бусса предложенияртту тетрадирттай чичара. Гайннуву запятая дишаву дурчIин дара.

Даву 67. Дуккияра.

Аслан барцI ва цулчIа архI...л авлий лавгун бур.

- КIунтIан кIанай къариртсса хIарп чичара.
- Къариртсса чичруул лишан дишара. Предложениялул журекIул дара.
- Ца журалул члентру цуми предложениялул члентру буссарив бусияра.

Даву 68. КIива мукъуйн бувну, Ѣала учала чича.

Щин – хъхьири.

Хъхьу – къини.

Даву 69. Буккияра учалартту.

Дусшиву цIакъесса духьурча, Ватангү цIакъессар.

Инсансса инсаннал язисса ярагъ: марцIшиву, узданшиву, яхIри.

- Учаларттал мяъна дурчIин дара ва гай дакIих лахъхияра.
- Гайннуву ца журалул члентру бусса предложение лякъияра.

Даву 70. Оърчиру, ссиgъри бувчIиннув?

Чаххурай бунугу, оърмулухун куннан кув къаккаклакисса кIия уссу, ци ссиgъар?

Гъинттул дюхлу дулайсса, ссуттил дуканмур дулайсса, кІинттул гъилишиву дулайсса зат, ци ссигъар?

## **5. Рефлексия.**

1. Дарсирай лавхъхъумунил жям даву:

– Цуманал бусанну хІакыну жува ци лавхъхъуссарив?

– ХІакыну жува лахъхъарду союзру бусса ца журалул члентращалсса предложенияртту, союзирттал хъирив чичруул лишанну дишин. Союзру бусса предложенияртту дакІнихсса ва чичрулийнусса гъалгъалуву ишла дуллан.

2. – Дарсирай зура дурсса даврин кымат бишара.

## **6. Дарсидал жям даву.**

**Шардайсса даву:** даву 71, 72 – шардайсса даву дурчІин дан.

## **12-мур дарс**

**Дарсидал тема: Обращениялущалсса предложенияртту**

**Дарсидал мурад:** Дуклаки оърчІру обращениялущалсса предложенияртташал кІул баву. Гай дакІнихсса ва чичрулийнусса гъалгъалуву ишла дан лахъхъаву. Обращениялущалсса предложенияртту зумух ласун ва чичруул лишан дишин лахъхъин баву.

**Дарсиран аъркинмур:** учебный пособие, таблицарду.

**Дарсидал журга:** Щусса материал лахъхъин дуллалисса дарс.

**Дарс нанаву**

**1. Дуклаки оърчІру дарсирайн хІадур баву.**

**2. Дуклаки оърчІру щусса материал лахъхъаврийн хІадур баву.**

Даву 73. *Дуккияра.*

Барххуй, ттул мусил хъирттуй,  
Бяхътайвагу бакъарав?  
Нанукъай, нану ттучлан.  
Гъели ппалав гадлучлан.

М. Оъмаров

• *Назмулуву обращение лякъияра, га ссайну ккаккан дурну дуссарив бусияра.*

### 3..Луттиращалсса даву.

**Инсан вичи дишин ягу урган ан гъалгъалуву ишла байсса мукурттийн обращение учайссар.**

**Обращение дусса предложение, чиу лагъ-лахъ бувну, дуккайссар.**

Даву 74. Дуккияра.

Садикъ, ва жула пприинж бусса чантайвагу къаххал хъутив? –  
куна ниттил.

- Варив, дадай? – тий, Садикъ чарив ца бачвасса чантай лавсун увклина.
- Вар, муния пприинжрал бувциуну буссия! Ми ци бувссар?
- Вар, дадай, мяммал дадалгу ккашилсса челмултран къама бивчунни, Хасан уссалгу гайннун къатри бувунниихха! Нагу мивусса пприинж жула ахъувусса ккашилсса челмултран бичав.

XI.Оъмаров

• *Обращение лякъияра, га ссайну ккаккан дурну дуссарив бусияра.*

• *Обращение предложениярттал цумур кланай дуссарив бусияра.*

•Зу ккашилсса чIелмултран за дичару?

#### **4.Физкультминутка.**

Даву 75. Дуккияра.

Дарс лахълахъисса арснал арснахгу дурургун, мяммал дадал увкуна:

– XIасан, ургула гай лелуххантрах! Ккашилну, бяхълай бухъунссар! Ущу-щулгъив, уртту, мурхырдайсса ахъулсса канан инт, гъи та дучIайвав тIий бухъунссар. Цадакъа хIалалли гайннун, чиригу хъунссар.

– Мяммал дадай, гайннун цадакъа дуклаки оьрчIал байссар.

– Цукун цадакъа байссар, учав? – маxIаттал хъуна мяммал дада.

– Вар, мяммал дадай, дуклаки оьрчIал дяркъусса чIумал лелуххантран дукия дичлачиссар. Гай бякъакъин къатри буллаиссар. Вана нагу жула къатрал хъхьичIесса га мурхырай лахъансса къатта буллай.

•Обращениялул луртту аьшругу дурккуну, чичара.

Даву 76. Дуккияра.

Хъундадай, къулай хъанай дакъарав? Ма вай пприинжрал накълил къуса диша,— тIий, тахличIан гъан хъуна чIаххувдуш Кабират.

– Аман, ттул ххазинай, инарав? Ялун учIансса, щинал ххув булунссавагу цучIав акъар тIийрахха диркIесса,— ххари хъуна ТIагъират.

– Утти къулай хъанай дура, амма ва чурххай хIал бакъар.

XI. Оьмаров

- *Обращение лякъяра, га ссайну ккаккан дурну дуссарив бусияра.*

- *Обращение предложениярттал цумур кIанай дуссарив бусияра.*

- *Обращениялущалсса предложенияртту личIи дурну, чичара.*

## **5. Рефлексия.**

1. Дарсирай лавхъхьумунил жям даву:

– Цуманал бусанну хIакыну жува ци лавхъхьуссарив?  
– ХIакыну жураллахъхъарду обращениялущалсса предложенияртту, гай дакIнихсса ва чичрулийнусса гъалгъалуву личIи дуллан ва ишла дуллан.

2. – Дарсирай зура дурсса даврин кымат бишара.

## **6. Дарсирай жям даву.**

**Шардайсса даву:** даву 77 – шардайсса даву дурчIин дан

### **13-мур дарс**

**Дарсирай тема:** Мукъул бутIрая лавхъхьумур жям баву

**Дарсирай мурад:** дуклаки оърчIал мукъул бутIраясса кIулшиву тикрал даву, мукъурттиву бутIри личIи буллан, ца мархлуя хъусса махъру ляхълан, гъансса мяньнарду дусса махъру дакIнихсса ва чичрулийнусса гъалгъалуву кIул буллан, дуклаки оърчIал гъалгъа магъир баш.

**Дарсиран аъркинмур:** учебный пособие, таблицарду.

**Дарсирай журал:** Щусса материал лахъхъин дуллалисса дарс.

### **Дарс нанаву**

**1. Дуклаки оърчIру дарсирайн хIадур баву.**

## **2. Дуклаки оърчIру ѿусса материал лахъхъаврийн хIадур даву.**

«Махъру сакин шаву» тIисса раздел лахъхъаву.  
Шмуцтитуллащалсса даву.

**Тикрал банны:** мукъул бутIри личIи буллан, гъансса мяньнарду дусса махъру личIи буллан, мукъурттил формарду личIи дуллан.

**Лахъхъинну:** махъру бутIрайх бачIлан, ца мархлюя хъусса махъру личIи буллан, цачIун був махъру личIи буллан, чIявуну ишла байсса цачIун був махъру тIайлану чичлан.

Даву 94. *Дуккияра.*

**ОърчIал** дарс лархъхъунни. **Ниттил** дукра дурунни.  
**Айшатлул** ххуйну сурат дай. **Душнин** хIисаврту дан ххуйну кIулли.

•*ЛичIи бувми мукъурттил дайлитIуртту личIи дара.*

**3..Луттиращалсса даву.**

**Предложениялуvu ца махъ цамур мукъуцIун баxIин ишла байсса баxхана шаймур бутIуйн дайлитIу учайссар. Масала:**  
Багъманчинал багъраха ххуйну къуллугъ бай.

Даву 95 . *Буккияра.*

душ	ПатIимат	тIутIи
душнил	ПатIиматлул	тIутIул
душнин		ПатIиматлун
тIутIун		

•*Гай мукъурттил дайлитIуртту ва мархри ккаккан бара.*

**Мукъул дайлитIу дуркъукун ливчIумур бутIуйн гъану учайссар.**

**Ца мархлуюту хъусса цаппара мукъурттийн ца мархлул ягу гъансса махъру учайссар.** Масала: ссят, ссяткар, ссяткаршиву.

**Мукъул гъанумур мяъна мархлуву дикIайссар.** Цумур-цагу мукъуву чара бакъа мархха бикIайссар.

Даву 96. *Буккияра.*

Ттучан, ттучанчи, ттучанчишиву; цIакъ, цIакъсса, цIакъшиву; кумаг, кумагчи, кумагчишиву; сянат, сянаткар, сянаткаршиву.

•*Хисав дара гъарца группалувусса махъру цукун баххана хъанай бурив.*

•*Гай мукъурттиву мяъна даххана дуллаисса бутIрал луртту аши дурккун, ккаккан бара. ДакIин дутияра гай бутIрал цIарду.*

**Цусса махъру ва мукъурттил формарду сакин дайсса гъанулул бутIуйн суффикс учайссар.** Суффиксрал, мукъул мархлучIа бивхъукун, мукъул мяъна даххана дайссар. Масала: дус– дусшиву, аькълу – аькълукар ва м.ц.

Даву 97. *Буккияра.*

**Инсаннал бусайssa махъ аькълулул дуцинни.**

Лелуххи – тIимурдал, инсан аькълулул чюолу ай.

• Учаларттал мяъна дурчIин дара.  
•*ЛичIи бувсса махъру чичара, гайннуву мархха ва дайлитIу личIи дара.*

## **6.Рефлексия.**

1. Дарсирай лавхъхъумунил жям даву:

- Цуманал бусанну хIакыну жува ци лавхъхъуссарив?
- ХIакыну жува лахъхъарду махъру бутIрайх бачIлан, ца мархлую хъусса махъру личIи буллан.

2. – Дарсирай зура дурсса даврин кымат бишара.

## **7.Дарсирай жям даву.**

**Шардайсса даву:** даву 98 – шардайсса даву дурчIин дан.

### **14-мур дарс**

**Дарсирай тема: ЦачIун був махъру**

**Дарсирай мурад:** Дуклаки оърчIру цачIун був мукъурттищал кIул даву, гай чичаврил къядарду лахъхъаву. ЦачIун був махъру дакIнихсса ва чичрулийнусса гъалгъалуву ишла даву.

**Дарсиран аъркинмур:** учебный пособие, таблицарду.

**Дарсирай журा:** Щусса материал лахъхъин дуллалисса дарс.

**Дарс нанаву**

- 1. Дуклаки оърчIру дарсирайн хIадур даву.**
- 2. Дуклаки оърчIру щусса материал лахъхъаврийн хIадур даву.**

Даву 99. *Дуккияра.*

**ЦцацкIулу**

- ЦцацкIулуй, чунмайра  
ина кIюрххила? –

ГаничIан гъан хъуну,

цIувххуна Бюрххул...

**И. МахIаммадов**

*•Назму насихIну дуккияра. Ганил тема кIул дара.*

• *Лякъияра гиву џачIун був махъру. Гай тетрадирттай чичара.*

•*ЦачIун був махъру џукун сакин хъуну бур?*

### **3.Луттиращалсса даву.**

**Клива ягу ххишаласса махъ џачIун бувну, сакин хъусса мукъуйн џачIун був махъ учайссар.** Масала: цубичу, качарбичу, ниттиуссу

Даву 100. *Дуккияра.*

### **Ттукку**

Ттукку гъиву духхайсса, къушлий чIявуну ишла байсса хIайван бур. Жула лакрачIа ттуккул юнищал дархIуну дур цаппара цIарду: ттуккул цIу учай мюрщисса някIисса тIутIивгу шайсса, къанкъ дусса урттайн. Га уртту дарувран ккалли дайссар. Ттуккул нис учай кIяла-хъахъи бивщусса къяпа бусса ххяххиялийн. Ттуккул нис дукайссар. Миннуву цаппара жуарарду загъру бусса дур.

ВацIлову мурхьирай ялапар хъанахъисса хъунисса вичIивгу, лахъисса магъгу дусса хIайвандалийн бюрхттукку учайссар. Ганин гъивхъ хъинну ххирар.

Бажанаттукку учай хъиртту кунмасса къунтругу бакIрай дусса, къянкъасса макъарттувун бувхсса, чIиви - чIивисса шулгъилийн.

Х. Халилов

•*Текстрал тема ва журга кIул дара.*

•*Текстрава џачIун був махъру личIи бувну, тетрадирттай чичара. Гай џукун сакин хъуну буссарив бусияра.*

•*ЏачIун був махъру џукун чивчууну буссарив бусияра.*

#### **4. Физкультминутка.**

**5. Правило дуккаву ва ганил ялув гъалгъа баву.**

**ЦачIун був махъру лавчIун чичайссар:** ххалабакIу, ниттиуссу, бюрхттукку.

**Мархха тикрал хъанахъисса цачIун був махъру дянив Чири аш дирхъуну чичайссар:** личIи-личIисса, шан-шамма, ранг-рангсса.

**Гъаншиврул ва цIанил падежрайсса существительнирдая сакин хъусса цачIун був махъру личIину чичайссар:** ттуккул нис, буттал нину, айнакIул оърчи.

Даву 101. *Буккияра.*

Ка, ццац, хха, кIулу, чIелму, макъара, бюрх, оърватIи, ттукку, жалин, нис.

•*Киwa махъ цачIу бивхъуну, үIусса махъру сакин бара, гайннущал предложенияртту сакин дара.*

•*Гай үукун чивчууну буссарив бусияра.*

#### **6. Рефлексия.**

1. Дарсирай лавхъхъумунил жям даву:

– Цуманал бусанну хIакыну жува ци лавхъхъуссарив?

– ХIакыну жува лахъхъарду цачIун був махъру дакIнихсса ва чичрулийнусса гъалгъалува личIи буллан. Гай тIайлану чичлан ва дакIнихсса ва чичрулийнусса гъалгъалуву ишла буллан.

2. – Дарсирай зура дурсса даврин кымат бишара.

#### **6. Дарсиral жям даву.**

**Шардайсса даву:** даву 102, 103 – шардайсса даву дурчIин дан.

**15-мур дарс**

**Дарсирал тема: Гъалгъалул бутІри. Существительное**

**Дарсирал мурад:** дуклаки оърчіал гъалгъалул бутІраясса кіулшиву тикрал даву, дакініхсса ва чичрулийнусса гъалгъалуву гъалгъалул бутІри личіи буллан, дуклаки оърчіал гъалгъа магыр буллан.

**Дарсиран аъркинмур:** учебный пособие, таблицарду.

**Дарсирал жура:** Щусса материал лахъхын дуллалисса дарс.

**Дарс нанаву**

- 1. Дуклаки оърчіру дарсирайн хіадур даву.**
- 2. Дуклаки оърчіру щусса материал лахъхъаврийн хіадур даву.**

«Гъалгъалул бутІри. Существительное» тісса раздел лахъхъаву. Шмуцтитуллащалсса даву.

**Тикрал баниу:**

- гъалгъалул бутІрая лавхъхъумур;
- существительнирая лавхъхъумур.

**Лахъхъинну:**

- гъалгъалул бутІрал жуарарду;
- существительнирдал падежру дакініхсса ва чичрулийнусса гъалгъалуву ишла дуллан;
- ца айдадрайсса ва чіяру айдадрайсса существительнирду дакініхсса ва чичрулийнусса гъалгъалуву ишла буллан.

### **3. Щусса дарс дурчін даву**

Цуку - цукунсса бикіайссар гъалгъалул бутІри?

Даву 104. *Дүккияра.*

•*Текст чичара. Къуллугъ бай гъалгъалул бутIral луртту аширу дуккияра.*

•*Текстрал тема кIул дара.*

Даву 105. Текстрава лув ккаккан дурсса низамрай гъалгъалул бутIри личIи бара:

Существительнирду:....

Прилагательнирду: ..

Числительнирду:....

ЩанинкIанайми: ...

Глаголлу:

•*Ми личIи бувну махъ ливчIуми махъру букияра.*

Дуклаки оърчIашал дайссар вывод:

**Гъалгъалул бутIри бикIайссар: цайнува цивппасса ва къуллугъ байссса.**

Цайнува цивппасса гъалгъалул бутIри – ми существительнирду, прилагательнирду, числительнирду, глаголлу, щанинкIанайми хъанахъиссар.

**Къуллугъ бай гъалгъалул бутIри – ми союзура ва бутIир.**

**3..Луттирашталсса даву.**

Даву 106. Букияра.

1.Хъунисса дакъанугу

Барзуй дусса хъару дур,

Архмур ххал къашайнугу

Кланий бусса яру бур.

Ссавний барзу ххал шайхту,

Нигъал зурзу тIун бикIай.

МаркIачIанмай яруннин,

Чани лавсун мурчIи шай.

. Ци ссиgъар?

2. ЩяивkIун ур марщай къужа бартукъравунгу увххун, чIарав щяивkIмагу айтIи уллай. Бусияра ци ссиgъар?

3. Вихссака лухIисса, дикI кIяласса, бурчу ятIулсса зат, ци ссиgъар?

•Луттираву дуллусса схемарттайн бувну, ссиgъри бувчиияра.

•Ссиgърал жавабру цуми гъалгъалул бутIри буссарив бусияра.

•Ссиgърал жавабирттащал предложенияртту сакин дара.

#### **4. Физкультминутка.**

Даву 107 Дуккияра.

#### **ЧиrуннатIутIив**

ЧиrуннатIутIив,

ЧиrуннатIутIив,

НякI кIунтIал дурцIусса щюллисса лухччив,

ХъачI-бакIрай канайсса оврчIи Чиrуннан

Аман ца ххирарча ЧиrуннатIутIив.

П. Рамазанова

•Назмулеву личIи-личIисса гъалгъалул бутIри лякъияра.

•Лякъияра назмулеву цачIун був махъру, гай цукун сакин хъуну буссарив бусияра.

•Назму дакIих лахъхъияра.

#### **5. Рефлексия.**

1. Дарсирай лавхъхъумунил жям даву:

– Цуманал бусанну хIакыину жува ци лавхъхъуссарив?

— ХIакъину жува лахъхъарду гъалгъалул бутIри дакIнихсса ва чичрулийнусса гъалгъалуву личIи буллан, гайннул жуарарду. Гай тIайлану чичлан ва дакIнихсса ва чичрулийнусса гъалгъалуву ишла буллан.

2. – Дарсирай зура дурсса даврин кымат бишара.

### **6. Дарсирай жям даву.**

**Шардайсса даву:** Даву 108. «Ахънилсса» тIисса темалийн бувну, чIивисса хавар сакин бара— шардайсса даву дурчIин дан.

## **16-мур дарс**

**Дарсирай тема: Существительное. Существительнирая лавхъхъумур тикрал баву**

**Дарсирай мурад:** дуклаки оърчIал существительнирая лавхъхъумур тикрал баву, дакIнихсса ва чичрулийнусса гъалгъалуву существительнирду личIи ва ишла буллан бюхъаву, дуклаки оърчIал гъалгъа магъир баву.

**Дарсиран аъркинмур:** учебный пособие, таблицарду, суратру.

**Дарсирай журо:** Лавхъхъумур тикрал буллалисса дарс.

### **Дарс нанаву**

- 1. Дуклаки оърчIру дарсирайн хIадур баву.**
- 2. Дуклаки оърчIру цIусса материал лахъхъаврийн хIадур баву.**

Даву 109. *Дуккияра.*

Дия бигъалагай кыни. Школалул хаятраву оърчIру ттуплий буكلай бия. Жалаллул ттуплийх ттархь риршуна. Левххун нанисса ттуп Амирдул майрайн щуна. Амирдул майравату оь бавчуна. Амирдул иттату муқъал кIунтIру бавчуна. ОърчIру ганал лагма лавгуна. Леххаву дагъуна оърчIал нитти-буттайн. Амирдул нину Закират лерчунна ялун дируна. Закират оърчIайн дяъван диркIуна. Му чIумал Жалиллул нину Саниятгу дуркIуна. Учитель Аьппас гай паракъат буллай ия.

- Ссая гъалгъа тIий бур текстраву?*
- Текстрал жура кIул дара.*
- Текстрава хасъесса цIарду личIи дурну, чичара.*
- Текстрава существительнироду личIи бара, гайннучIан суаллу бишара.*

Даву 110. *Текстрава существительнироду личIи бувну, гай чIяру аьдадрай чичара.*

Дансса куц: кыни –кыниирду, ...

Даву 111. *Дуккияра.*

### **Къари ва душ**

Аминат щинату най бия. Ганил хъачIрай чIивисса исвагъисса варакъи бавкъуну бия. Аминатлун щинав най дугъарасса щарсса хъунадаркъуна. Ганил цила варакъи къарил варакъувун бачIва бувна. Къари ганиха зукълай дия. Къарил арсенал душ Аминатлущал дуклай бия. Га чунчIав сукку бан къашайсса таммал бия. « На кIанихъ гъунттий барчаллагъ учинна, – тIий пикри буллай бия Аминат. – Барчаллагъ, ттул ссу ПатIимат, дугъара хъусса буттал нину щинав гъан риртун тIий».

Ш.Абдуллаевлул хаварданува

- *Текстрал тема ва жура кIул дара.*
  - *Текстрава ىال хасъсса существительнирду, яла аымсса существительнирду личи бувну, чичара.*
  - *Бусияра зува бугъарасса инсантуран ىукун кумаг байссарив.*
- Даву 112. Зула классравусса оърчIан ва душваран ىIарду чичара.
- *Гай ىукунсса существительнирду хъанахъиссарив бусияра.*  
*Цукун чичайссар гай?*

Даву 113. Буккияра магъа.

### **ЦулчIа ва барцI**

ЦулкIунун барцI ккаччив дайл дуллай, ххал хъуну бур. Ганил куну бур:

- Ина ккарччив дайл дуллалисса цира? Биянма акъарихха.

БурцIил куну бур:

- Биянма акъассакссархха ккарччив дайл даван айкинсса.

Биллансса чIун дуркIукун, дайл дуллансса мажал къабикIантIиссар.

- *Магълул мурад бусияра.*
- *Существительнирду личи бувну, чичара. ГайннучIан суаллу бишара.*

• *Магълувусса существительнирду чIару айдарай чичара.*

### **3. Существительнирая лавхъхъумур жям баву.**

ДакIний битияра: лакку мазраву суал цу? так инсантунал ىIарду ккааккан дуллаллисса мукъурттихъун булайссар.

### **4. Физкультминутка.**

### **5. Луттиращалсса даву.**

Даву 114. *ОърчIру, ссигъри бувчIиннув?*

1. Ахънил, хъуруннил ялтту

Кияла ссупра бувтунни,

Чунмай я битарчагу

Арцул пяй бур пперха тий

Яруннавун къутIатIисса.

ОърчIру, ва ци чIун духъунссар?

2. Цаннан-ца ххал къашайssa

Кива бярнил дяниву,

Гъану кияла ттурчIалssa

Ца зунтту бур бавщуну,

Бусияра, ци ссигъар?

Даву 115. *Буккияра.*

Инсан табиаьтрал заллур.

Ватан дакъа барзу хъатIунгумали итталу бакъассар.

•Учаларттал мяънароду дурчIин дара.

•Учаларттава существительнироду личIи бара. ГайннучIан суаллу бишара ва чIяру аьдадрай чичара.

Даву 116. *Ссигъа бувчIияра.*

Я варани ва бакъар,

Кира чсан дакъа дакъар,

Хъару барзул дакъари,

Барзуяргу хъунири,

Варани ва бакъари

Варанттуяргу лахъри,

Ххяххан бай чу ва бакъар,

Дучраяргу дирири,

АньакIи ва бакъари

Хъуни ккунукру бувай?

•*Хайвантрап ва лелуххантрап цIарду личIи дурну, чичара.*

*ГайнчIан суаллу бишара.*

Даву 117. Ссигълул жаваб- мукъувусса хIарпру ишила дурну,  
*цIусса махъру сакин бара.*

•*Махъру чIяру аъдадрай чичара ва гайннухъхъун суаллу булара.*

## 5. Рефлексия.

1. Дарсирай лавхъхъумунил жям даву:

– Цуманал бусанну хIакъину жува ци лавхъхъуссарив?

– ХIакъину жува тикрал барду существительнирду дакIнихсса  
ва чичрулийнусса гъалгъалува личIи буллан. Гай тIайлану чичлан  
ва дакIнихсса ва чичрулийнусса гъалгъалуву ишила буллан.

2. – Дарсирай зура дурсса даврин кымат бишара.

## 6. Дарсиral жям даву.

**Шардайсса даву:** 118– шардайсса даву дурчIин дан.

## 17-мур дарс

**Дарсиral тема: Существительнирдал группартту**

**Дарсиral мурад:** дуклаки оърчIру существительнирдал  
группартташал кIул баву, дакIнихсса ва чичрулийнусса гъалгъалуву  
существительнирдал группартту личIи бан ва ишила буллан  
бюхъаву, дуклаки оърчIал гъалгъа магъир баву.

**Дарсиран аъркинмур:** учебный пособие, таблицарду,  
суратру.

**Дарсиral журга:** Щусса материал лахъхъин дуллалисса дарс.

## **Дарс нанаву**

- 1. Дуклаки оърчиру дарсирайн хадур даву.**
- 2. Дуклаки оърчиру цусса материал лахъхаврийн хадур даву.**

Даву 119. *Дуккияра*.

Мяммал дада чавахьулттийх къатиув дуруглай дия. Щуну бувсса марххалттанийх занай, мики лавчисса мурхьирдайх лехлай, цанна дуканмуних луглай бия ккашилсса лелуххант: хъхириу, хъатири, вяркъулт. Арснал арс дарс лахълай ия. Ганал мяммал дадахь цува къатрал хъхичисса мурхьирай лахъансса къатта буллай ушиву бувсунा.

Мяммал дадагу дирзун, лелуххантран дичинмур ласун ларгунा.

Миннах вичилий ия ххюра шинавусса Аслангү.

Лавгуна гъантри. Асланнул нину ахттайннай луглан диркүнүа накь дансса пприинжрах. Бивхъуний пприинжрал чантай бакъая.

XI.Оъмаров

- *Сая гъалгъа тий бур текстраву?*
- *Цукун къуллугъ буллай бур дуклаки оърчиру кинттул лелуххантраха?*
- *Ци хайр буссар инсаннан лелуххантрая?*
- *Лелуххантраха зува кинттул цукун къуллугъ байссарив бусияра.*
- *Текстрава существительнироду личи бувну, чичара ва гайннул группа кул бара.*

**3. Щусса дарс дурчин даву.**

**Лакку мазравусса существительнирдал шанма группа буссар: 1-мур (ур), 2-мур (дур), 3-мур(бур).**

**1-мур группалувун багълагъискар циняв арамтал: уссу, оърчI, хIакин.**

**2-мур группалувун багълагъискар:**

**а) хъами: нину, щарсса, къари ва м.ц.  
б) ца аьдадрай ва чIяру аьдадрай «дур» бакъайсса рухI дакъасса затру: сурат, ус, тIутIи, м.ц.**

**3-мур группалувун багълагъискар:**

**а) душ, ссу ва м.ц.  
б) рухI дусса затру: хIайвант, жанаварт, ушту-щулгъи ва м.ц.  
в) ца аьдадрай ва чIяру аьдадрай «бур» бакъайсса рухI дакъасса затру: чару, чагъар, кIану ва м.ц.**

Даву 120. *Буккияра*.

Адимина, оърчI, душ, щарсса, лу, къатта, кIану, сурат, гъи, кIи, инт, ссут, оъл, бярч, барцI, багъ, баргъ, ссав, ахъ.

• *Существительнирдал группартту ккаккан бара.*

Даву 121. *КIунтIан кIанай ур, бур, дур тIесса махъру чичара.*

Ттул уссу шамилчинмур классраву дуклай ...

Душ чагъар чичлай ...

Нину дукра дуллай ...

ОърчI сурат дуллай ...

Учитель дарс бувчин буллай ...

ВацIлуву журо-журасса лелуххант ялапар хъанай ...

Даву 122. «*Лякъияра ххишаласса махъ*».

ОърчI, чIаххувчу, ттатта, мямма, виричу, уссу, адимина, арснал арс, ниттиуссу, нину.

## **5. Рефлексия.**

1. Дарсирай лавхъхьумунил жям даву:

– Цуманал бусанну хIакыну жува ци лавхъхъуссарив?

– ХIакыну жува существительнирдал группартту лахъхъарду.

Гай дакIнихсса ва чичрулийнусса гъалгъалуву тIайлану ишла буллан лахъхъарду.

2. – Дарсирай зура дурсса даврин кымат бишара.

## **6. Дарсиral жям даву.**

**Шардайсса даву:** 123 – шардайсса даву дурчIин дан.

## **18-мур дарс**

**Дарсиral тема:** Существительнирду ца аьдадрай падежирттайх баххана шаву

**Дарсиral мурад:** дуклаки оърчIру существительнирду ца аьдадрай падежирттайх баххана шаврищал кIул даву, дакIнихсса ва чичрулийнусса гъалгъалуву существительнирду ца аьдадрай личIи-личIисса падежирттай ишла буллан бюхъаву, дуклаки оърчIал гъалгъа магъир даву.

**Дарсиран аьркинмур:** учебный пособие, таблицарду, суратру.

**Дарсиral журо:** Щусса материал лахъхъин дуллалисса дарс.

## **Дарс нанаву**

**1. Дуклаки оърчIру дарсирайн хIадур даву.**

## **2. Дуклаки оърчIру юусса материал лахъхъаврийн хIадур даву.**

Даву 124. *Дуккияра.*

### **Къягъу ва къукъу**

Къягъу щин хIачIан чай бивкIун бур. ХIаятраву щин дусса къукъу бивкIун бур, амма гиву щин так чIанулу диркIун дур. Къягъуша гайннучIан биян къабюхълай бивкIун бур. Га къукъулувун чIучIри бичлан бивкIун бур, бигу миксса бивчууну бурхха, щин ларай хъуну, хIачIан бюхълай хъуну дур.

Л.Толстой

- Текстрал жура кIул дара.*
- Текстраوا существительнируду личIи бара, гайннул падеж кIул дара.*
- Текстрал мурад бусияра.*

## **3. Юусса дарс дурчIин даву.**

## Существительнирду падежирттайх баххана шаврийн склонение

### учайссар. Лакку мазраву аьмсса 6 падеж дуссар.

падежру	суаллу	рухI дусса, кIулши дусса сущ.	рухI даkъасса, кIулши даkъасса, рухI дусса кIулши дусса сущ.
Цанил	цу? ци?	адимина	зунтту
Гъаншиврул	щил? ссал?	адиминал	зунттул
Дулаврил	щин? ссан?	адиминан	зунттун
Бусаврил	шихъ? ссахъ?	адиминахъ	зунттухъ
Шаврил	щища? ссаща?	адиминаща	зунттуща
ЦачIушиврул	щищал? ссашал?	адиминащал	зунттущал

### 4.Луттиращалсса даву.

Даву 125. Таблицалух бурувгун, къягъу тIисса маxъ падежирттайх баххана бара.

Даву 128. Ссиgъри бувчIинну?

Кару даkъар, чланну бакъар, къапутив хъинну тIитIай, ци ссиgъар?

Дарзигу акъана, бусса оьрмулухун ххалаххив лавсун занан икIайма цумари?

### 5. Рефлексия.

1. Дарсирай лавхъхьумунил жям даву:

– Цуманал бусанну хIакъину жува ци лавхъхьуссарив?

– ХIакыну жува существительнирду падежирттайх баххана буллан лахъхарду. Гай дакIихсса ва чичрулийнусса гъалгъалуву тIайлану ишла буллан.

2. – Дарсирай зура дурсса даврин кымат бишара.

## **6. Дарсирай жям даву.**

**Шардайсса даву:** 126, 127 – шардайсса даву дурчIин дан.

## **19-мур дарс**

**Дарсирай тема: Цанил падеж**

**Дарсирай мурад:** дуклаки оьрчIру цанил падежрайсса существительнирдащал кIул баву, дакIихсса ва чичрулийнусса гъалгъалуву цанил падежрайсса существительнирду ишла буллан бюхъаву, дуклаки оьрчIал гъалгъа магъир баву.

**Дарсиран аьркинмур:** учебный пособие, таблицарду, суратру.

**Дарсирай журо:** Щусса материал лахъхын дуллалисса дарс.

**Дарс нанаву**

- 1. Дуклаки оьрчIру дарсирайн хIадур баву.**
- 2. Дуклаки оьрчIру цIусса материал лахъхъаврийн хIадур баву.**

Даву 129. *Дуккияра.*

**БитIикъукъу ва хъхи**

БитIикъукъу щин хIачIан неххамачIув бувчIун бур. ЩатIи бившуну бур, битIикъукъу бюкъавай ливчIун бур. Хъхи, къярти ларсун, най бивкIун бур. Ганил къярти неххавун дуртун дур. БитIикъукъу къяртилийн лавхъун бур. Авчинал хъхи бугъан къатIа бивзун бур. Га къатIа лакъин бан най ивкIун ур. БитIикъукъул

авчинал чанная къацI куну бур. Авчинал вев куну бур, ганаща къатIа итххявшхун бур. Хъхьи левххун лавгун бур.

Л.Толстой

- Текстрал тема ва жура кIул дара.*
- БитIикъукъул тIулун къимат бишара.*
- Текстрава цIанил падежрайсса существительнирду личIи бувну, чичара. ГайннучIан суаллу бишара.*

### **3. ЦIусса дарс дурчIин даву.**

**ЦIанил падежрал затрал цIа, га ци дуссарив бусайссар**. Масала: оърчI, Аъли, сурат, ссут, м.ц. ЦIанил падежрайсса существительнирал ца аъдадрай цу? ягу ци? ва ца? чIяру аъдадрай тIисса суаллан жаваб дулайссар. Масала: Ссут (ци?) дуркIунни. ОърчI (цу?) дарсиайн лавгунни.

### **4.Физкульминутка.**

### **5.Луттиращалсса даву.**

Даву 130.*Текстрава цIанил падежрай бакъами существительнирду личIи бувну, гай цIанил падежрай чичара.*

Даву 133. *Оърчиру, ссиғъри бувчIинну?*

### **6. Рефлексия.**

1. Дарсирай лавхъхъумунил жям даву:
  - Цуманал бусанну хIакыну жува ци лавхъхъуссарив?
  - ХIакыну жува цIанил падежрайсса существительнирдащал кIул хъуру, дакIихсса ва чичрулийнусса гъалгъалуву цIанил падежрайсса существительнирду ишла буллан лаххъарду.
2. – Дарсирай зура дурсса даврин къимат бишара.

### **7. Дарсиral жям даву.**

**Шардайсса даву:** 131 – шардайсса даву дурчIин дан.

## **20-мур дарс**

**Дарсиral тема:** Гъаншиврул падеж

**Дарсиral мурад:** дуклаки оърчIру гъаншиврул падежрайсса существительнирдащал кIул баву, дакIихсса ва чичрулийнусса гъалгъалуву гъаншиврул падежрайсса существительнирду ишла буллан бюхъаву, дуклаки оърчIал гъалгъа магъир баву.

**Дарсиран аъркинмур:** учебный пособие, таблицарду, суратру.

**Дарсиral журa:** Щусса материал лахъхыин дуллалисса дарс.

**Дарс нанаву**

- 1. Дуклаки оърчIру дарсирайн хIадур баву.**
- 2. Дуклаки оърчIру щусса материал лахъхъаврийн хIадур баву.**

Даву 134. *Текст дуккияра.*

- Текстраву ссая гъалгъа тIий бур?
- Текстрал жура кIул дара.
- Текстрава личIи бувсса маxъру чичара, гайннул дайлитIуртту личIи дара ва падеж ккаккан дара.

**3.Луттиращалсса даву.**

Даву 135. *Дуккияра.*

- Циван дуруччин аъркинссар тIабиаьт?
- Бусияра, зура цукунсса давуртту дайссарив тIабиаьт дуруччиншиврул?
- Текстрава гъанишиврул падежрайсса существительнирду личIи бувну, гайннул дайлитIуртту ккаккан дара.

#### **4.Луттирая правило дуккаву ва цIусса дарсиral ялуv ихтилат баву.**

Гъаншиврул падежрайсса существительниral зат щил ягу ссал дуссарив ккаккан дайссар, ягу даву щил ягу ссал дурссарив, дантIиссарив ккаккан байссар. Масала: Асиятлул (щил?) даву дурунни. Мурхьирал мархри цIакъесса бур.

**Гъаншиврул падежрал муданнасса дайлитIур –л.**

#### **5.Физкультминутка.**

Даву 137. Буккияра учалартту.

1.Мурхьирал – мархха, инсаннал – Ватан.

2. Мяърипатрал инсаннал цIа ларай дайссар.

•Учаларттаву гъанишврул падежрайсса существительниrodal луртту аши дурккун, ккаккан бара.

•Учаларттал мяъна дурчиин дара, кIай дакIних лахъхияра.

*Кайннуха лавхъхусса оърус мазрайсса ца учала дакIinin бутияра.*

Даву 138.Санна дуккияра.

Ва Къакъай,

Къакъал оърчи!

Къюллуреву исул оърчи!

БакI цумусса цулкIул оърчи!

•Гъанишврул падежрайсса существительниrodу личIи бара.

#### **6. Рефлексия.**

1. Дарсирай лавхъхъумунил жям даву:

– Цуманал бусанну хIакъину жува ци лавхъхъуссарив?

–           ХIакъину           жува           гъаншиврул           падежрайсса  
существительниrodашал кIул хъуру, дакIихесса ва чичрулийнусса

гъалгъалуву гъаншиврул падежрайсса существительнирду ишла буллан лахъхъарду.

2. – Дарсирай зура дурсса даврин кымат бишара.

## **7. Дарсирай жям даву.**

**Шардайсса даву:** 136 – шардайсса даву дурчIин дан.

### **21-мур дарс**

**Дарсирай тема: Дулаврил падеж**

**Дарсирай мурад:** дуклаки оърчIру дулаврил падежрайсса существительнирдащал кIул даву, дакIихсса ва чичрулийнусса гъалгъалуву дулаврил падежрайсса существительнирду ишла буллан бюхъаву, дуклаки оърчIал гъалгъа магъир даву.

**Дарсиран аъркинмур:** учебный пособие, таблицарду, суратру.

**Дарсирай журал:** Щусса материал лахъхъин дуллалисса дарс.

### **Дарс нанаву**

**1. Дуклаки оърчIру дарсирайн хIадур даву.**

**2. Дуклаки оърчIру щусса материал лахъхъаврийн хIадур даву**

Даву 139. *Буккияра.*

### **АньакIи ва читIу**

АньакIун шатлул ккунукру лявкъуну бур. Га ккунукирттай щябивкIун бур. ЧитIун му ххал хъуну бур. Ганил увкуну бур:

– Ина ми итабакынссар, амма миннул хъхичIва-хъхичI вицIухвассар бантIисса.

Л. Толстой

•*Текстрайл тема ва журал кIул дара.*

•Текстрава дулаврил падежрайсса существительнируду личи  
бувну, чичара. Гайннул дайлитіу ккаккан дара ва группа кіул бара.

### **3. Щусса дарс дурчін даву.**

### **4.Луттиращалсса даву.**

Даву 140. *Буккияра.*

Дусшиву, кумаг, дус, инсан, инсаншиву.

•Ккаккан бувсса махъру дулаврил падежрай чичара,  
гайннущал предложенияртту сакин дара.

**Дансса күц:** дусшиву – дусшиврун.

Дулаврил падежрайсса существительнирал зат щин ягу  
ссан дуллуссарив, ккаркссарив, дакінин бағьссарив ва м.ц.  
ккаккан байссар. Масала: Оърчіан хісавртту дан ххуйну  
кіулли.

Дулаврил падежрал муданнасса дайлитіу –н  
хъанахъиссар.

### **5.Физкультминутка.**

### **6.Луттиращалсса даву.**

Даву 141. *Дуккияра.*

**Ссан ци?**

Паччин – тіама.

Тіаннун – лама.

Ттуккун – бюру.

Читіун – кюру.

Яттин – зунтту.

Оълин – уртту.

Вин - ва кканпілті.

Ттун – лисапІитІ.

С.Увайсов

•*Дулаврил падежрайсса существительнирду тетрадирттай чичара.*

Даву 143. *ХъхычІмур мукъул махъра - махъмур хIарпирая байбихълахъисса махъру сакин буллай, чичара.*

**Бансса куц:**БакІ, кIула, а...

•*Зува сакин бувсса махъру дулаврил падежрай бишара.*  
•*Существительнирду дулаврил падежрай бивхъуну, шанна предложение сакин дара.*

## **7. Рефлексия.**

1. Дарсирай лавхъхъумунил жям даву:

– Цуманал бусанну хIакыну жува ци лавхъхъуссарив?  
–ХIакыну жува дулаврил падежрайсса существительнирдащал кIул хъуру, дакIнихсса ва чичрулийнусса гъалгъалуву дулаврил падежрайсса существительнирду ишла буллан лахъхъарду.

2. – Дарсирай зура дурсса даврин кымат бишара.

## **8. Дарсирайл жям даву.**

**Шардайсса даву:** Даву142– шардайсса даву дурчIин дан.

## **22-мур дарс**

**Дарсирайл тема: Бусаврил падеж**

**Дарсирайл мурад:** дуклаки оърчIру бусаврил падежрайсса существительнирдащал кIул баву, дакIнихсса ва чичрулийнусса гъалгъалуву бусаврил падежрайсса существительнирду ишла буллан бюхъаву, дуклаки оърчIал гъалгъа магъир баву.

**Дарсиран айркинмур:** учебный пособие, таблицарду, суратру.

**Дарсидал жура:** Щусса материал лахъхын дуллалисса дарс.

**Дарс нанаву**

- 1. Дуклаки оърчIру дарсирайн хIадур даву.**
- 2. Дуклаки оърчIру щусса материал лахъхъаврийн хIадур даву.**

Даву 144. Текст дуккияра. Суаллан жавабру дулара.

- Сая гъалгъа тIий бур текстраву?
- Текстрава личIи бувсса махъру бусса предложенияртту чичара, гайннул дайлитIуртту личIи дара. Гайннул падеж бусияра.

**3. Шардайнсса даву ххал даву.**

**4. Щусса дарс дурчIин даву.**

**Бусаврил падежрайсса существительнирал гъалгъа щихъ ягу ссань буллалиссарив, бантIиссарив ягу бувссарив ягу ци - дунугу щихъ, ссань дуссарив ккаккан дайссар. Масала: оърчIахъ, душнихъ, хъамаллурахъ ва м.ц.**

**Бусаврил падежрал муданнасса дайлитIу – хъ хъанахъиссар.**

**5.Луттиращалсса даву.**

Даву 145. Текстрава существительнироду личIи бувну, бусаврил падежрай чичара.

**Дансса куц:** Малланасруттин– Малланасруттиннухъ, ..

**6.Физкультминутка.**

Даву 147. Дуккияра.

**Цивани?**

- Циванни зунзулчаннахь  
Ажарттал эөь чайсса?
  - –Гайннул даврийн халкъуннахь  
Гъаз хъияра тIутIисса.
  - –Мяммай, жула ажари  
ЧантI къакуну личIайча,  
Хъина ва занг рищай ссят  
Жура чIаркIув диширча.
- Ссая гъалгъа тIий бур назмулуву?*
- Бусаврил падежрайсса существительнирду личIи бувну, чичара.*

Даву 148. *Лув ккаккан дурсса хIартирдал кумаграйну махъру сакин бара. Махъру чIявусса хъунишиврул, ца хIарп кIийла ишла дан бучIиссар. Гайннущал предложенияртту сакин дара.*

а, и, у, оь, л, м, н, р, тI, кI. (15 махъ)

•*Гай махъру дулаврил падежрай бишара.*

## **7. Рефлексия.**

1. Дарсирай лавхъхъумунил жям даву:  
 – Цуманал бусанну хIакыну жува ци лавхъхъуссарив?  
 –ХIакыну жува бусаврил падежрайсса существительнирдашал кIул хъуру, дакIихсса ва чичрулийнусса гъалгъалуву бусаврил падежрайсса существительнирду ишла буллан лаххъарду.

2. – Дарсирай зура дурсса даврин кымат бишара.

## **8. Дарсиral жям даву.**

**Шардайсса даву:** Даву 146 – шардайсса даву дурчIин дан.

**23-мур дарс**

## **Дарсирал тема: Шаврил падеж**

**Дарсирал мурад:** дуклаки оърчIру шаврил падежрайсса существительнирдащал кIул баву, дакIихсса ва чичрулийнусса гъалгъалуву шаврил падежрайсса существительнирду ишла буллан бюхъаву, дуклаки оърчIал гъалгъа магъир баву.

**Дарсиран аyrкинмур:** учебный пособие, таблицарду, суратру.

**Дарсирал журал:** Щусса материал лахъхын дуллалисса дарс.

### **Дарс нанаву**

- 1. Дуклаки оърчIру дарсирайн хIадур баву.**
- 2. Дуклаки оърчIру щусса материал лахъхъаврийн хIадур баву.**

**3. Шардайнсса даву ххал даву.**

**4. Щусса дарс дурчIин даву.**

Даву 149. *Дуккияра.*

— Вища ци шай, Аьлишай?

— Вай каруннай ачин шай.

— Вища ци шай, Оьмаршай?

— ЛавчIун, ччима утан шай.

— Вища, вища, Бахттуншай?

— Ттуща, ттуща къавтIун шай...

С.Увайсов

•*Назмулуву ссая гъалгъа тIий буссарив бусияра.*

•*Шаврил падежрайсса существительнирду ишила буллай, назмулувусса суаллан жавабру дулара.*

•Шаврил падежрайсса существительнирдал луртту аышру дуккияра.

**Дансса күц: Альишаща каруннай ачин шай.**

**Шаврил падежрайсса существительнирал ци-дунугу даву щища, ссаща хъанахъиссарив ккаккан дайссар. Масала:**  
Душнища ххуйну сурат дан шай. Оърчаша дарс лахъхин бюхъай.  
**Шаврил падежрал муданнасса дайлитIу - ща хъанахъиссар.**

**5.Физкультминутка.**

**6. Луттиращалсса даву.**

Даву 150. *Буккияра.*

Каруннища тачлав яру буччин бан къавхъуссар.

Авлиянаща духхаяр айкълукарнан духхин дурну хъинссар.

•Чичара. Шаврил падежрайсса существительнирду личIи бара.

•Учаларттал мяъна дурчIин дара, гай дакIих лахъхияра.

Даву 152. *ОърчIру, ссиғъри бувчIиннув?*

1.Кляла ххалаххал бувцIусса

Чурххал къабювхъусса мурхъ,

Гай ххалаххал вив лавсун бур

Дарувран ишла байсса

Ссумасса ятIул жангри,

БакIурдий къанчри бусса.

2.Чу буючлан башиврул вичIив кIурадаясса зат, ци ссиғъар?

Даву 153. *Лув ккаккан бувсса мукъуву лабивкIесса махъру лякъияра.*

•Зува лявкъусса мукъурттищал шаврил падежрайсса существительнирду ишла бувну, кIира предложение сакин дара.

Ссурулккуртта

## **6. Рефлексия.**

1. Дарсирай лавхъхьумунил жям даву:

– Цуманал бусанну хIакыну жува ци лавхъхьуссарив?

– ХIакыну жува шаврил падежрайсса существительнирдашал кIул хъуру, дакIихсса ва чичрулийнусса гъалгъалуву шаврил падежрайсса существительнирду ишла буллан лахъхъарду.

2. – Дарсирай зура дурсса даврин кымат бишара.

## **7. Дарсирай жям даву.**

**Шардайсса даву:** Даву151. «На ниттин кумаг бара» тIисса темалийн бувну, хавар сакин бан.

## **24-мур дарс**

### **Дарсирай тема: ЦачIушиврул падеж**

**Дарсирай мурад:** дуклаки оърчIру цачIушиврул падежрайсса существительнирдашал кIул даву, дакIихсса ва чичрулийнусса гъалгъалуву цачIушиврул падежрайсса существительнирду ишла буллан бюхъаву, дуклаки оърчIал гъалгъа магъир даву.

**Дарсиран аъркинмур:** учебный пособие, таблицарду, суратру.

**Дарсирай журга:** Цусса материал лахъхьин дуллалисса дарс.

### **Дарс нанаву**

- 1. Дуклаки оърчIру дарсирайн хIадур даву.**
- 2. Дуклаки оърчIру цусса материал лахъхъаврийн хIадур даву.**

Даву154. Дуккияра.

### Занчру

Аълил ппу кІинттул, зунттуйх хъуну, **чащал** шавай най ивкІун ур. Цакуну гужсса буран бишлан бивкІун бур. Занчру къатI хъуну, ххуллу бавщуну бия. Ялувсса **бурттигъунашал** чу марххалттанивун бювкъун бур.

Аълил ппу **зунчашал** архІал ратІув ағыну лавгун ур. Чу шаппай бувкІун бур. Га цуппалу бувкІун ххал хъувкун, Аълил буттах луглан лавгун бур. Занайгу бивкІун, къалявкъуну занахъуну бур. Шамилчинмур кыни га ратІух **ккачишал** авчи най ивкІун ур. Ккачин инсаннал къанкъ рирщуну дур. Га ссаннах марххала ххилтІу буллан бивкІун бур. Авчинан ххал хъуну дур ханнакъ, гивугу адимина лявкъуну ур. Авчинал га анаварну марххалттанивува кІучI увну ур, цувагу кумаг буцин шяравун левчууну ур.

•*Сая гъалгъа тIий бур текстраву?*

•*Щин лявкъун ур Аълил ппу?*

•*Текстрал тема ва жура кIул дара.*

•*Текстрава личIи бувсса махъру чичара, гайннул дайлитIурттал луртту аыш дуккияра.*

### 3. Шардайсса даву ххал даву.

### 4. Щусса дарс дурчIин даву.

ЦачIушиврул падежрайсса существительнирал иш ягу даву щищал ягу ссащал дуллаиссарив, хъанахъиссарив, хъунтIиссарив **ккаккан дайссар**. Масала: Буттащал нагу мяммал дадачIан лавгссияв.

**ЦачIушиврул падежрал муданнасса дайлитIу – щал хъанахъиссар.**

### **5.Луттиращалсса даву.**

Даву 155. *Текстрава цачIушиврул падежрайсса существительнирду бусса предложенияртту личIи дурну, чичара.*

Даву 156. *Существительное цачIушиврул падежрай бусса шанна предложение сакин дара.*

Даву 157. *Дуккияра.*

•*Назмулува цачIушиврул падежрайсса существительнирду личIи бара.*

•*Назмулут тема ци дуссарив бусияра.*

•*Вила ттаттая буси.*

### **6. Рефлексия.**

1. Дарсирай лавхъхъумунил жям даву:

– Цуманал бусанну хIакыну жува ци лавхъхъуссарив?

– ХIакыну жува цачIушиврул падежрайсса существительнирдащал кIул хъуру, дакIнихсса ва чичрулийнусса гъалгъалуву цачIушиврул падежрайсса существительнирду ишла буллан лахъхъарду.

2. – Дарсирай зура дурсса даврин кымат бишара.

### **7. Дарсидал жям даву.**

**Шардайсса даву:** Даву 158 – шардайсса даву дурчIин дан.

### **25-мур дарс**

**Дарсидал тема: КIанттул падежру**

**Дарсидал мурад:** дуклаки оьрчIру кIанттул падежирттайсса существительнирдащал кIул баву, дакIнихсса ва чичрулийнусса

гъалгъалуву кIанттул падежирттайсса существительнирду ишла буллан бюхъаву, дуклаки оърчIал гъалгъа магъир баву.

**Дарсиран аъркинмур:** учебный пособие, таблицарду, суратру.

**Дарсиран журал:** Щусса материал лахъхыин дуллалисса дарс.

**Дарс нанаву**

- 1. Дуклаки оърчиру дарсирайн хIадур баву.**
- 2. Дуклаки оърчиру щусса материал лахъхъаврийн хIадур баву.**

Даву 159. *Дуккияра.*

**ВярчIавату** пуркIу бур най,

**Къатраву** бур пачру лахълай.

Чун дургъуну шанма зуруй,

КИ дуркIун дур, шаймур буллай.

А.Гъапуров

•*Назмулува личIи бувсса махъру чичара.*

•*Цукунсса дахханашивуртту хъанай дур тIабиаьтраву кIинттул?*

**3. Шардайнсса даву ххал даву.**

**4. Щусса дарс дурчIин даву.**

Аымсса падежру дакъассагу, лакку мазраву кIанттул падежругу дуссар. Миннул кIану ккаккан байссар ва чув?, ча?, чун?, ссаву?, чунай? ва м. ц. суаллан жавабру дулайссар.

**5.Луттиращалсса даву.**

Даву 160. *Учалартту буккияра.*

Чил канивун ялугълансса къабукканнав. НеххачIан ияннина ус маликларда. АькълукарначIа лахъхайссар, авлияначIа хъамабитайссар. ВацIуву чакъал чан бакъассар. Зумату итадаркъусса чIатIаракI иттав щайссар.

•*Канттул падежирттайсса существительнирдал чIарав скобкарттаву багъайсса суаллу бихълай, чичара.*

•*Кива учалалул мяньна дурчIин дара.*

Даву 161. *Назму пасихIну дуккияра.*

### **Мина**

ЧитIул мина – магъулу.

Ччитул мина – ларзулу.

Ппалав дур оълил мина.

ЧаркIув дур ттуккул мина.

Авлул мина – зунттаву.

БурцIил мина – рахIаву.

Барзул мина – ххяллаву.

Исулсса – эяллаву.

Ххал дуллалу, луглагу.

Лахъний ва лагъний ина –

### **КъалякъинтIиссар ссалчIав.**

**Ттул кунна ххуйсса мина.**

•*Зун цукун бувчIай бур личIи бувсса ххару?*

•*Назмулуву кIанттул падежрайсса существительнирду личIи бара, гай чичара.*

•*Назмулуву хъунадаркъусса хIайвантрал, лелуххантрал цIарду учара.*

Даву 162. *Буккияра.*

Оънанияр оъллачIа хъинссар.

Хъус залунначIа хъинссар.

ЩарачIа – дюхлугу, сситтучIа айкълугу къабикIайссар.

•*Учаларттал мяъна дурчIин дара, гай дакIих лахъхъияра.*

•*Канттул падежрайсса существительнирду личIи бара.*

## **6. Рефлексия.**

1. Дарсирай лавхъхъумунил жям даву:

– Цуманал бусанну хIакыну жува ци лавхъхъуссарив?

–           ХIакыну           жува           кIанттул           падежирттайсса  
существительнирдащал кIул хъуру, дакIихсса ва чичрулийнусса  
гъалгъалуву кIанттул падежирттайсса существительнирду ишла  
буллан лахъхъарду.

2. – Дарсирай зура дурсса даврин кымат бишара.

## **7. Дарсиral жям даву.**

**Шардайсса даву:** 163– шардайсса даву дурчIин дан.

## **26-мур дарс**

**Дарсиral тема: Существительнирду чIяру аьдадрай  
падежирттайх баххана шаву**

**Дарсиral мурад:** дуклаки оърчIру существительнирду чIяру  
аьдадрай падежирттайх баххана шаврищал кIул баву, дакIихсса ва  
чичрулийнусса гъалгъалуву существительнирду чIяру аьдадрай  
падежирттайх баххана буллан бюхъаву, дуклаки оърчIал гъалгъа  
магъир баву.

**Дарсиран аьркинмур:** учебник, таблицарду, суратру.

**Дарсирал журга:** Щусса материал лахъхын дуллалисса дарс.

### **Дарс нанаву**

- 1. Дуклаки оърчIру дарсирайн хIадур даву.**
- 2. Дуклаки оърчIру щусса материал лахъхъаврийн хIадур даву.**

Даву 164. *Дуккияра.*

### **Асландалул луттиравусса ттукку**

Ттукку асландалул лу ялтту лавххун бур. Циняв га аслан ххай бивкIун бур. Халкъгу, ризкыигу ливхъун бур. Марч бивщуну бур. Лавхсса лу ябивхъуну бур, ттуккугү чалан бивкIун бур. Халкъ бувкIун, ттукку бавттун бур.

Л. Толстой

- *Текстрал жура кIул дара.*
- *Текстраву чIяру аьдадрайсса существительнироду лякъияра, гайннул падеж кIул дара.*

**3. Шардайнсса даву ххал даву.**

**4. Щусса дарс дурчIин даву.**

падежру	суаллу	рухI дусса, кIулши дусса сущ.	рухI дақъасса, кIулши дақъасса, рухI дусса, кIулши дусса сущ.
Цанил	ца? ци?	оърчIру	зунттурду
Гъаншиврул	щил? ссал?	оърчIал	зунттурдал
Дулаврил	щин? ссан?	оърчIан	зунттурдан

Бусаврил	щихъ? ссахъ?	оърчIахъ	зунттурдахъ
Шаврил	щища? ссаща?	оърчIаша	зунттурдаща
ЦачIушиврул	шищал?ссащал?	оърчIаштал	зунттурдащал

## 5. Луттиращалсса даву.

Даву 165. *Таблицалух бурувгун, текстрава кIива чIяру аьдадрайсса существительное падежирттайх баххана бара, гайннул дайлитIуртту личIи дара.*

Даву 166. *Буккияра.*

Аьшукънал – махъру, усттарнал кару магьирссар.

Карав кару дирхъуну щяикIарча, мусил зунттугума бувкуну, къуртал шайссар.

- Учаларттал мяъна дурчIин дара.*
- ЧIяру аьдадрайсса существительниродал луртту аьшу дурккуну, чичара.*
- КIайннул падеж кIул дара.*

## 6. Физкультминутка.

Даву 167. *Оърчиру, ссиgъри бувчIиннув?*

Щюлли къурув ххяххайсса

Мукъа - ххюва цачIуну

Куркуллавува бивкIесса

Жангри кунма саргъунсса

Зат ци ссиgъар?

## 7. Рефлексия.

1. Дарсирай лавхъхъумунил жям даву:

–Цуманал бусанну хIакъину жува ци лавхъхъуссарив?

—Хакыну жува существительнирду чыру айдадрай падежирттайх баххана шаврищал күл хуру, дакинихса ва чичрулийнусса гъалгъалуву чыру айдадрайсса существительнирду падежирттайх баххана буллан лахъхарду.

2. — Дарсирай зура дурсса даврин кымат бишара.

### **8. Дарсирай жям даву.**

**Шардайсса даву:** Даву 168—шардайсса даву дурчийн дан.

### **27-мур дарс**

**Дарсирай тема: Существительнирдал журагарду. Къаршилса мяньнарду дусса существительнирду**

**Дарсирай мурад:** дуклаки орчиру существительнирдал журагардащал күл баву, дакинихса ва чичрулийнусса гъалгъалуву къаршилса мяньнарду дусса существительнирду ишла буллан буюхъаву, дуклаки орчил гъалгъа магъир баву.

**Дарсиран айркинмур:** учебный пособие, таблицарду, суратру.

**Дарсирай журал:** Щусса материал лахъхын дуллалисса дарс.

### **Дарс нанаву**

- 1. Дуклаки орчиру дарсирайн хадур баву.**
- 2. Дуклаки орчиру щусса материал лахъхаврийн хадур баву.**

Даву 169. *Буккияра.*

### **Цулчла ва хъудугъу**

Цал хъудугъучан цулчла бувкун, увкуну бур:

—Чаххувчу, вичла къуллугърай бикланна. Вил айнакийв, урдакру ва къазру ябанна, душманная байщун банна. Багълун

барчаллагьният ххишала цичлар къачча. Хъянгу ивкIун, хъудугъул жаваб дуллуну дур:

– Хъинну ххуйсса махъру бур, амма вил ккарчая щил ябантIискар, щил байшун бантIискар ттул лелуххант? – куну.

• *Сая гъалгъа тIий бур магълуу?*

• *Магълува лелуххантрал цIарду личIи дурну, тетрадирттай чичара.*

• *Магълува цу? тIисса суалданун жаваб дулайми существительнирду личIи бара, гай чичара.*

• *Магъа, рольлайх бавчIуну, буккияра.*

### **3. Шардайнсса даву ххал даву.**

#### **4.Луттиращалсса даву.**

Даву 170. Буккияра.

#### **Ци дақъай?**

Цал кIуллухъ цIувххуну бур:

– КIулуй, вил пикрилий, гъарахъ къуцуру бакъайривкъай, тIахIни дақъайрив? – куну.

КIуллул чайва тIар:

– Ттуйвания къааытIра, ттуйва айтIий бухъурча, ттул лякъа пIякъ учиннав, амма гъарахъ тIахIиният къуцуру бакъай, – куну.

• *Цукун бувчIай бур зун кIуллул махъру?*

• *Лякъияра текстраву обращениялужалсса предложенияртту.*

• *Лякъияра текстраву затирттан цIарду ккаккан дуллалисса существительнирду.*

• *Хлайвантран цIарду чичара.*

## **5.Физкультминутка.**

Даву 172. *Лув ккаккан бувсса мукъурттийн къаршилла маxъру лякъияра.*

БакI, дайдихъу, нину, къини, ка, лажин, ччатI, баргъ.

**Дансса куц:** бакI – магъ,

Даву 173. *ОърчIру, ссиgъри бувчIиннув?*

1.НякI тIамакъравусса мусил щившу, ци ссиgъар?

2. Цуппа дикIул, чIу гюнгутIул, май къурттарал, ци ссиgъар?

## **6. Рефлексия.**

1. Дарсирай лавхъхьумунил жям даву:

– Цуманал бусанну хIакъину жува ци лавхъхъуссарив?

– ХIакъину жува существительнирду чIяру аьдадрай падежирттайх баххана шаврищал кIул хъуру, дакIнихсса ва чичрулийнусса гъалгъалуву чIяру аьдадрайсса существительнирду ишла буллан лахъхъарду.

2. – Дарсирай зура дурсса даврин къимат бишара.

## **7. Дарсирай жям даву.**

**Шардайсса даву:** Даву 174 – шардайсса даву дурчIин дан.

## **Проектрал даву**

### **«Учаларттаву ладиркIесса падежру»**

1. Класс группарттайх бачIин: 6 группа: 1-мур группа – цIанил падеж; 2-мур группа – гъаншиврул падеж; 3-мур группа – дулаврил падеж; 4-мур группа – бусаврил падеж; 5-мур группа – шаврил падеж; 6-мур падеж – цачIушиврул падеж.

2. Ккаккан дурсса падежру дусса учалартту лякъин.

3. Цания-ца учалалун хас дурсса сурат дан.

4. Учаларттал мяъна дурчын дан.
5. Реферат хәдур дан.
6. Группарттал куннал куннахъхъунсса суаллу хәдур баш: учалартту къуртал баш ва гайннул мяъна дурчын дан.
7. Ккаккан дурсса суратирттайн бувну, учалартту ляхъан баш.



8. Дарсирай лвхъхъумунил жям даву: падежирттал инсаннал гъалгъалуву бугълагъисса қлану ккаккан баш.

**Лакку мазрал ва литературийсса буккаврил  
интегрированныйсса дарс**

**Лакку мазрал дарсидал тема: Существительнирая  
лавхъхъумур тикрал бувну, жям баву.**

## **Литературийсса бүккаврил тема: Лакрал халкъуннал магья «Ччитул магья»**

**Дарсиral мурад:** существительнирая лавхъхъумур жям баву, дуклаки оърчIал чичрулийнусса ва дакIихсса гъалгъа магьир баву.

**Дарсиран аъркинмур:** суратру, карточкарту.

**Дарс нанаву**

**1.Дуклаки оърчIру дарсирайн хIадур баву.**

**2. Дуклаки оърчIру цIусса материал лахъхъаврийн хIадур баву.**

–Бургияра магълул темалух. Цуми гъалгъалул бутIри бур ганил цIаниву.

– Существительнирду.

– ХIакъинусса жула дарсиral тема цукунсса дур?

– ХIакъину жува существительнирая лавхъхъумур жям банну, лякъинну гай жула магълуву.

**3.Магья буклай бунува гиву существительнирду лякъин.(презентация хIадур дан)**

БивкIун бур, къабивкIун бур, къабивкIунгу цибави, зу буси тIий бухъувкун, бивкIун бур кIия уссу. Га ца ивкIун ур хъинну авадансса, гамагу ивкIун ур хъинну мискинсса. Аваданманал хъхьичIа мудан зий, занай икIайсса ивкIун ур мискинма уссу...

**4. ЦIусса махъру бувчIин баву.**

**5. Гъарца дуклаки оърчIан цанна- цаннассса даву дулаву.**

1) существительнирдал жуардуду: хасъсса ва аымсса;

2) существительнирдал жуардуду: кIулши дусса ва кIулши дакъассса;

(Учительнал дуклаки оърчиру къулагъас дан бан аъркинссар лакку мазрай цу? т1исса суал так инсантуран цIардач1ан бакъа къабишайшиву. Текстраву жанавартрал цIарду лякъайссар ва гайннуч1ан суаллу буллали байссар. Шикку дуклаки оърчиру дан бан аъркинссар вывод: жанавартрал цIардач1ан жува лакку мазрай бихълай буру суал ци? , оърус мазрай цу? т1исса).

3) существительнирдал аьдад;

4) существительнирдал группартту ва м. ц.

5) жула гъалгъалуву существительнирдал бугълагъисса кIану.

## **6.Физкультминутка**

### **7.Суаллан жавабру дулаву:**

1. Ссая гъалгъа тIий бур магълуву?

2. Цукун ялапар хъанай бивкIун бур уссурвал?

3. Цукун авадан хъуну ур чIивима уссу?

4. Вила ичIувасса читуя чIивисса хавар сакин ба.

5. Ва магълул мяъна цукунсса дур?

6. Магъа, рольлайх бавчIуну, буккияра, ганил кумIасса мурад бусияра.

### **7.Рефлексия**

1. Дарсирай лавхъхъумунил жям даву:

– Цуманал бусанну хIакыну жува ци лавхъхъуссарив?

– ХIакыну жува тикрал барду существительнирду, гайннул журагарду, суаллу; дакIихсса ва чичрулийнусса гъалгъалуву гай ишла буллан; лакрал халкъуннал магъа буккарду.

2. – Дарсирай зура дурсса даврин кымат бишара.

**7. Дарсирай жям даву:** дарсирай лавхъхъумунил жям дан, къиматру бишин.

**Шардайнсса даву:** магълул мурад бусан, существительное тикрал бан

## **Хъиривмахъ**

Байбихъулул классиртаву лахъхъайсса лакку мазрал курсирал щаллу бан айкинссар оърчлан күулшиву дулаврил, гай тарбия баврил ва айкълу-күулши ларай даврил цасса масъала.

4-мур классраву гъалгъалул бутри лахъхъин ккаккан бувну бур. Дуклаки оърчлан гъалгъалул бутриясса аймсса күулшиву дулун, существительнирду, прилагательнирду, цыанинкынаймур, глагол ва наречие лахъхъин ккаккан бувну бур. Хъуннасса къулагъас гъалгъалул компетенция хъун баврих, яни дуклаки оърчлан пасихыну, ххуйну гъалгъа буллан лахъхъин баврих дан ккаккан дурну дуссар. Федерал паччахынугърал дуккаврил стандартирттай хъуннасса къулагъас дуклаки оърчлан цусса материал лахъхъин, къакылмур күул буллан, цайнура цала күулшиву ласун лахъхъин баврин дурну дур. Байбихъулул классиртаву зузисса учительтуран хъуннасса къулагъас дан айкинссар дуклаки оърчлан дакынхсса ва чичрулийнусса гъалгъа магъир баврих. Дуклаки оърчлан литературийсса мазрал къараллу дуурччуны гъалгъа буллан лахъхъин бан айкинссар. Гъалгъа байбишин, къуртал бан, гиву гъалгъалул этикетравун багълагъисса

махъру ишла буллан лахъхын айрекинссар. Гъалгъа, чумух, кIанттук бурувгун, бан айрекинссар.

Ниттил мазрал дарсирдал хъуннасса агъамшиву дуссар дуклаки ойрчIру тарбия бавриву: ойрчIан адаб-инсапрал чулуха тарбия дулаву, Буттал кIану ххира шаврил чулухунмайсса асарду хъун бавриву. Хъуннасса агъамшиву дуссар ниттил мазрал дарсирдал Буттал кIанттукссаса, ниттил мазрахссаса чаву хъун давриву. Учительнал биялссаса хIарачат бан айрекинссар ниттил маз дуклаки ойрчIан ххира хъун бан, ганил ххуйшиву, пасихIшиву ккаккан бан. Мукунна хъуннасса къулагъас дан айрекинссар дуккавриву цIусса педагогикалул технологияртту, ИКТ-технологияртту ишла даврих. Учительнал хъунмасса бияла буссар дуклаки ойрчIан лакку маз ххира шаврин ва га лахъхаврихссаса гъира багъаврин.

## **Ишла дурсса литература:**

1. Арефьева О.М. К проблеме формирования коммуникативных умений детей младшего школьного возраста// Начальное образование –2010, № 3 С.52.
2. Бернштейн С. Вопросы обучения произношению. М., 1937.
3. Винокур Т. Г. О некоторых синтаксических особенностях диалогической речи. // Сборник «Исследования по грамматике русского литературного языка» М., 1955.
4. Гальперин И. Р. Грамматические категории текста (Опыт обобщения) // Известия АН СССР, - Серия лит. и яз.- Т.36, 1977, № 6.
5. Гальперин. И Р. Текст как объект лингвистического исследования. М., 2006.
6. Капинос В.И., Сергеева Н. Н., Соловейчук М. С. Развитие речи: теория и практика обучения. 5–7 классы. М., 1994.
7. Львов М. Р. Методика развития речи младших школьников. М., 1985.
8. Львов М. Р., Рамзаева Т. Г., Светловская Н. Н. Методика обучения русскому языку в начальных классах. М., 1987.
9. Макаренко А. С. Избранные сочинения, М., 1975, С.374.
10. Методика начального обучения русскому языку. Под ред. И. В.Баранникова, А. И. Грекул. Л., 1984.
11. Методика развития речи на уроках русского языка. Под ред. Проф. Т. А. Ладыженской. М., 1991.

12. Методика обучения иностранным языкам в начальной школе. Под ред. И.В.Карпова, И.В.Рахманова. М., Издательство АПН РСФСР, 1949.
13. Мутаева С.Р. Байбихъулул классирттаву гъалгъа магыр баву. Махачкала, 2012.
14. Мутаева С. Р. Тесты по лакскому языку. 4 класс. Учебное пособие. Махачкала, 2013.
15. Политова Н. И. Развитие речи учащихся начальных классов. М., 1984.
16. Сафонова В.В. Коммуникативная компетенция: современные подходы к многоуровневому описанию в методических целях. М., 2004.
17. Саяхова Л. Г. Концент как единица лингвокультурологии, когнитивной лингвистики и лингводидактики. М., 1998.
18. Седов К.Ф. Дискурс и личность: эволюция коммуникативной компетенции. М., 2004.
19. Ситникова Т. Н. и др. Поурочные разработки по русскому языку (к УМК В.П.Канакиной, В.Г.Горецкого).
20. Сулейманова П.А. Словосочетания в лакском языке и их изучение в школе. Махачкала, 1989.
21. Ушинский К. Д. Собрание сочинений, т.2, М., 1968.
22. Щукерман Г.А. Как младшие школьники учатся учиться? – Рига: Эксперимент, 2000.
23. Чистяков В. М. Основы методики русского языка. М., 1947.
24. Эльдарова Р. Г. Лакку маз. Фонетика ва фонология. Орфоэпия. Орфография. Махачкала, 2006.

**Информационные ресурсы:**

1. Фонд сохранения и изучения родных языков народов Российской Федерации (родные языки. рф), (дата обращения: 07. 03. 2020).
2. Государственное бюджетное учреждение «Дагестанский научно-исследовательский институт педагогики им. А. А. Тахо-Годи» // URL: <http://xn--d1aiasm.xn--p1ai/> (ДНИИП. рф) (дата обращения: 05. 03. 2020).
2. Лакский сайт. РФ (Лакский национальный портал) // URL: [https://vk.com/lakia\\_library](https://vk.com/lakia_library) (дата обращения: 05. 03. 2020).

**Мутаева Светлана Рамазановна**

**Обучение родному(лакскому)языку в 4 классе  
общеобразовательной школы**

**Редактор – Магдиева П. М.**

**Корректор – Мутаева С. Р.**